

دیوان غامی

راج به مصائب و مرانی اهل بیت علیهم السلام
اثر طبع

مرحوم شمس الدین حسن غامی

ناشر
کتاب فروشی بنی ہاشمی

مرحوم
حسن غامی

دیوان غامی

۷۶۳۰۳۵۵

دیوان عاصی

راجع به مصائب و مراثی اہلیت (علیہ السلام)

اثر طبع
مرحوم مشہدی حسن عاصی

جلد اول

نام کتاب: دیوان عاصی
مؤلف: مرحوم مشہدی حسن عاصی
ناشر: کتابفروشی بنی ہاشمی
تاریخ نشر: بہار ۱۳۷۷
چاپ: اسماعیلیان
نوبت چاپ: دوم
تیراژ: ۲۰۰۰
حروفچینی: نعمتی

حق طبع محفوظ و مخصوص است بہ یوسف عاصی زادہ

بِسْمِ اللَّهِ الرَّحْمَنِ الرَّحِيمِ

مناجات

تصادفات زمانه سالوب منی بنده

اڤدوبدی محضر پاک خداده شرمندہ

گشجه گونوز منی فکر و خیال بیهودہ

عبادت ائتمگه قویمور او پاک معبودہ

نه واردی قدرت طاعت نه بیرجه خیر عملیم

اڤدوم نچاره هامی خیردن قالوب بوش الیم

نه واجبی عَمَله عاملم نه مُسْتَحَبه

گوزوم یاشی یوزه جاری اولور همین سببه

اگر اجل منی درک ائیلسه بو حالتده

خدایه بولمورم عذیریم ندور قیامتده

دولوب گناھله یکسر بو نامه عملیم

خدا حضورینه محشرده من نه نوعی گلیم

اڤدوبدی معصیتین چوخلوقی یوزیمی سیاه

آغر سفر یول اوزاق پا پیاده بار گناه

اودور که عالم حیرتده قالموشام ناچار

همیشه وردیم اولوب یا عزیز و یا غفار

کیمه پناه آپاروم دردیمه نه چاره اڤدوم

کیمون قاپوسنا یوز دوندروب هرایه گڤدوم

منی بو حالله هئج کس خدا قبول ائتمز

یقین قووار قاپوسندان هرایمه یتمز

گنه سنون قاپووا قویموشام امیدله یوز

او عالی درگهی قیلّام طلب گشجه گوندوز

مقصرم منه یول وئر قاپوندا دالدا لانوم

بیر عمر سایه لطفونده منده تا دولانوم

نولور گذشت ایدہ سن فضل و جودو رحمتوه

هامی گناهمی گئج لطفوه کرامتوه

بو قدر جرم و گناھه که ائتمشم اقدام

هاموسونون سببی رحمتوندی یا علّام

اینانمیشام که سن احسان و فضل صاحبی سن
 قاپووا گلسه اگر دشمنون گذشت ایده سن
 موخدم اوزوم اسلام دینی دینمدور
 سنون حلال و حرامون منیم یقینمدور
 پینمبرین بولوسن قائلن نبوتینه
 انانمشام ته دلدن علی ولایته
 او صلبدن گلن اونبیر امامه اولدن
 امامتینه مقرم هاموسنون دلدن
 خصوص عزیزه ختمی مآب زهرايه
 علاقه مندم اورکدن بتول عذرايه
 اودور شفيعه قیامت گونی گنه کاره
 پینمبر امتنون دردینه اودور چاره
 سنه حبیبه دی خاتون روز محشر دور
 یگانه گوهر گنجینه پینمبر دور
 او فاطمه که همیشه رسول عالمیان
 دوروب ایاقینه ساخلاردی حرمتین هرآن

مدام خوش دله دیندیردی زهرانی
 باساردی باغرینا جان نک بتول عذرانی
 دگولدی بی سبب آخر پینمبر رحمت
 ائدردی حضرت زهرايه بیر ائله حرمت
 اوزیکه ما خلق الله دن او اشرفیدی
 خدای حق طرفندن اونا موظفدی
 هامی مهاجر و انصار اثشیتیمیشیدی تمام
 دیردی فاطمه بضعتی رسول انام
 جلال حضرت زهرايه بسدی بو مقدار
 بو قدر وار که رضاسینده حق رضایتی وار
 روادی بیرئله خاتونه اشقیای دنی
 اوقدر قمچی ورا نیلگون اولاد بدنی
 عدو عم او غلوشنون بوینونا طناب سالا
 گوزی باخابا خا حقین عدو الیندن آلا
 نه ائتدی شرم و حیا قوم دون پیمبردن
 ونه اوتاندیلا زهرای زار و مضطردن

اوقدر ظلم و ستم ائندی قوم بیگانه
 حیات عاریه دن گلدی عاقبت جانہ
 ز بسکه اوستونه باران درد و غم نوکولوب
 جفائیلہ آغاروب ساچلاری بٹلی بوکولوب
 گل بهاری خزان اولدی گون بگون سولدی
 اورکی قانه دونوب مرگنه رضا اولدی
 یا نقلی بیر دلیلہ عرض ائدردی یا اللہ
 تفضلیله منیم ائله عمریمی کوتاه
 وجود پاکنی سالموشدی غم توانادن
 گشجه گونوز آلوم ایستردی حتی یکتادن
 دیردی ای ائیلین خلق کون امکائی
 سالوب عدو گوروسن چوخ فشاره زهرانی
 قاپوم یاناندا من ال اوزمیشم نجاتمدن
 گلوبدی تنگه کوئل دویموشام حیاتمدن
 ز بسکه یوز وئور هر دم منه غم اوستن غم
 اولوبدی بار المدن بو سرو قدیم خم

آنا فراقی اورک دردی اهل کین ستمی
 صباح و شامده قان آغلادور بو چشم نمی
 اوقدر اینجیمیش من بو قوم اعدادن
 یتوب دوداقیمه جان دویموشام بو دنیادن
 بو بس دگولدی که اود وردولار قاپوم یاندی
 دوتوب شراره وجودیم سراسر اودلاندی
 سینوب قابورقالاریم محسنیم شهید اولدی
 ستمله برگ خزان تک گل عارضیم سولدی
 مؤثر اولدی او درگاهه التجای بتول
 حبیب حبیبه سنون التجاسین ائندی قبول
 ائدوبدی فاطمه نی اوز حضورینه دعوت
 مریض اولوب مرضی ائندی گون بگون شدت
 خزان اولوب گل رخساری گل کیمی سولدی
 زمان موتی یتوب سخت بستری اولدی
 بو فکردیدی که باشه یتن زمان اجلی
 اولیدی باشنون اوستونده شیر لم یزلی

وثرنده جان اوخیدی او، سورة یتسین
 بودا دثیدی اونا بیریه بیر وصایاسین
 مرامنه یتوروب جان وثرنده محبوبی
 گوز آچدی گوردی پاشا اوسته دوروبدی مطلوبی
 فغانله دیدی ای شاه انس و جان آلورم
 یتوب دوداقیمه جانیم عم اوغلی جان آلورم
 عم اوغلی یا علی حسرتله سندن آیریلورام
 گوزوم ضیاسی حسین و حسندن آیریلورام
 بو قدر آغلایا دوندرمه گوز یا شون سیله
 گوزون فداسی منه حقووی حلال ائیله
 بو باره دن منی قویما گیلن قالوم نگران
 یتوب اگرچه سنه رنج و زحمتیم هر آن
 محبت ائیله گیلن زینبیله کاشومه
 آنالیق ائیله همیشه او ایکی مغنومه
 حسینله حسنین قویما چوخ فغان ائتسون
 مزار ایچره من زاری باغریقان ائتسون

گوزومون اولما رضا بارشی دونه ابره
 گنجیله قیل منه غسل و کفن یتور قبره
 خصوص قویما جنازم منیم قالا یرده
 گنجیله دفن ائیله گیزلت مزاریمی بیرده
 تانوسا قبریمی هرگاه بی حیا ائت
 محالدور قویلا قبریده یاتام راحت
 نه قدر ممکن اولای ولی رب جلیل
 مزاریم اوسته قشیمه اقدان ائیلیمه تعجیل
 سنه عیاندی که قورخار مزاریدن زهرا
 بیر آز توقف ائله قبریم اوسته ائیله دعا
 بونچه کلمه ده اول سروره یتوردی سوزین
 دونوب اوشاهه خدا حافظ ائیدی یومدی گوزین
 ملائکان سماوات دوتدولار یاسین
 اوخوردی سوره مصداق اهل اتی یتسین
 گل بهار جمالی خزانله سولدی
 شهادتینی دیوب فاطمه تمام اولدی

دوروب ایاقه بیرندن علی فگار و ملول
 اولودی فاطمه نون غسل و کفنه مشغول
 حنوط ائتدی او گل جسمی چو لقادی کفنه
 یوزین دوتوب دیدی اول، شه حسینله حسنه
 گورون آنازی دویونجا بالالاریم زینهار
 گورنمه سوز داخی قالدی قیامته دیدار
 همینکه آلدیلا دیدارینون اجازه سینی
 قوجاقلیوب هر ه بیر سمتدن جنازه سینی
 دیدیلر آناگر ساقلقون کیمی بیزی سن
 کناره آلماسان حشره تک ائیلروخ شیون
 دیر او وقتده گوردوم علی قسم بخدا
 آچلدی بند کفن آچدی قولارین زهرا
 سیزیلدیوب حرکت وئردی هر ایکی قولونا
 بیرینی صاقنه آلدی او دم بیرین صولونا
 باسوب بالالارینی جان کیمی بیر آغوشه
 فراق عالمینه هر اوچی دوتوب توشه

او قدر آغلادیلار ائتدیلر ائله ناله
 گویون ملک لری ضجه ائدوب او احواله
 ندا یئتدی ولی خدایه یکتان
 آیرگیلن حسنینی بتول عذرادن
 کمال رافتیله پادشاه کون و مکان
 نسلی وئردی آبردی بالالاری آنادان
 گوتوردیلر او مطهر جنازه نی بردن
 گتوردی حقنه تاپشوردی پادشاه زمن
 اودم که قویدی پینمبر عزیزه سین قبره
 هجوم ائدوب غم و غصه او معدن صبره
 واریدی اشک تری چشم اشگبارینده
 فسرده حالتیله قبرینون کنارینده
 دیزین قوجاقلیوب اگلشدی چکدی دلدن آه
 دونوب پینمبره عرض ائتدی یا رسول الله
 مصیبتیم سنه معلومدور بو حالیمدن
 نه عرض ائدوم اوزون آگاهسن ملالیمدن

مناققین نه قویوب احترام امانتوه
 نه بیر نفر عمل ائتدی سنون وصیتوه
 دیمم عدو منه سندنصورا نه ظلم ائتدی
 توکندی تاب و توان صبریم آخره یتدی
 بو سهلدور که منه هتک احترام ائیلدی
 ال آچدی فاطمیه ظلمنی تمام ائیلدی
 وفاسیز ائمه باخ ائتمدی حیا سندن
 وروبلا درگهوه اود اوتانمادی مندن
 اهانتیه منیم قولاریمی باغلادیلار
 شرار ظلموله قلب بتولی داغلادیلار
 چکوبله مسجده آخرده بیعت اوستونده
 جفاو ظلمه دایاندیم شریعت اوستونده
 گر ایسته سن بوله سن چکدیم بلایادن
 ازلدن آخره ائیه سؤال زهرادن
 سزادی گوزلریمون یاشی گر دونه قانه
 بو غملمیم هامی بیران بو غصه بیرانه

خدا گورور نئجه گز لنجه دفن اولور زهرا
 بونسگله یری واردور ائدم آلونجه نوا
 شرار غمله یانور بسکه قلب مجروحیم
 بدندن آیریللا آهمله راضیم روحیم
 رسول اکرمی دردیندن ائیلدی حالی
 بوشالدی جام دلی غصه دن اولوب خالی
 بولوردی سرور دین ظلم قوم اعدانی
 او علئیه نهان ائتدی قبر زهرانی
 خلاصه ائیلدی زهرا جنازه سین مدفون
 قئیتدیلر ایوه پزمرده حال و دل محزون
 گورنده سرور دین فاطمه یرین خالی
 گلوبدی محتنی جوشه پوزولدی احوالی
 یغوب ولی خدا اهل بیته باشنا
 ازل او شه اوزی وئردی اجازه گوز باشنا
 مؤثریدی زبسکه بو محنتین اثری
 اوشاق بویوک یوزه جاری اولوردی اشک تری

یاناردی دلدن هامی نی کیمی سزیدلاردی
 گلوب نوایه هره بیر دلیلّه اوخشاردی
 بیری دیردی اولان قامتی کمان آنا وای
 بیری دیردی خدنگ غمه نشان آنا وای
 بیری دیردی سالوم هانسی گونلرون یاده
 فغان ائدوم آنا یا فاطمه گلوم داده
 بو غصّه بسدی که اوچ گونلریله قالدون آج
 ألونجه اولدون آنا تازه معجره محتاج
 خصوص زینب کبری او غم کش دوران
 آنا دیوب یانوب ائیلردی متصل افغان
 گهی باخاردی یرین بوش گوردی آغلاردی
 شرار آمله قلب جهانی داغلاردی
 دیردی ای یوزی دنیاده گولمین آناجان
 نجه دوزوم غم هجرونده من سنه قربان
 دیمه زمانه ده سن سیز که بیرده من گولم
 چنین یوزوم گوره خوش گون وثرنجه جان بولم

بو غملو واقعنی عاصی اختصار ائله
 اوزیوه خدمت زهرانی سن شعار ائله
 همیشه اشگبصر توک عزای زهراده
 سنه شفاعت زهرا یتشسون عقباده
 بئنجه پیک اجل بیر تدارک ائت اوزیوه
 قیتگیلن گنه اوز باشدا یازدیقون سوزیوه
 سالام گرک گنه اعمال قبحومی یاده
 گئجه گونوز گلم آه و فغان و فریاده
 اوقدر حضرت معبوده التجا ائیلیم
 که بلکه دردیمه چاره تاپوب دوا ائیلیم
 توکم گوزوم یاشنی ابر تک رخ زرده
 که تا علاج ائیلیه بو علاج سیز درده
 الهی سن بولوسن غرق بحر عصیانم
 ولی او ائتدیقیم اعمالدن پشیمانم
 ترخم ائیله گیلن بو دل کبابمه باخ
 علیل جسممه باخ دلده التهابمه باخ

منی بو حالد قووسان اگر قاپوندان سن
 بویور گوروم هارا یوز دوندروم گئدوم بس من
 جهالتیله خط مستقیم کی گئتدیم
 اوزومی محضر پاکونده روسیاه ائتدیم
 تمام چاره یولی باغلانوب منیم یوزومه
 سنی امید بوگون بولموشم ولی اوزومه
 اگرچه معصیتیم قویموب آبرو منده
 دخیل دوشموشم اما بیر آبرومنده
 که تا سالام اوزومی کلب تک نمک زاره
 اولام دخیل همین وقعهده علمداره
 حسینه وئرسه قسم هرکس اول هنرمنده
 حسینه آند اول قویماز او شخصی شرمنده
 حسینه غلظه مخصوصی وار او سردارون
 محبتنده یازیلار رشید علمدارون
 که بیرگون آلعلی جمله سی اناث و ذکور
 تماماً ائتمشدی ایوده درک فیض و حضور

اوشاق بویوک هامی شیر خدا حضورینده
 اوگون واریدی شه لافتی حضورینده
 اوگونلریدی ابوالفضل اوپور شاه امم
 که تازه قویموشدی عرصه وجوده قدم
 آناسی فاطمه ام البنین قوجاقلنده
 اوگون واریدی همان غنچه گل بوداقلنده
 باخاردی بیر بهیر اولادینه علی ولی
 ائدوب مشاهده بو حالی شیر لَم یزلی
 گوروبدی اوغلی ابوالفضلی پادشاه نجف
 آچوبدی قولارینی میل ائدور حسینه طرف
 هامی ایو اهلنی مشغول ائیلیوب اوزینه
 تیکوب ابکی گوزینی قارداشی حسین یوزینه
 بَلْکَدَن آرز قالوری اوز اوزین یره سالسون
 حسین بوینونا سالسون قولونی کام آلسون
 طفولیتدن ائدردی بو مقصدی تعقیب
 اولیدی قول بویون اولماق او باوفایه نصیب

بئله خیال ائیلمه دلدۀ نسگلی قالدی

دیوم نه وقت حسین بوینونا قولون سالدی

او ساعتیکه حسینون هامی هواداری

بو باندی لاله صفت قانه یار و انصاری

گورنده قارداشی یالقوز قالب او اشجع ناس

گلوب حضور شه دینه حضرت عباس

ازل او سرور لب تشنیه سلام ائیلدی

ادب یولیله برابرده بیر قیام ائیلدی

دیددی بو مرغ دله تنگ اولوب نفس قارداش

بئله حیاته یوخو مدور داخی هوس قارداش

دولوبدی خانه دل محتئله مالامال

منی ائدوبدی بو یالقوزلقون پریشان حال

ائدوبدی اهل جفا عرصه گاهی تنگ سنه

فدا اولوم سنه آخر وئر اذن جنگ منه

اجازه وئرسن اگر لرزه دشمنه سالام

أللرین قاننی یرده قویمارام آلام

روادی اکبروی آلدوره بو اهل جفا

چکه خیامده لیلا صدای وا وُلدا

روادی دوندره لر قاسمون طویون یاسه

مگر چتین دگی بو نکته قارداش عباسه

روادی قاسموون طوی حناسی قان اولسون

آناسی باخسون او احواله ساچلارین یولسون

روادی اصغرون آخر سوسوزدان اودلانسون

آنا بالاسنه باخسون کباب اولوب یانسون

روادی سوز عطشدن یانا بالا بالالار

روادی من صاق اولام عترتون سوسوز قالالار

مرخص ائیله منی ای شهنشۀ عالم

گوروم نه نوعیله باغلار فراتی اهل ستم

بو حالدۀ اوجالوب ناله آل طاهادن

هامی ائدردی تمنای آب سقّادن

بالا اوشاقلار الینده سو جامی ناله کنان

گلوب حضور ابوالفضله العطش گویان

گورنده یوزلری گل تک اوشاقلارین سارالوب
 هاموسنون عطش الدن قرار و صبرین آلوب
 گلوب حمیتی جوشه گورنده بو حالی
 قیزاردی رنگ شریفی پوزولدی احوالی
 امام گوردی که قارداشدان اختیار گثدوب
 بو ماجرا اونی بی صبر و تاب و طاقت ائدوب
 یانور بو حالته باخدوقجا قلب مجروحی
 اوقدر قالموری جسمندن آیریلاروحی
 مآل کار اوناگون تک تمام روشندی
 قضیه سرور لب تشنیه مبرهندی
 امام گوردی داخی یوخدی اوزگه بیر چاره
 گرک اجازه میدان وئره علمداره
 بویوردی سید عالم او نسل خیر سلیل
 باشارسان ائيله سوسوز اهل بیته سو تحصیل
 همینکه سالدی او شهدن اله بو فرمانی
 گوتوردی مشک و لواسین او عشق قربانی

سوار اولوب آتا یوز قویدی رزمگاه طرف
 دوزنمه دی دولانوب باخدی خیمه گاهه طرف
 گوروب گلور دالینجا امام عرش اساس
 انوبدی فوراً آتندان بیره او اشجع ناس
 ادبله عرض ائیلدی ای امام کون و مکان
 ندور جهت بو گلشده اولوم سنه قربان
 دئدی نچاره ائدوم ای مه بنی هاشم
 منه چتندی فراقون وفالی قارداشیم
 محبتونله دولوب بسکه استخوان و رگیم
 بو آیریلق منه مشگلدی دوزموری اوره گیم
 بولوردی بیرده ابوالفضلین عقدۀ دلی وار
 طفولیتندن اورکده بیر عمده نسگلی وار
 برابرینه چاقوردی اوشه علمدارین
 اورک محبتی جوش ائندی آچدی قولارین
 گورنده بیرئله لطفی عزیز بطحادن
 کسیلدی صبر و توانا او تشنه سقادن

آچلدی بال و پری آچدی صافنی صولونی
 حمایل ائندی حسین بوینونا ایکی قولونی
 نه کر بلا هامی آفاق شوريله دولدی
 امیر لشگریله شاه قول بویون اولدی
 بو حاله اهل حرم خیمن ائدرودی نظر
 گوروبله قول بویون اولدی شهیله سرلشگر
 نه باخچی وقتیدی یارب نه باخچی ساعتی
 او صاحب علمون اللری سلامندی
 نه اولدی بیرنجه ساعت صوراً بس احوالی
 ایکی ایاقی اولاندا اوزنگیدن خالی
 او پاره پیکریله جسم زخم داريله
 آننده آنمندی آتدان اوز اختیاريله
 آت اوستن ایستدی دوشسون او ساعتیکه یره
 بدننه کی یوخودی اللری قباقه وئره
 علاوه ورموشدی بسکه اهل کینه خدنگ
 یوخیدی صافیروی و لموشدی سطح حسینیه سی تنگ

او اوج وحدتین عنقاسی شهر آچموشدی
 نگار محضرینه اوچماقا پر آچموشدی
 او قدر یاره یتشمیشدی قوم غدواندان
 آلوب توانی سالموشدی یاره لر جانندان
 بدن تمام دم تیغله بیچلمیشدی
 بئله یازیلما اوچا قامتی کچلمیشدی
 او کس لریکه گوروب مرقد علمداری
 سوروش بو نکته نی اشگون ائله یوزه جاری
 دیبوله خوردادی باب الحوائجون قبری
 آلشدی جان دلیم گئندی کوئل مون صبری
 کوئل چوخ ایستوری یتسون جوار رحمتنه
 نئدیم یتشمور الیم قبرینون زیارتنه
 بولون اوزاقلوقی وادار ائدوب منی صبره
 بو آرزوئیه چوخ قورخورام گئدم قبری
 نصیب اییله خدا بیزده کر بلایه گئداخ
 او قبری پاکنی تا آلمه میش زیارت ایداخ

مجسم ائله او حالی گوزونده گل داده
 اورک گوزيله نظر قیل او قدی شمشاده
 دوزوب نه زحمته الله بولور او دل خسته
 یره دوشنده آتندان دوشوب یوزی اوسته
 دوشنده آتندان او لب تشنه کربلا یرینه
 یریدی تازه دان اوخلار یارالی پیکرینه
 یوزین خیامه طرف دوتدی توکدی گوزدن یاش
 دیدی اماندی یتش دادیمه حسین قارداش
 چکوبله قتلیمه شام اهلی سربر خنجر
 باشمی کسمگه جلا دیلر کشاکش ائدر
 واریمدی باکیم، ألم، گورمیم او گل یوزبوی
 کسینجه باشمی قارداش یتور منه اوزبوی
 جمال پاکوی گورماقه واردی چوخ هوسیم
 باشم دیزونده سعادندی قورتولا نفسیم
 آلبودی نعشمی لشگر آرایه قارداش گل
 سیمی آل داخی دورما هرایه قارداش گل

بو چولده یوخدی بولور سن بیر اوزگه دادرسیم
 واریمدی سنده گوزوم هر قدر که وار نفسیم
 چوخ اولدی سعیم حضورون که درک ائدم بیرده
 هزار حیف هدر گشتدی سعیم آخرده
 خیامده شه دین قارداشین سسین آلدی
 دوتوب ایکی دیزینی لرزه قوه دن سالدی

آمدن امام حسین علیه السلام بالین برادرشی

سارالدی رنگ شریفی توکندی صبر و قرار
 نه نوعی بولم او شه اولدی ذولجناحه سوار
 قویوبدی رزمگه یوز تمام سرعتله
 گنده گنده یوزه اشگین توکردی شدتله
 دایباندی مرکبی اثنای راهده دوردی
 او دورماقین سببین بولدی شاهده دوردی
 امام بولدی عبث کسمیوب قضا یولونی
 یره باخاندا گوروب قارداشین ایکی قولونی

پیاده اولدی آتندان او سیّد عالم
 ازل او اللری بیر ائتدی سینه منضم
 بولوردی قارداشنون اول مصیبتیدور
 بو ایکی قول او مصیبترون علامتیدور
 باسوبدی سینه سینه یوز قویوبدی میدانه
 گهی گئدردی یولی گه گلوردی افغانه
 یتشدی قارداشنون باشی اوسته سرور دین
 باخوب نه گوردی آلبلار آرایه لشگر کین
 داغبتدی دور بریندن سپاه اعدانی
 قاجاردیلار قباقدان او لشگر جانی
 باخوب او نعشه چکوب دلدن آهی آه اوسته
 گوتوردی باشنی آلدی دیز اوسته آهسته
 بوبوردی گوزلرون آج گلیمش اویان قارداش
 ایدن غمینده منیم قدیمی کمان قارداش
 شل اولسون هانسی ستمگر سنی بو حاله سالوب
 ایاقه دور نهجه گور اللریم بلیمده قالبوب

گلنده رزمگه آیریلان زمان مندن
 بولوردوم حالوی کسدم امیدیمی سندن
 اودور که قویمازدیم بو بلالی میدانه
 گئندلریم کیمی بولدوم بویالا آلقانه
 آزالدی چاره امیدیم کسیلدی هر یاندان
 سنون کیمی منه لازیمدی ال اوزم جانندان
 داخی زمانهده سنسبز حیاتی من یندرم
 گلوبدی تنگه کوئل آرزوی مرگ ائدرم
 او قان دولان گوزون آج دلدۀ آه وزاریمه باخ
 نفس شمارده دور حال احتضاریمه باخ
 نفسلریم قوتولوب جانستانه سان وئرورم
 سنون کیمی باشون اوستونده منده جان وئرورم
 بو هامی شدنیله منتهای محنتیله
 بونیله بئله اورکدن خوشام مصیبتله
 عیالیمون غمی اما ائدر دله تاثیر
 سویالا سن سیز ایده لر حرملریمی اسیر

عدو سن الماقله کسب استراحت ائدر
 پسیمبر عترتنه بیرده کیم حمایت ائدر
 بو کوی عشقده خط و فانی طی ائتدون
 اوقدر سعی ائیلدون تا مرادوه بتدون
 سموم ظلم و جفائيله گلشنیم سولدی
 نقدر وار نفسیم شغلیم آه و زار اولدی
 ألونجه ذکریم اولور وای یارالی قارداش وای
 سینان عموديله باشی وفالی قارداش وای
 دولوب خیامده یکسر سرشگله گوزلر
 اوشاق بویوک هاموسی منتظردی بول گوزلر
 علی الخصوص سکینه یانار فغان ائیلر
 عمو دیر یوزه اشک ترین روان ائیلر
 یغوبدی خوردا اوشاقلاری باشینه یکسر
 سوسوزدان اود دوتوب اطفال العطش سسلر
 ائشتدی قارداشنون سون نفسه تا سسینی
 چخاتدی یاددان اوزون دلدن آتدی غصه سینی

او قانلو گوزلرین آهسته آچدی ائتدی نگاه
 گوروب باشین دیزی اوسته آلبودی شاهنشاه
 بو لطف و مرحمتی گوردی تا که قارداشدان
 گلوب محبتی جوشه داشوب آشوب باشدان
 فغانله دیدی قارداش خجالتیم سندن
 واریمدی بیر نچه عرضیم قبول ائله مندن
 بیر یی بودور که اگر خدمتیمده اولسا قصور
 بو وضع حالیمه باخ دوتگیلین منی معذور
 گرک گلنده ایدیدیم سنی من استقبال
 ولی نه فایده قالدی اورکده بو آمال
 دورانمورام ایاقه تاب و طاقتیم یوخدور
 منی بغشله گیلن جسمده یارام چوخدور
 دگول بو حالیم اگرچه طریق رسم و ادب
 ولی اوزون بولوسن وار بو حاله اوزگه سبب
 عموده نوفله خورد خورد اولوب باشیم
 آلوب توانیمی قانه دونوبدی گوز باشیم

حضور پاکوه عرضی بودور بو خون جگرون
 منی خیامه آپارماقه واردی گر نظرون
 بو التماسی لطف اثیلیوب قبول ایده سن
 منی بو حالله قارداش قویوب اوزون گئده سن
 خیامه گتماقا قالموبدی بیرده رو منده
 سکینه دن منی لشگر ائدوبدی شرمنده
 سو وعده اثیلیمش اهل بیت مضطریوه
 خیامه گتسم اگر نه دیوم حرملریوه
 آپار سو مشکیمی قوی من قالوم بو حاليله
 گئدوم نه نوعی خیامه بو انفعالیله
 بیر عمده سزیده وار گتمه ماقمون قارداش
 هنوز حالیمی بولمور بو، زمره اوباش
 صلابتیم ائله دوتموش سپاه اعدانی
 هنوز تترور او صولتله دشمنون جانی
 اگر خیامه آپارسان منی بو حالتيله
 هجوم ائدر سنه دشمنلریم جسارتيله

اولار علاوه سنه حملی نعشمون زحمت
 نچون دگول بدنیم بیرده قابل حرکت
 ز بسکه یاره وروب یاره اوستن اهل جفا
 که ورسان ال داغلور بند بندیدن اعضا
 کوئل رضا دگولی زحمت و مشقتووه
 یتور سلامی سن اهلیت عصمتووه
 دیه دیه سوزین عباس قورتولوب نفسی
 امام گوردی که قارداشون کسیلدی سسی
 قویوب بره باشین آهسته چوخ فغانيله
 ولی اوز اللرین الوان ائدوبدی قانيله
 گوتوردی بیر علمین بیرده قارداشین مشکین
 توکردی سوکیمی رخساره متصل اشگین
 الی بثلینده حسین عازم اولدی خیمه لره
 گوزوندن اشک تری دمبدم آخاردی بره
 گهی گئردی یولی گه دوروب گئدنمزدی
 همین بو عققدنی قلبینده حل ایدنمزدی

وُراردی باشینه اوخشاردی هر یتر آتاک
 اشدردی ناله خواتین محترم تک تک
 بیری وراردی بوزینه دیدی وای عمو وای
 بیری فغانله سسلردی قارداشیم ای وای
 واریدی بسکه بو محنتده چوخ اهمیت
 تمام غصه‌نی یاددان چخاندی بو محنت
 هامی صغیر و کبیر و کنیز و شهزاده
 اسیر اولماقا اولدی تمام آماده
 گوروب تدارک شام اهل بیت حق اوزونه
 اسیرلق توی قوندی سکینه‌نون یوزونه
 فغانله دیدی واضیعتا خانم زینب
 امام اوزی دیدی باجی صحیح‌دور مطلب
 آلهی من سنی وئرم قسم علمداره
 ترحم ائیله گیلن عاصی گنه‌کاره
 سنه شفیع گتورم بو صاحب علمی
 ازل گناهمه چک لطفوله عطا قلمی

بولوردی گوزلوری یول اهل بیت خونجگری
 اگر سوروشسالا وئرسون نشجه ألوم خبری
 بو غصه گرچه دگولدی امامه بی تأثیر
 ولیک وئرمدی ظاهرده حالینه تغیر
 مباد واضح اولاهل بیته مطلب
 او سرورین ألومون بولمه‌سون هله زینب
 یتشدی خیمه عباسه پادشاه زمن
 دیزین قوجاقلوب اگلشدی باشلادی شیون
 گورنده بیربله حالی عیال پیمبر
 بولوبله آلدوروب عباسی فرقه کافر
 تمام بیریرینه دگدی عترت زهرا
 اولوبدی محشر کبری خیامده برپا
 نوکردی گوز یاشی رخساره عترت اطهار
 یولاردی ساچلارینی متصل خانم بالالار
 اوجالدی داد و فغان نه رواقه هر دلدن
 چکردی آه جگرسوز هر یانان دلدن

ایکمجی قویما منی مَنجَنیق غم سخسون
 گنجہ گونوز منیم افلاکہ شیونیم چخسون
 اوچومجی گرچہ حضورندہ چوخ گنہ کارم
 حسینوہ گنہ بونلا بٹلہ عزادارم
 سنہ زوادی منی حق سوز اوستہ اینجیدہ لر
 علاوہ انجماقیم حقیمدہ غصب ایدہ لر
 سنی قسم و ثرورم من او زبده ناسہ
 او دوغراناں بدن چاک چاک عباسہ
 اولار کہ باعث اولوبلار بو داد و شیونیمہ
 گنجہ گونوز آخور حسرتلہ اشگ دامنیمہ
 من عاجزم بولوسن یوخدی منده قدرت و حال
 اوزون اولاردان الہی سن انتقامیمی آل

احوالات حضرت پیغمبر صلوات اللہ و سلامہ علیہ

ائیلوب رحلت جہاندان رحمۃ للعالمین
 دولدوروب آفاقی محنت آغلوری اہل یقین

عالم امکاندا باخسان باطناً وار انقلاب
 کثرت غمدن کسوف ائیلوب بوگونده آفتاب
 مہ خسوف ائیلوب کواکب ایچرہ واردور اضطراب
 آغلوری گوگلر تزلزل ائیلوری عرش برین
 باش آچوب لاهوتیان اولموش ملائک قارہ پوش
 ساکنان عرش بو غمدن اولوبلار سربدوش
 جن و انس آغلار دوتوب دنیانی فریاد و خروش
 خالق عالم اولوب پیغمبرہ ماتم نشین
 انبیاء و مرسلین باتمش بوگون یکسر غمہ
 تک بہ تک ائیلر نوا آغلار رسول اکرمہ
 چوخ مؤثر دور بو غم نوح و خلیل و آدمہ
 ہاجر و حوایہ ہمنالہ اولوبدور حور عین

گوردی محبوبی سالوب امت وجودین زحمته
 ائیلدی دعوت حبیبین بزم زار و خلوته
 گلدی بو دعوتله عزرائیل او باب رحمته
 بوینی چگننده قاپودا دوردی محزون و حزین
 ائیلدی چوخ احترامیله او دمده دق باب
 فاطمه سسلندی کیمن وئردی بو نوعی جواب
 عرض قیل پیغمبره وئرسه اجازه اول جناب
 حاجتیم واردور عریدن بیر غریم مستکین
 ائندی فرمایش آتام ناخوشدی یوخ تاب مقال
 گئت بیر اوزگه وقته گل اولسا سوزون ائيله سئوال
 عودت ائندی منزله محزون اوزی پئرمده حال
 چونکه اولموشدی خانم بو گفتگودن دل غمین
 بیرده عزرائیل آیینی حلقه دربه وروب
 وحشتی اما خانم زهرا وجودین دولدورروب
 گلدی پشت بابده صدیقه کبری دوروب
 سسلدی کیمن سن آخر آرتورور صوتون انین

عرض ائدوب اول کیمسیم یاری بتورم یارینه
 ایسندی محتاجم یتیم پیغمبرین دیدارینه
 وار نچه عرضیم که مامورم اونون اظهارینه
 یول اوزاقدورور گلماقیم بیر امر مشکلدور چتین
 آچدی بو هنگامده پیغمبر رحمت گوزین
 نا ائشتدی قابض الارواحله زهرا سوزین
 ایستدی بولسون نه وار، صدیقیه دوتدی یوزین
 ائستدی فرمایش بودور مأمور رب العالمین
 اولمیوبدی بیر نفردن ایسندی دین اذن آلا
 امر فوریدن و یا بیر لحظه تأخیره قالا
 ایستور بو درگه والانی حرمتدن سالا
 حرمتین بو درگهین هر چند سانماز اهل کین
 یار رسول الله کوئل دویماز فغان و دادیدن
 یاد ایسندی ثانی بیدین ایسن بیدادیدن
 اوج ائدر آهیم ئرتایه دل ناشادیدن
 وار یری گر عالمه اود سالسا آه آتشین

وردی اود درگاهوه سندنصورا اول نابکار
 سینۀ زهرايه يتدی صدمه اولدی زخمدار
 سیندی پهلوسی ز بس دیوار و در و ثردی فشار
 ضعف ائدوب زهرا یخلدی ائیلدی سقط جنین
 سسلدی فضّه منی آلدوردی بو شوم پلید
 داده گل دشمن الینده قالموشام فرد و وحید
 آنند اولا آلهه آخر محسنیم اولدی شهید
 طاقتم قالموب منی سالدی ایاقدان مشرکین
 دلدۀ یسوخ طاقت دیم بی شرم قنفذ نیلدی
 ایش یتشدی بیر مقامه فاطمه ضعف ائیلدی
 ناقة صبر علینی لشگر غم پیلدی
 صبر ائدوب بونلابئله دوزدی امیرالمؤمنین
 اولدی بیر نوعی ولی الله دشمنلر جری
 ظلموله آخرده باغلانندی یدالله اللری
 بیعت اوسته مسجده چکدی ولی داوری
 باشی اوسته ائیلدی مسلوب ثانی تیغ کین

الغرض زهرا و ثروب رخصت او پیک داوره
 آل آل اوسته وارد اولدی محضر پیغمبره
 آچدی پیغمبر گوزین باخدی او نیکو منظره
 سویلدی آیانه مأمور ائدوب جان آفرین
 عرض ائدوب ای سید عالم رسول محتجن
 بو ایکی امره منی مأمور ائدوبدور ذوالمنن
 گلماقبله قالماقوندا سن اوزون مختاریسن
 سوز سنونددور اختیار ائتنن اگر هانسی بیرین
 ائندی فرمایش رسول حق حبیب کردگار
 دویموشام منده جهانان چکمیشم از بس فشار
 بیرئله وقته چکردیم روز و شب من انتظار
 وئر اوقدری مهلت انا تا گله روح الامین
 گوزلرین آچدی سالوب صاق و صولا اول شه نظر
 گوردی جبریلی یانندا سویلدی خیرالبشر
 قارداشی قارداش قوبار یالقوز بو وقتنده مگر
 بولموسن جان تاپشورور جانانه ختم المرسلین

عرض قیلدی محضر پیغمبره روح الامین
محض تشریفاتووه مشغولیدیم اولما غمین
سهل دور یکسر بهشته وئردی زینت خور عین
سندن اوتری حق خموش ائندی جهنم آتشین
سندن اتری روح پاک انبیای ما سلف
آل آل اوستونده چخوبلار پیشوازه صف بصف
باخما آغلور اهل بیتون ائیلور افسوس و اسف
فرقتونده ائیلوری ناله بنات و هم بنین
سویلدی روح الامینه حضرت خیر البشر
قلیم آرام اولموری وئر ائتمدن بیر خبر
فکر ائتمدور منه بو دمده منظور نظر
حق همان دم ائیلدی نازل شفاعت آیه سین

راز و نیاز حضرت حسین (ع) با معبود بی نیاز

بو قضیه یادیمه سالدی گنه بیر ماجرا
جلوه لندی لوح دلدله حال شاه کربلا
اوندا کیم یخمشدیلار آتدان یره اهل جفا
قتلگاه عشقده قالمشدی بی یار و معین
آفتاب عمرینه گوردی یتوب وقت زوال
ماسوادن اهل بیتدن کسوب فکر و خیال
قوردی معبودیله شاه کربلا بیر بزم حال
قتلگاهین قائلو توپراقین یغوب قویدی جبین
عرض ائدوب محبوب من، من عهدیمه ائتدیم وفا
سلم محض اولدوم سنون هر امریوه وئردیم رضا
بو اوزوم، او اهل بیتمدور گرفتار بلا
اوف دیم هرگز اگر یوز وئرسه یوز بئله انین

باش یارا، آتیم یارا، لبلر یارا، حنجر یارا
 سینۀ زاریم یارا، قلییم یارا، اللر یارا
 قالمیوب سینمده بیر صاف یر، بدن یکسر یارا
 دوغریوب قطعه به قطعه جسمی اشرار دین
 بیر قالان ناقص اوز عهدیمدن بو باشمدور منیم
 باشمون قانیله خوشدور اولسا الوان دامنیم
 راضیم عطشان و ثرم جان، کامه یتسون دشمنیم
 بولمورم هاردا قالب گلمور ندن شمر لعین
 گلدی مس درگاه حقندن ای حبیبی یا حسین
 عالم لاهوته بو حالونله سالما شوروشین
 باشوی تتر و ثرگیلن اول سرفراز نشأتین
 قوی مکان لامکان اوسته اول دشمن مکین
 خیمه لرده سانما فریاده گلوب آل رسول
 زینب و کلثوم و لیلایه باخوب اولما ملول
 ائیلرم هر خواهشون اولسا شفاعتدن قبول
 روز محشر یا حسین سن سن شفیع المذنبین

بی بها بولدی اگرچه قانونی اهل جفا
 چکمه غم بوقانه ذات بی مثالمدور بها
 واردی ائيله بیر مقامون ای ذبیحاً من قفا
 آرزو ائیلر جزاده انبیا و مرسلین
 اوندا کیم توپراقلار اوسته سرور ملک حجاز
 اوز حبیبیله ائلدردی خلوتی راز و نیاز
 شمر دون قویموب دیونجا ائیلسون ابراز راز
 نیت فاسدله قصد ائتدی او شاهین مقتلین
 گوردی قان ایچره دوشوبدور شهریار ممتحن
 سجده ده باشی یوز اوسته نه گلن وار نه گئدن
 نیلیدی بولم ازلده ای خدای ذوالمنن
 ارخاسی اوسته دوشوب اول حجت روی زمین
 گوزلرین آجدی گوروب شمرین غضبلی حالی
 ایستدی بیر نوعی پوزسون نقشه آمالنی
 رحمه باخ اولده لطفیله سوروشدی حالی
 نادم اولسون بلکه فعلندن او محض شر و کین

ال گو تور مور کینه سیندن گوردی اول بیشرم رو
 سویلدی یاندیم سوسوزدان باری وثر بیر شربه سو
 بولمورم آخر هارا منجر اولوب بو گفتگو
 کسدی آخر اوز کلامین هادی دین مبین
 باخمادی شاه شهیدانوں لب عطشانه
 دمبدم صیقل ویروردی خنجر برزانه
 خیمه لردن چخدی زینب گلدی قارداش یانه
 رعشبه دوشموشدی اقا استخوان و هم رگین
 گوردی ابستی قوملار اوسته شمر یخمش قارداشین
 خنجر برزآن الینده ایستوری کسسین باشین
 ساچلارین یولدی توکوب رخساره قائلو گوز یاشین
 اوزلوقوندان ائيله چخدی زینب عصمت مکین
 قاچدی حوليله دوتوب شمر ستمگر خنجرین
 بیر اليله باشدا محکم ساخلا موشدی معجرین
 ظلمه سیر ائيله کسوب آخرده خنجر اللرین
 سرنگون اولدی بر اوسته دخت میر متقین

آچدی قائلو گوزلرین ناگه او بالقوز پادشاه
 شمر الینده زینبی گوردی قالبوب بی دادخواه
 سویلدی دورما باجی جان ائيله عزم خیمه گاه
 ائیلدی امر امامه امثال اول دل حزین
 باخمادی چخمش امامون یاره سی اندازه دن
 صفحه قرآن کیمی جسمی اولوب شیرازه دن
 قتلنه اقدام ائدوب اول بی مرؤت نازه دن
 آغلادی بر گوی نزلزل ائیلدی عرش برین
 هر قدر شمر ستمگر زور وثردی خنجره
 ائتمدی اصلاً اثر خنجر او تشنه حنجره
 قاتلین مقتول ائدوب ارشاد جای دیگره
 ظلمه باخ حال امامه قبل نظر ای نکته بین
 سن اوزون آگاهسن ای رب کئل کاینات
 باغریمی قان ائیلیوب بو زنده گائلوق بو حیات
 یا آلوم وثر عاصی بیچاره یا بیر نجات
 یا غیاث المستغیثین یا انیس المتکین

ضربت خوردن حضرت امیر (ع)

فلجلاندی بوگون حیدر باشندان
 آتوب عمامه پیغمبر باشندان
 بوگون کابینه حق اولدی تعطیل
 اولوب عالم بیر اوزگه حاله تبدیل
 بوگونه متصل سسلردی جبریل
 یارالاندی شه کوثر باشندان
 بوگون بیر قان توکوبدور ابن ملجم
 قورولدی عرش حقدہ بزم ماتم
 قلج قان آغلادی بو حاله اول دم
 دگنده ضربیلہ حیدر باشندان
 عمامه دوغرانبو باش پارچالاندی
 قلج آندی باشی اوسته دایاندی
 وجودی یوز گوزی قانه بویاندی
 آخوب ثاراللہ اکبر باشندان

اوتوردی زخم مُهلک قاشی اوسته
 گلوب اولادی یکسر باشی اوسته
 نوکوبلر خون دل گوز باشی اوسته
 حسینون آشدی اشک تر باشندان
 بنای ظلم بوگون تاپدی پایه
 که یتدی اولی شیر خدایه
 دایاندی آخری کرب و بلایه
 فلجلاندی علی اکبر باشندان
 و ثروب قاسم باشین خنجر دمینه
 ایچوب اوز قانین اصغر سو یرینه
 باخون شرح عمود آهینه
 دگوب عباس نام آور باشندان
 بو سوزده واردی بیر شرح مطول
 بیاننده همین بسدور بو مجمل
 هر ایکی اللریندن گشچدی اول
 که چکسون آل او مه پیکر باشندان

کسوب بیر ضربتیه هر ستمگر
 شهیدان وفا باشینی یکسر
 حسینه وردی اما شمر کافر
 اون ایکی ضربت خنجر باشندان
 یشتدی آخره امر شهادت
 آل آچدی غارته اهل شقاوت
 سویولدی عترت ختم رسالت
 آلتدی زینین معجر باشندان
 حیالی قیزلاری لشگر سویان دم
 ائدردی اللرینی باشه منضم
 باشندا معجرین ساخلاردی محکم
 وراردی هر یتن کافر باشندان

سوزانیدن درگاه حضرت زهرا سلام الله علیها

ظلم اودیله درگهون اودلاندی یا زهرا سنون
 محسنون سقط اولدی قلبون یاندی یا زهرا سنون

هر طرفدن چون سنه تنگ ائتدی دشمن عرصه‌نی
 گوردیلر یا فاطمه یالقوزلیوب محنت سنی
 آلدیلار حقون آلودن ظلموله قوم دنی
 حقووی حق بولمینلر داندی یا زهرا سنون
 اولمادی ثانی رضا گلماقه بیر لحظه یوزون
 اود وروب درگاهوی یاندوردی آغلاتدی گوزون
 سندیروب پهلوی نازون قالدی دلده حق سوزون
 قتلپوه بو صدمه بیر عنواندی یا زهرا سنون
 دوشدی ظلم اشقیادن بسکه امرون مشگله
 گرچه یاندون آغلادون دردون ولی سالدون دله
 جانه گلدون، آغلاماقه گئتدون آخرده چوله
 صبریوه قلدوسیان حیراندی یا زهرا سنون

بس دگولدی بیرئله جور و جفا آبا سنه
 ائیلدی آخر پیمبردن صورا اعدا سنه
 بمرده ظلم فاحش ائتدی ثانی یا زهرا سنه
 باخمادی کوئلون لبالب قاندی یا زهرا سنون
 آشکار عرض ائتمرم نئتدی سنه اول نابکار
 ضرب سیلیدن قولاقون پارچالاندی آخدی ثار
 گل جمالون اولدی نیلی ای دُر گنج وقار
 قاتلون مطلق او بی ایماندی یا زهرا سنون
 گورمدون خوش گون بو عالمده سن ای کان وفا
 آشکارا حقووی غصب ائیلدی اهل جفا
 اولدی لیکن ظلم اعدادن سنون دفنون خفا
 قبر پاکون ایندیده پنهاندی یا زهرا سنون
 کاش اولیدی بی مرۆت قنفذون شل اللری
 شیر حق غسلون وئرنده تازیانه یرلری
 آغلادوب اول شاهی مطلق یانديروب پیغمبری
 هر غمون مین موجب افغاندی یا زهرا سنون

گرچه چوخ ظلم ائتدی یا زهرا سنه دشمنلرون
 اولمادی غارت ولی باشندان ستمله معجرون
 نه یارالاندی خانیم بیر معجر اوسته اللرون
 نه اوگون بارماقلارون دوغراندی یا زهرا سنون
 ای بـلا کاشانه سی وی دختر خیرالورا
 زینبه نه ظلم وارد ائتدی شمر بی حیا
 آغلاسان جئنده بو ظلمه یقین صبح و مسا
 زینبه دائم گوزون گریاندی یا زهرا سنون
 گورمسیدی گر سنه ثانی ایاق ظلمین روا
 ائیلینمزدی او ظلمی زینبه شمر دغا
 بیر بلالی زینب اولدی بو جفایه مبتلا
 بمرده قلبون بو جفادن یاندی یا زهرا سنون
 نچه ایل دور که اولوب بیر درده عاصی مبتلا
 هر دلیله یالوارور اوغلون اونا ائتمور دوا
 سنده دور یا فاطمه بو دردیمه قطعی شفا
 بیر نگاهون دردیمه درماندی یا زهرا سنون

احوالات حضرت زهرا (س)

دوشنده یاده غم بی شماری زهرانون
 اولور بو غملو کوئل بی قراری زهرانون
 یازویلا عمرونی اون سگیز ایل بو عالمده
 نه زحمتیله گئچوب روزگاری زهرانون
 چکوب آز عمریله چوخ محنت و مصیبت و غم
 نهایتیله یشتوب اصطباری زهرانون
 همیشه شادیدی جلدی اولان زماننده
 واریدی عزت و شأن و وقاری زهرانون
 گئدوب آناسی آلبندن اولوبدی مظلومه
 اولوب انیسی جفا، ظلم یاری زهرانون
 وروبدی ظلم اودی یاندوردی درگهین ثانی
 گلوبدی درده دل داغداری زهرانون
 سینوب قاپورقالاری محسنی شهید اولدی
 فنایه گشتدی اوگون اختیاری زهرانون

ائدوبله صاحبینی ظلم آیلله خانه نشین
 بو آز زماندا چوخ اولدی فشاری زهرانون
 سالوب ایاقدان اونسی عاقبت غم و محنت
 تالاندی صبری گئدوب اقتداری زهرانون
 اوقدر فرقه اشراریدن گوروب آزار
 دولوب ملالیله قلب فگاری زهرانون
 دیردی بار خدا دویموشام حیاتیمدن
 تیز ائت وفاتیمی ای کردگاری زهرانون
 دعاسی محضر جانانیده اولوب مقبول
 گلوب عنایتیله پروردگاری زهرانون
 مریض اولوب سارالوب سولدی گون بگون گل تگ
 ستمله دوندی خزانه بهاری زهرانون
 زمان موت یتوب راست قبلیه اوزانوب
 فزون اولوب آلم و انکساری زهرانون
 گلوبدی قبله اصلی علی باشی اوسته
 بتولی گوردی پریشان نگاری زهرانون

نه حالیدیدی اونی بولمورم او دم حالی
 علی نی پوزدی او حال نزاری زهرانون
 آلوب دیز اوستونه باشین فسرده حال و ملول
 بوپوردی گوزلرون آج شهریاری زهرانون
 مثال شبیم او گل صورته توکوب اشگین
 گوروب آچلدی او چشم خماری زهرانون
 گوز آچدی گوردی باشی اوسته دور، لسان الله
 فغانله دیدی ای تاجداری زهرانون
 یتوبدی موسم هجران عم اوغلی جان آلورم
 یاخونلاشوبدی دم احتضاری زهرانون
 واریمدی بیر نچه عرضیم اجازه وئرسن اگر
 سنه گرکدور اولاختباری زهرانون
 اگرچه دله سوزوم چونخدی لیک وقت آزدور
 اولار عرایضنه اختصاری زهرانون
 بیری بودور که اگر قلبون انجیسه مندن
 حلال ائیله منی ای شهسواری زهرانون

عم اوغلی بیرده یقینمدی من بوگون آلم
 گلر نوابه هامی اهل داری زهرانون
 گنجیله غسلمی وئر قیل منه گنجیله کفن
 یتور مزاره که وار انتظاری زهرانون
 منافقین تانوسا قبری می رضا دگولم
 عم اوغلی قوی قالا گیزلین مزاری زهرانون
 همیشه ائیله نوازش حسینله حسنه
 اولاردی صبر دل بی قراری زهرانون
 حسندن انجیسه قلبون حسینله گذشت
 بولاردی غنچه گل لاله زاری زهرانون
 اوزون بولورسن حسین جذیمون امانتی دور
 که تاپشوروب اونی باب کباری زهرانون
 حسینیم آغلاسا من آغلارام مزار ایچره
 عم اوغلی عرشه چخار آه و زاری زهرانون
 نه حاله قالدی خدا لیل الغریب حسین
 که دوشدی قتلگه ایچره گذاری زهرانون

«آمدن حضرت زهرا بقتلگاه»

تاہوب حسینی قوم اوستونده بیر چوخور یرده
قربلدی بند دل داغدار زهرانون
آلوب کنارہ حسینون یارالی پیکرینی
نچون حسینیدی زینب کناری زهرانون
باخوب یارالارینا بیرہ بیر سؤال ائیلدی
دید ی منہ دیگوروم کئیف حیال یا ولدی
شل اولسون اللری کیم وردی بیرئلہ یارہ
سالوبلا گل جسدون قوملار اوستہ صد پارہ
اولوبدی خاکیلہ یکسان بو گل وجودون اوغول
سوموکلرون داغلوب بیر قالب نمودون اوغول
دوتور وجودیمی آتش باخاندای پیکریوہ
اوغول منہ دیگوروم بس نہ گلدی اللریوہ
بوقدری یارہ دین اولمادی سنہ بسدی
او خوردا بارماقوی هانسی بی حیا کسدی

بو اوخ یاراسیدی قلوبنده یا اوغول داغی
محالدور کہ اورکدن گئذہ اوغول داغی
اگر بو اهل جفا دویدولار جفادن اوغول
باشون سوسوز نیہ بس کسدیلر قفادن اوغول
غبار محنت قلبین دیمہ سلندیردی
جواب گلمدی اوغلون نقدر دیندردی
ز بس شرارہ غم قلبنی کباب ائیلدی
یوزین پیغمبرہ دوتدی بیله خطاب ائیلدی

نوحه زیان حال حضرت زهرا خطاب به حضرت رسول

گور بیر نه ظلم ائدوب بابا امت حسینیمه
 نقدری گور وروبلا جراحت حسینیمه
 باخما که هر نه دیندیروم بیر دانشموری
 باشین گسن وئروب چوخ اذیت حسینیمه
 گوردون گسن زماندا باشین شمر بی حیا
 خنجر دمنده وئردی نه زحمت حسینیمه
 بیر تک یارالی سینه سنه دوت مین اوخ دگوب
 بو یاره لر دگولدی کفایت حسینیمه
 خنجر قلج یاراسی چخوب حد و حصریدن
 گور بیر ندوبدی اهل عداوت حسینیمه
 کسدیله باشنی لب دریاده تشنه لب
 بیر شربه آب اولمادی قسمت حسینیمه
 از بسکه یانادیروم منی ننگلری بابا
 قان آغلارام اولونجه قیامت حسینیمه
 یوخ احتیاجی من سنه بی پرده عرض ائدوم
 بوگون یتوب نه قدر مصیبت حسینیمه

شام غریبان حضرت حسین در قتلگاه

یاناردی حال حسینیه باخاردی آغلاردی
 یوزینه زلفنه قانین باخاردی آغلاردی
 ز بسکه ناله و فریاده فاطمه گلدی
 همان یارالی بدن بیر تلامه گلدی
 او دوغراناں بدنه باخدی جدی پیغمبر
 توکوب عذارینه گوز یاشینی چو دُر و گهر
 فغانله گوزی یاشلی او برگزیده حق
 حسینون باشین ائتدی وجودینه ملحق
 آناسی فاطمه نون محنتی علاوه لنوب
 گوروب او قائلو باشی توپراقاکوله بلنوب
 چوخ ایسترم دیم هاردیدی بو یارالی باشی
 دوشوب ندن بدنیندن جدا بلالی باشی
 ولیک ایسترم مطلبیم گشته الدن
 اورکده شام غریباندی مقصد اولدن

تَوَجِّه ائتسه اوزی گر او شهریار غریب

همان قضیه‌نی آخرده ائیلرم تعقیب

ایکی دبیز اوسته او دم شاه اولیا ولدی

دوروب اوتوردی ازل جذبه سلام ائیلدی

گوروب آناسی دوتوب قتلگاهده یاسین

گلوب نوایه ائدر ناله حضرت یتسین

توکور جمالنه سو تک آناسی گوز یاشی

دوشوبدی دلن او قدر آغلیوبدی قارداشی

گوروب که محفل غم قتلگهده برپادور

او جمعین هر بیرینون ذکر و احسینادور

قوروبدولار او چوخور یرده محفل ماتم

چتین گوره بئله ماتم بو دیده عالم

او بزم غمده حبیب خدا ملازیمدور

بلی او مجلسه بیر روضه‌خواندا لازیمدور

گلوبدی رفته قلبی ملالیه دولدی

او بی کفن اوزی اول جمعه روضه‌خوان اولدی

روضه‌خوانی حضرت حسین در قتلگاه

دیددی حسینوه ائيله نظاره یا جدّا

نه ظلم ائدوبدی گور ائت بو زاره یا جدّا

وروبلا سینمه گور بیر نقدر اوخ یاراسی

محالدور گله یارهم شماره یا جدّا

سویوب لباسیمی یکسر بو اشقیا قویموب

قالا او پیرهن پاره‌پاره یا جدّا

پوزوبدی سم ستوران وجودیمون نقشین

نظاره قیل سم ناگواره یا جدّا

جفای شمر لعینیه جور خولیه

دوشوب باشیم بدنیمدن کناره یا جدّا

حجاز شاه حسینی مخالفین عراق

سالوب بو دشت نواده حصاره یا جدّا

دوشوبدی باشیمه بیر نوعيله همایون شور

گئدر او شوريله بزم قماره یا جدّا

جفائله بوگون اُلدوردیلر کومک لیریمی
 آل اوسته اوخلادیلار شیرخواره اصغریمی
 بتوردی ظلمونی بیر پاییه بو قوم شرار
 علی اکبریمی قطعه قطعه دوغرادیلار
 گوزوم باخابا خا جانیم عزیزی جان وئردی
 باشی دیزیمده بابا، جان او نوجوان وئردی
 اُننده اکبریم آل اوزدوم اوز حیاتیمدن
 داخی امیدیمی کسدم بابا نجاتیمدن
 بدنده روحیمدی چون عزیز جانیمدی
 دیزیمده قوتیدی طاقت و توانیمدی
 بو غم منه بسیدی اکبریم جوان اُلدی
 شماتت ائتدی منه اَمتون باخوب گلدی
 یوزیمه باغلادیلار اهل کینه سو یولونی
 سو اوسته سالدیلار عباسمون ایکی قولونی
 صغاره ائتدی اثر سوزش عطش یاندی
 کُبارون اولدی بابا جلدی منکمش یاندی

بوگون سوسوزلوق اودی بیر نهایتیه یئدی
 صغیر اوشاقلاریمون بعضی سین هلاک ائتدی
 سینه بو اُمّت الیندن شکایتیم چوخدور
 بفشله گتمه لیم الله فرصتیم یوخدور
 مَنای عشق و محبتده تشنه قربانم
 بو گنج خولیه مطبخ سراده مهمانم
 بو قدر ظلم و ستم گور روادی بیر باشه
 یئشمیوب باشمون محنتی هله باشه
 یارالی باشمه هر نه بلا گله دوزرم
 یاننجه زینیمون، چوللری دوشوب گزرم

شام غریبان آن حضرت گریز به تنور خولی

گنه همان گشجه‌نون حالی یادیمه دوشدی
 آپاردی صبریمی غم اود نهادیمه دوشدی
 سالوب همان گشجه‌نون محنتی منی درده
 بنا اولوندی حسینون عزاسی اوج برده
 بیرسی قتلگه ابچره که جدی پیغمبر
 دوتوبدی شام غریبان حسینه اول سرور
 بیرینده باجیسی زینب یانان چادرلار آرا
 بالالارایلا قوردی بیر محقر عزا
 نه فرشی واریدی نه بیر چراغ نه اوزگه اساس
 یارالی قارداشنا توپراق اوسته ساخلادی یاس
 بیرینده مطبخ خولیده حضرت زهرا
 او شاه تشنه لبه ائیلیدی عزا برپا
 محزون کتاب مصیبت و ماتم
 ائدوب بو قصه‌نی بو نوعله کتابه رقم

یازیلّا خولی بی‌شرم و شوم و بد فطرت
 که ائیلیمیشدی او دُون، اختیار ایکی عورت
 بیرسی دشمن مخصوص آل عصمتیدی
 بیرری ولیک محبّ شه ولایتیدی
 گشجه نمازینه معتادیدی او خوش فطرت
 نچه زمانیدی اوندا واریدی بو عادت
 همان گشجه که حسینون کسوک یارالی باشی
 تنور خولیده مهمانیدی بلالی باشی
 گنه او عورت دین‌پرور وفاکردار
 قرار سابقله اولدی خوابیدن بیدار
 دوروب ایاقه یریندن او پاک پاکیزه
 تمام شوق وضوئله چخدی دهلیزه
 ائدوب مشاهده بیر اوزگه حال او حالتده
 او حاله دلدن اولوب مات قالدی حیرته
 گوروب ایشقلق ائدوبدور احاطه هر یانی
 گونوز کیمی گشجه‌نون ظلمتی اولوب فانی

دیدى خدا بو نه هنگامه دور نه عالم دور
 قضیه عیندی با بیر خیال مبهم دور
 گونوز که ائتمه میشم بوتوری من روشن
 ندور ایشقلا باعث بس ای خدای زمن
 بو حال حیره سالدی او نیک فرجامی
 گئدوبدی صبری الیندن کسالدی آرامی
 ز بسکه قلبی غم و اضطرابله دولدی
 کمال سرعته مطبخه روان اولدی
 یاخونلا شاندا تنوره نه گوردی یا قهار
 تنور ایچره کول اوستونده بیر کسوک باش وار
 سالوب ضیاء او باشین نوری کون و امکانه
 ولی جراحی چو خدور باتوبدی آلقانه
 اگرچه کول ائیلیوب گل جمالتی مستور
 بونیه بئله احاطه ائدوبدی عالمی نور
 تنوریدن اوجالور آسمانه لمعه نور
 اولوب او نوریه مطبخ سراسی وادی طور

اوقدری قالمادی موسی کیمی اولامدهوش
 یتوب قولاقنه بو حالده فغان و خروش
 فغان و ناله سسی اختیارینی آلدی
 فسرده حالله گوگ سمته نظر سالدی
 دوشوب مجلله بیر محمله او دم نظری
 دوباره قلبدن آرتدی مصیبت و گذری
 گوروبکه وار نچه خاتون همان او محمله
 گلوبله نالیه فریاد و احسین دله
 ولیک بیر خانم عورت چوخ ائیلوری افغان
 دیور اوغول یارالی باشووه آنان قربان
 قدی خمیده گوزی یاشلی ساچلاری آغاروب
 قرار و صبرینی الدن غم و محن آپاروب
 یتوب قولاقنه ناگه او حالده بو صدا
 اولوب او حالده بیر حال غشوه عارض اونا

آمدن حضرت زهرا به تنور خولی

کنار اولون که بو مقتلون اقریاسی گلور
 اوغول اوغول دیور آغلور اوغول آناسی گلور
 یتوب او حالده زهرا تنوره بیر باخدی
 چکوب بیر آه جگرسوز عالمی باخدی
 حسینون باشنی گوردی تا کول اوستونده
 بسان بلبل اولوب نغمه خوان گل اوستونده
 گوتوردی باشنی جان تک باسوب بیر آغوشه
 علاوه لندی غمی گلدی محنتی جوشه
 دئدی گوز آجگیلن ای نوگل امامت اوغول
 غریب آناندا داخی قالمیبدی طاقت اوغول
 قونا قووام منی بیر خوش دلیل دیندیرسن
 ائدوم سنه اوره گیم دردینی حکایت اوغول
 بر رسمدور که اوغولار آنایه ناز ائیلر
 ولی بو حالیمی بیر قیلگیلن رعایت اوغول

یارالی باشون آردنجا گزمیشم از بس
 یورولموشام داخی قالموب دیزیمده طاقت اوغول
 اونسی اوزوم بولورم چوخ یورولموسان سنده
 یتوب بوگون سنه چوخ زحمت و مصیبت اوغول
 بو بس دگولدی کسوبلر باشون سوسوز دالیدان
 سویوب لباسوی اشرار بی مروت اوغول
 گتوردی باشوی خولی قویوب کول اوستونده
 عجب ائدوبدی سنه احترام و حرمت اوغول
 نه زحمتیله سینمده بو باشی بسله میشم
 تنور اولوب بو گئجه جای استراحت اوغول

گفتگوی حضرت با مادر خویش در تنور خولی

آچوب او حالده قانلو گوزین شه عطشان
گوروب آناسین اورکلندی عرض ائدوب آناجان
گل ای اولان منیم عالمده مهربانیم آنای
باشیمی سینوه آل باشووا دولانیم آنای
بو گلماقونله منی یاخشی سرفراز ائیلدون
او خسته جانووه قربان یارالی جانیم آنای
تنور ایچره منی قویمادون قالام یالقوز
قبول زحمت ائدوب اولدون همزبانیم آنای
کسنده باشیمی دشمن، وئرنده جان عطشان
چوخ آختاروب سنی بو چشم خونفشانیم آنای
بوگون او قدر اذیت ائدوب منه دشمن
یورویلا انجمیشم قالمیوب توانیم آنای
بو گئجه سن منیله قتلگاهده واریدون
گلنده یانیمه بی رحم ساربانیم آنای

نه عرض ائدوم که نه ظلم ائیلدی منه گئتدی
ایکی الیمده وار اول ظلمدن نشانیم آنای
اگرچه ظاهر صورتده راحتیم بو گئجه
صبح کوفهده وار اوزگه داستانیم آنای
شفاعت ائیله گیلن عاصیه قیامتده
اولوبدی بیر نچه مدتدی نوحه خوانیم آنای

احوالات حضرت زهرا (س) وقعه فدک

وارثم رسول خدایه من ائیلمه خلیفه جفا منه
آل مصطفی حقیقدور فدک ائیلیوب پیغمبر عطا منه
گور اولار پیغمبر بونا رضا فاطمه گوره بیرثله جفا
الده کی قباله دلیلدور کشف ائدر هامی خلقه بوسوزی
ساقلقندا ائیلوبدی مرحمت کیم منه بوملکی آنام اوزی
گور آنام رضادور بو بارهده اشگیله دولا فاطمه گوزی
هانسی بیر دللیله گور موسوز بیرثله جفانی روا منه

بو آنام رسول مکرمون دستخطیدور فاش و برملا
 حالت حیانتینده مهر ائدوب ائیلیوب بو ملکی منه عطا
 بسیزله بودور مایه معاش گوز نکوب بونا آل مصطفای
 علتی ندور حقیقی آلوب ائیلیسوز بوقدری جفا منه
 فرض ائيله که ارثیه دور فدک اوز آنام رسول میندن
 اولووتیم وار منیم بونا وارث اولماقا ساییندن
 سیز بو ملکی آیانہ علتہ آلموسوز من دل غمیندن
 ساقلقندا روشندی گون کیمی ائیلیوب عطا مصطفای منه
 هرگز ائتمرم التجا سنہ، بو فدک منیم کی اولاولا
 نہ لزوم، حق مسلمی آلماقا اورک درديله دولا
 غصب حقیله اولما سن رضا گلستان شرع نبی سولا
 حکم شرعیله بو فدک بری حق طلقدور مطلقا منه
 مالکم همین ملکه من بولور یثرون هامی اهلی نکبه تک
 سن اوزونده حتی گواهنس لطف اولوب آتامدان منه فدک
 آتش جفانی منافقین یاندوروپ ز بس وردولار اتک
 آدیلا ر الیمدن بو ملکیمی ائتدیلر جفا برملا منه

یاندوروپ ابوبکر قلبنی مُستدل بیاناتیله بتول
 مهر ائدوب ویروب دور قباله نی ائتدی فاطمه امرینی قبول
 چخدی شاد و خرم او بزمدن دوشدی تا یولابضعتہ الرسول
 عرض ائردی هر بیر قدم خدا گورنه ظلم ائدور اشقیا منه
 بین راهده چخدی روبرو ثانی ستمکار و بی حیا
 عرض ائدوب بیان ائت گوروم هارا گتمیشیدون ای دخت مصطفای
 سوبلدی آپاردیم قباله می مهر ائیلیه هم خلیفه تا
 مهر ائدوب بتشدیم مرامه شامل ائتدی لطفین خدا منه
 وئر قبالیه ائیلیوم نظر سوبلوب اول جفاجوی نابکار
 وئرمرم بو یوردی قباله می هر قدر الیمده وار اختیار
 ائتدیقون جفا بسدور ای شقی حقدن اوتان ائيله شرم و عار
 تا وارام بو سینمده کی یازا بول یقین ائدر اکتفا منه
 بس دگول که وردون ستمله اود، یاندی ظلموله درگهیم منیم
 بس دگول قابر قام سینوب اوگون چخدی گوگرله داد و شیونیم
 بس دگول بتوب صدمه بطنیمه آلدی محسنیم سولدی گلشنیم
 درگهیم یاناندا نه ظلم اولوب بولموسن سن ای بی حیا منه

باخمادون پیمبر کیمی آنام رحلت ائیلوب قلبی داغلیام
 قویمادون منی ساخلیام غرا باش آچام دویونجا بیر آغلیام
 مننه دیدون گرکردور فرا گیم یاسلیام باشا قاره باغلیام
 نازیانۀ قنفذدن بیچدی بیر لباس قرا مننه
 بولمورم او هنگامده هارا یتدی ثانی و فاطمه سوزی
 بولمورم اونی من نه علته اولدی نیلی وش فاطمه یوزی
 بوقدر که نه قالدی گوشوار نه قالب سلامت قولاق اوزی
 بو قضیه عیناً نشان وئورور کربلا ده بیر ماجرا مننه
 اونداکسی عدو کفر بیدقین قلب خیمۀ دینده ساچدیلا
 اود وروب خیام امامته غارته تماماً ال آچدیلا
 اهل بیت زهرا بویوک کیچیک یوز قویوب بیابانه قاچدیلا
 هر بالا دوناردی یوزین گوگه عرض ائدردی رحمت خدامنه
 روح فاطمه زینب حزین صبر ایدن بلایه آناسی نک
 باخمادی سالوب شمر قمچیسی غملو باشنه قاره بیر لچک
 سرپرست ایتام شاه دین خوردا قیزلاری یغدی نک به نک
 قارداشیم بولوندا دیردی چوخ خوشدی یوز وئره هر بلا مننه

نو عروسون آلدی دیز اوستونه باشنی پریشان و دلفگار
 گوشواره لر گوردی سهل دور غارته گندوب باشدا یوخ خمار
 هر ایکی قولاقدان آخور قانی قانلا ایسلانوب زلف مشکبار
 حاله گندی آچدی گوزین دیدی عمه اولسا وئر بیر عبا مننه
 کاتب وفادار حسین اولوب عاصیا، همین نوحیه سبب
 مطلعین حسینی یازوب منی ائیلیددی تعقیبه منتخب
 آند وئر حسینی آناسنا عرض ائیله ایشاه تشنه لب
 بو ایکی نفرده مصاحیم قسمت ائیله بیر کربلا مننه

وصیت حضرت زهرا به حضرت امیر مؤمنان

حقون عم اوغلی منه ائیله حلال آلورم
 وار فرصتیمجه منیم الله مجال آلورم
 دیز اوسته آل باشیمی سیل قانلو گوز یاشمی
 کامونجه گور منی قیل ترک وصال آلورم

بو آیریلیق غمنون نسللی عالمی وار
 دنیاچه الما قیمون بولم سنه غمی وار
 قلبنده فاطمه نون چوخ درد مدغمی وار
 ناپمش اودور جریان بو اشک آل آلورم
 درد غم و مَحَنیم حد کماله یتوب
 عمروم گونی دولانوب وقت زواله یتوب
 باشه گلوب اجلیم هنگام ناله یتوب
 دوشمز دوباره اله بئله مجال آلورم

چکدون عم اوغلی منیم چوخ رنج و زحمتی
 جان و دلیله قبول ائتدون اذیتیمی
 آل باشیمی دیزویه ائیلوم وصیتیمی
 کورلمدن ائیله گیلن دفع ملال آلورم
 آگاهسن منی کیم ثانی نه حاله سالوب
 جدیم وئرن فدکی جبراً الیمدن آلوب
 باخ صورتده همان سیلی نشانی قالوب
 سوسن کیمی گورروب بو گل جمال آلورم
 ناپشوردی امتینه جدیم گئندنه منی
 قویموب عدو قوروسون باری بابام کفنی
 اود وردی درگهمی یاندیردی قوم دنی
 آلدوردیلر بالامی قوم ضلال آلورم
 آغلا عم اوغلی منیم عمرونجه نسلگلیمه
 گوز یاشویله سو سب بو سوزش دلیمه
 چکدیم زبسکه جفا اولدوم رضا آلومه
 غمدن قئدیم اگلوب اولدی هلال آلورم

اَلَمْ یوگون بولورم ای شهریار زمن
 گیزلنجه غسلمی وئر ائیله حنوط و کفن
 دفن ائت گئجیله منی گیزلت مزاریمی سن
 بو باره دن منی قیل سن بی خیال آلورم
 ائیله وصیتمه جان و دلیلّه غمّل
 اعدا رضا دگولم تابوتیمه ورا آل
 قالموب عم اوغلی داخی چوخ گفتگویه محلّ
 بسدور قبول اولونا بو عرض حال آلورم
 بیرده بالالاریمی دیندیر محبتیله
 کلثوم و زینبیمه باخ چشم رافیتیله
 اولمار رضا یانالار نار مصیبتیله
 گُل یوزلره توکهلر اشک زلال آلورم
 قویما ملول اولالار اوغلولوم حسین و حسن
 دلدن نوازش ائیله نور دو عینمه سن
 عزّتله بسلامیشم آخر حسینمی من
 گتدیم آله من ائیله بیر نونهال آلورم

یا فاطمه نولی قیل دشت بلایه گذر
 گُل قتلگده ائیله اوغلون حسینّه نظر
 قان دجله سنده دیور ای قوم کینه سیر
 قویموب دلیمده عطش تاب مقال آلورم
 یاره یارالاریمی جسمده سان وئرورم
 سینمده اوخ آتانا من یر نشان وئرورم
 کوی وفاده خوشام لب تشنه جان وئرورم
 انجتمیون گوروسوز یوخ منده حال آلورم
 من دلخوشام وروسوز هر قدر یاره ورون
 صاقدان صولا چویرون خنجرلریله یورون
 زینب گلور چکلون بیر آز کناره دورون
 یاننده ائیلیمون چوخ قیل و قال آلورم
 چوخ ایسترم بو زمان باجیم یانیمدا اول
 باشین آچا آنا تک بیرجه ساجینی یولا
 زلفون یوزه داغیدا قارداش دیوب پوزولا
 آخر نفسه قورا بیر بزم حال آلورم

آلله باغلا گیلن عاصی توکلووی
 زهرا الیله آچا تا اینکه مشکلووی
 مقطعه مطلقه یاز ختم ائت توکلووی
 حقون عم اوغلی منه ائيله حلال آلورم

زبانحال زینب کبری در مصیبت حضرت زهرا (س)

گوزلریم غمدن توکر قانیاش آنا یا فاطمه
 زینبون سنسیز آلیدی کاش آنا یا فاطمه
 * * * * *

ظلم الندن سن اجل پیمانہ سین نوش ائیلدون
 زینبی عمروینجه اندوه و غمه نوش ائیلدون
 اوز قرا بختیم تک آخرده سیه پوش ائیلدون
 ائیلدون محنتلره یولداش آنا یا فاطمه
 سن چکن درد و غمی هر دم که من یاد ائیلرم
 نی کیمی قیللم فغان و ناله فریاد ائیلرم
 تا باخوب گورم یرون بوش آغلارام داد ائیلرم
 قلبدن یاتام منی گل باش آنا یا فاطمه

ای مصیبت کش آنا سنسیز منیم گولمز یوزوم
 شام هجرانسون کیمی شامه دونر هر گوندوزوم
 اختارار دائیم سنی صبح و مسا آغلار گوزوم
 دل یانار دیدم توکر قانیاش آنا یا فاطمه
 بونه طالع دور که کوللر باشمه توکدی فلک
 ائیلدی قان باغریمی بو خوردا وقتی غنچه تک
 بالقوز ایوده بونی چگننده الیم قوینودا تک
 آغلارام گاهی نهان گه فاش آنا یا فاطمه
 بی سبب اوج ائیلمز آهیم سپهر اطلسه
 مایه غمدور حسینیله حسن من بی کسه
 ام کلثومیله قیلوخ ناله وئروخ سس سه
 آغلایاندا بو ایکی قارداش آنا یا فاطمه
 گه سنون نسگلرون من یاده سلام آغلارام
 گاهی بو چادر شبوندن عطرون آلام آغلارام
 کوکب بختمه گه حیرته قالم آغلارام
 وئردی آخر بُرج غمدن باش آنا یا فاطمه

احوال امام حسن علیه السلام

بزم وصلده ساقیان غم

وئردیلر منه بیر سبو باجی

واردی نشأسی نشأتینه

کیمسه ایچمیوب بئله سو باجی

مدتیدی بیر بئله ساعته

روز و شب چکردیم من آرزو

قلیمون غبار ملالینی

عاقبت بو سو ائتدی شستشو

قورتاروب غم هجریدن منی

بزم یاره یول آجدی بو سبو

باخما جسمون باطنی بئله

اود دوتوب یانار تو به تو باجی

من بیر عمریدور دلدن ای باجی

بیر بئله گونه انتظاریدیم

جسمدن بیر آن تعدی رختین اعدا سویمادی

اود وروب درگاهوه یاندوردی قلوبن، دویمادی

ای حیاکانی ایوینده آغلاماقه قویمادی

اولمادی راضی اونا اوباش آنایا فاطمه

سن آنایا فاطمه اولسان قیامتده پناه

عفو ائدر خالق نقدری ائیلیوب عاصی گناه

روز محشر محشره گلمز یقیناً روسیاه

لطفون اولسا دانه خشخاش آنایا فاطمه

قید هجره پابندیدیم ولی
انتظار ایامی یاریدیم
وصل یاره مشتاقیدیم اوزوم
ائیله قلبدن بی قراریدیم
ائیلیمیشدی افسرده حالیمی
قلبدن اولان آرزو باجی
گوردی قلبیمی ائیلیوب منیم
نیشه مصیبت جریحه وار
ائیلدی باجی بئله ساعته
باوفا حبیبیم امیدوار
قورتولوب یقین فرقت عالمی
آخیره یتوب عمر مستعار
آز قالور همان یاره نی ایده
مهریان طیبیم رفو باجی
اولنده بولموشدی حالیمی
رمزیه او محبوب بی بدل

ایچدیقیم سبونلی او رمزیه
ای باجی دولاندوردی ال بهال
گوردی اود دوتوب دل یانار اولوب
آتش فراقیله مشتعل
آتش دل داغداریمه
بو سبونله سپدی سو باجی
گوزلریمده بیر نوعی جلوه گر
اولدی ای باجی جلوه نگار
خوابدن اویاتدی او حالیه
سلب اولوب وجودیمدن اختیار
ایچمیشم همین من بو کوزه دن
مست عشقیدیم بولمدیم نه وار
محو عشق اولور اهل عشق اولان
گوسترنده معشوقه رو باجی
بئله نازیله یاتما دور باجی
ائت گیلن خیر آل هاشمه

احتضار حالیم یاخونلاشوب
 جمله سی یغشونلا باشمه
 گلموری دیزیم یوخدی طاقتیم
 قیترون منی اوز فراشمه
 قورتولوب نفس قالمیوب داخی
 منده طاقت گفتگو باجی
 آجدی گوزلرین زینب حزین
 گوردی قارداشین دوشدی وحشته
 عرض قیلدی قارداش نه قاندی بو
 کیم سنی سالوبدور بو حالت
 سویلدی خبر آلماسرینی
 قوی قصاصی قالسون قیامته
 استتاری لازیمدی ائیلمه
 بو قضیه نی جستجو باجی
 ظلم الیله بو چرخ کینه جو
 اوز شقاوتین ائیلدی بروز

من سو ایچمیشم ای باجی دوتوب
 اود کیمی وجودیم تمام سوز
 قارداشیم حسینون جفا ئیله
 شمر دون کتر باشنی سوسوز
 العطش دیر رحم ائیلمز
 بیر ایچیم سو وئرمز عدو باجی
 آچما باشوی یولما زلفووی
 وُرماگل یوزه صبر ائیله دایان
 چوخ باخوب منه پوزما حالووی
 ائیلمه یوزه گوز یاشون روان
 آلمیوب هله قارداشون حسین
 کسمیوب باشین تشنه کوفیان
 آچمیوبدی آل غارته هله
 کوفیان بی آبرو باجی
 عاصیا اگر ائیلله نظر
 هر کلامه سوز صاحبی اوزی

سوز ملیح اولار، اوندا شک یوخ
ذکر اولان زمان آغلدار گوزی
اوزلری مدد ائیلیوب یقین
مخترع یازان وقته بوسوزی
بزم وصلده ساقیان غم
وئردیلر منه بیر سبو باجی

احوالات امام حسن (ع)

آچ گوزون او یان باجی قلبیم اود دوتوب یاندی
بولمورم نه سودور بو دل دوداقیم اودلاندی
یاتما دور او یان زینب
باجی جان بولوردوم من عمریمون سرانجامین
وئردیم عاقبت باشه زحمتیله ایامین
انتظاریدیم آخر نوش ائدم اجل جامین
حسرتیم باشا یئدی ایندی وقت هجراندی

وصل وعده سی یئدی باوفا حبیبیمدن
زخم قلبیمه مرحم اولدی اوز طیبیمدن
بیر بو سو قالوردی چون آخری نصیبیمدن
ایچدوم اولدوم آسوده مقصدیم همان آندی
هر ستم منه یئدی، رشته غمه دوزدوم
هر جفایه تاب ائتدیم اهل دلدن ال اوزدوم
سب اولوب آتام حیدر بئله محنته دوزدوم
چو خدی ننگلیم دلده محنتیم فراواندی
قوم دون ازل ائتدی مکر یله منه بیعت
نقض عهد ائدوب آخر باجی بی وفا ائت
قویدولار منی یالقوز سالدیلار آله فرصت
ائتدیلر من زاره هر نه ظلم و طغیاندی
هر نه ظلم بیگانه ائتدی قارداشون باخدی
خون دل یوزه دائم باجی دیده دن آخدی
لیک آشنا ظلمی یان دیروب منی یاخدی
خیمه می ائدوب غارت قلب مضطربیم یاندی

ساخلادی منی دشمن باجی پای منبرده
 ناسزابه دل آچدی گتدی قلبیمی درده
 جرئت ائتمدی اما قارداشیم اولان یرده
 منتهای صبریمده بو قضیه میزانندی
 هر نه ظلم احبابیم ائتدی اصطبار ائتدیم
 دلدن هر غمه دوزدوم صبری اختیار ائتدیم
 عاقبت قالب ناچار موصله فرار ائتدیم
 من کیمی اولان مظلوم هانسی خانه ویراندی
 من کیمی، کیمی آخر چرخ دون ائدوب مظلوم
 اهل دل اگر اولسا حالیمه اولور مغموم
 ای بلالی زینب دور اولموشام گنه مسموم
 حالیمه آنام زهرا جنت ایچره گریاندی
 سن دیمه بو زهریله قارداشون حسن ألمز
 طاقتیم گئدوب الدن دیزلریم داخی گلمز
 وار نه حالتیم آخر باجی اوزگه سی بولمز
 دل جگر دوداق آخر قطعه قطعه دوغراندی

آز قالور اجل تیری باجی قلبیمی دلسون
 دور خبر ائیله باری قارداشیم حسین گلسون
 صون نفسده تا قلبیم بیر دقیقه دنجلسون
 قارداشین یوزین گورماق باجی طاقت جاندی
 یاندی دل کوئل جامی باجی قانیله دولدی
 باد ظلمیله آخر گلشنیم گلی سولدی
 قالدی بوینی چگیننده قاسمیم یتیم اولدی
 بئله بیر غمه دوزماق سانما باجی آساندی
 بسکه دل دیدی اول شه ائیلدی بیان حالین
 آچدی گوزلرین زینب پوزدی بو غم احوالین
 گوردی قان خضاب ائیلوب قارداشین رخ آلین
 عرض ائدوب باجون آلسون یوز گوزون نیه قاندی
 حسرتیله چوخ باخما گوزلرون دولاندورما
 نوکمه عارضه اشگون قانیله بویاندورما
 چکمه آهی آه اوسته خاطریمی یاندورما
 سینم اوسته قوی باشون حالتون پریشاندی

بو خانم ایکی لبده خون ناگهان گوردی
بیر حسن دوداقنده قان او ناتوان گوردی
بیرده شاه عطشانون لبرینده قان گوردی

ظلم خیزان بولدی تازه قانه عنواندی
عاصی نوحه یاز آغلا، گل فغان و فریاده
قوی سنه حرام اولسون خورد و خواب دنیاده
گوزباشون و ثرر مطلق خوش نتیجه عقباه
نوحه یازماقین اجری آخرتده رضواندی

در ولادت باسعادت حضرت امام حسین (ع)

چون حسین قویدی بو دنیایه قدم یازدی گویا بو سوزی لوح قلم
إِنَّ فِي الْجَنَّةِ نَهْرًا مِنْ لَبَنٍ لِعَلِيٍّ وَ حُسَيْنٍ وَ حَسَنٍ

گوردی جبریل گلوب مقصد آله مقصدیدی اولابو شاهه لاله
ایستندی عامل اولابوعمله گلدی دیدارینه دلدہ بو سخن

إِنَّ فِي الْجَنَّةِ نَهْرًا مِنْ لَبَنٍ

لِعَلِيٍّ وَ حُسَيْنٍ وَ حَسَنٍ

عرض ائدوب ای گل گلزار رسول ای جگر گوشه زهرای بتول
بیر دانشدیر منی چوخ ائتمه ملول تا دیوم شوقیله لای لای سنه من

إِنَّ فِي الْجَنَّةِ نَهْرًا مِنْ لَبَنٍ

لِعَلِيٍّ وَ حُسَيْنٍ وَ حَسَنٍ

ای اولان نور رخ لم یزلی سرو آزاده بستان علی
قدسیان سسلوری با صوت جلی إِنَّ فِي الْجَنَّةِ نَهْرًا مِنْ لَبَنٍ

إِنَّ فِي الْجَنَّةِ نَهْرًا مِنْ لَبَنٍ

لِعَلِيٍّ وَ حُسَيْنٍ وَ حَسَنٍ

ای ایدن عالمی نور رخ طور گوسترن وجهی کلیم الله نور
 ای اولان خادمه سی حور قصور گوزی شهلا، یوزی گل، زلفی سمن
 إِنَّ فِي الْجَنَّةِ نَهْرًا مِنْ لَبَنٍ
 لِعَلِّي وَ حُسَيْنٍ وَ حَسَنٍ
 بیرجه آج گوزلرون ای شاه حجاز بو قدر نوکرووه ائیلمه ناز
 تا دیونجا ائیلیاخ راز و نیاز قالماسون دلدۀ غم و درد و محن
 إِنَّ فِي الْجَنَّةِ نَهْرًا مِنْ لَبَنٍ
 لِعَلِّي وَ حُسَيْنٍ وَ حَسَنٍ
 بیرده تابدی بو شهی روح الامین گوردی فان ایچره دوشوب سرور دین
 اوقدر یاره وروب لشکر کین جسمی اوخدان گل آچوب مثل ثمن
 إِنَّ فِي الْجَنَّةِ نَهْرًا مِنْ لَبَنٍ
 لِعَلِّي وَ حُسَيْنٍ وَ حَسَنٍ
 یاریلوب باشی دولوب فان گوزینه اشگنی سوکیمی سهدی یوزینه
 یارالی باشنی آلدی دیزینه اویادوب اول شهی بو دلرلین
 إِنَّ فِي الْجَنَّةِ نَهْرًا مِنْ لَبَنٍ
 لِعَلِّي وَ حُسَيْنٍ وَ حَسَنٍ

گلمیشم جسمووه من سایه سالوم وئر اجازه منه یانونده قالوم
 بولمورم عطروی بس کیمدن آلوم وای منه سن سیز ای شاه زمن
 إِنَّ فِي الْجَنَّةِ نَهْرًا مِنْ لَبَنٍ
 لِعَلِّي وَ حُسَيْنٍ وَ حَسَنٍ
 فان ایچنده سنه لای لای دیرم باخارام نعشووه ایوای دیرم
 تا وارام یاتام حسین وای دیرم ای باشی تشنه قفادن کسلن
 إِنَّ فِي الْجَنَّةِ نَهْرًا مِنْ لَبَنٍ
 لِعَلِّي وَ حُسَيْنٍ وَ حَسَنٍ
 آلدوروب اهل جفا اکبریوی ظلموله اوخلادیلار اصغریوی
 آلدیلار الدن هامی یاوریری دوزدون هر محنت و درد و غمه سن
 إِنَّ فِي الْجَنَّةِ نَهْرًا مِنْ لَبَنٍ
 لِعَلِّي وَ حُسَيْنٍ وَ حَسَنٍ
 من نه نوعی گوروم آیا که سنون گون ایونده قالوب عریان بدنون
 بوخدی بیر کیمسه سنون دفن ایده نون ای قالان جسمی بلا غسل و کفن
 إِنَّ فِي الْجَنَّةِ نَهْرًا مِنْ لَبَنٍ
 لِعَلِّي وَ حُسَيْنٍ وَ حَسَنٍ

آجدی قانلی گوزینی سرور دین گوردی چوخ ناله ائدور روح الامین
 سويلدی اولما بئله زار و غمین ائیلمه قتلگهی بیت الحزن
 إِنَّ فِي الْجَنَّةِ نَهْرًا مِنْ لَبَنٍ
 لِعَلِّي وَ حُسَيْنٍ وَ حَسَنٍ
 باخما گونلر قباقلنده یانورام جسم زاریم دوتوب اود اودلانورام
 بوقدر یاره نی آسان سانورام گون ایونده قالا خوشدور بو بدن
 إِنَّ فِي الْجَنَّةِ نَهْرًا مِنْ لَبَنٍ
 لِعَلِّي وَ حُسَيْنٍ وَ حَسَنٍ
 مین بئله اوخ دگه گراوخ دیمرم دسته گل سانارام اوخ دیمرم
 اولسا بیر اوخ یری من یوخ دیمرم اهل عشقه اولاتا عشقیم علن
 إِنَّ فِي الْجَنَّةِ نَهْرًا مِنْ لَبَنٍ
 لِعَلِّي وَ حُسَيْنٍ وَ حَسَنٍ
 قان سو تک یاره لریمدن آخوری یاندیرور قلبوی حالیم یاخوری
 عرشدن نعشیمه جدیم یاخوری قوی بویانسون قانا بو وجه الحسن
 إِنَّ فِي الْجَنَّةِ نَهْرًا مِنْ لَبَنٍ
 لِعَلِّي وَ حُسَيْنٍ وَ حَسَنٍ

گت دولان بو چولی تاب اکبریمی گون ایونده قالا قوی پیکریمی
 یاندیرا تا بدن اطهریمی یانا احوالیمه بو دشت و دمن
 إِنَّ فِي الْجَنَّةِ نَهْرًا مِنْ لَبَنٍ
 لِعَلِّي وَ حُسَيْنٍ وَ حَسَنٍ
 قوی ورا گون یارالی پیکریمه باخما گل تک سارالان لبریمه
 اولسا سو ممکن آبار اصغیریمه توکمسون گوز یاشی چون دُرّ عدن
 إِنَّ فِي الْجَنَّةِ نَهْرًا مِنْ لَبَنٍ
 لِعَلِّي وَ حُسَيْنٍ وَ حَسَنٍ
 عاصی سال شور حسینی باشووا قویماسون غم بتوره خم قاشووا
 یازمادون بو سوزی سن اوز باشووا یازدور و بدور سنه بیر اهل سخن
 إِنَّ فِي الْجَنَّةِ نَهْرًا مِنْ لَبَنٍ
 لِعَلِّي وَ حُسَيْنٍ وَ حَسَنٍ

اول محرم

گلدی ایام محرم سالدی باشه قاره زهرا
ذکری اولموش وای حسین وای، گلیمش آه و زاره زهرا

مریم و سارا اولوبندور هم صدا خیرالنسایه
داد و فریادی گتورموش عالم قدسی نوایه
قاره پوش اولموش ملائک قدسیان باتمیش عزایه
جن و انس آغلار گلنده نالیه همواره زهرا
گه باخار آغلار گوزیله مصرع شاه شهیده
داد ائدر دلدن سیزیلدار نی کیمی او غم کشیده
گه گلور بزم عزایه قامت سروی خمیده
جاری ائیلر اشک دیده سیل تک رخساره زهرا
گه باسار آغوشه جان تک اوغلونون توزلی مزارین
اشک چشمیله سیلر گه قبرینون گرد و غبارین
گه وداع آخرینی یاد ائدر اول شهریارین
ناله و دادین او جالدار گنبد دواره زهرا

اولمادیم گرچه دیئر من ای اوغول کرب و بلاده
جان وئرنده تا گلیدیم باشون اوستونده داده
باشون آردونجه ولیکن گلیدیم آخر هر بلاده
یاندی هر برده گورنده باشوی اودلاره زهرا
باشون آردونجه اگرچه چوخ یری گزدیم دولاندیم
مطبخ خولیده گوردوم ایسی کولر اوسته یاندیم
ظلم بیداد یزیدی تا گوروب جانان اوساندیم
سن لبوندن یاره لندون آلدی دلدن یاره زهرا

مقدمه خروج امام از مدینه منوره

عاشق همیشه رسمدی درد و بلا چکر
دلدن بلا بلایه دیوب ابتلا چکر
صبر ائیلر هر مشقت و رنج و مصیبه
گلسه آلونجه باشنه هر نه قضا چکر
ائتمز گلایه محنتی ائتدوقجه ازدیاد
هر قدر اولسا دوست یولوندا جفا چکر

آخر اولار جَلای وطن ترک خانمان
 بالمزہ مال و ملکنہ خط فنا چکر
 اهل و عیالنی گوتوروب چوللره دوشر
 هر بیر یره که عشق ائیلیوب اقتضا چکر
 هر عشق صاحبی دوزه بولمز بو زحمتہ
 اول قدمده گورسه بلا واردی پا چکر
 اما حسین که سرور عشاق دور اونی
 کوی نگاره وارد اولان مدعا چکر
 یعنی حجازی ترک ائیلیوب شاه نینوا
 دشت عراقه باشداکی شور و هوا چکر
 قربانلارین یاننجه سالوب وارث خلیل
 کوه مینایه دلده کی شوق مینا چکر
 گویا معاینه گورورم نوجوانلارین
 آله یولوندا اهل حرمدن سوا چکر
 کالای عشقه چونکه خریداریدی او شه
 بازار عشقه ائتدوقی بیع و شرا چکر

بیریر گئدر قتاله جوانان هاشمی
 گورچک آنا بالاسینی وامحتنا چکر
 لایلا گورنده شبه پیمبر جنازه سین
 دلدن یانوب، ترانه و امصطفی چکر
 هل من مُعین سسی یتشنده قولاقنه
 فوراً عروس الیندن الین کدخدا چکر
 طوی حجله گاهی باخماز اولار تعزیت سرا
 یا نوعروسی، نی کیمی دلدن نوا چکر
 یا یاخمیوب طویوندا حنا واردی حسرتی
 داماد الینه قرمزی قانندان حنا چکر
 عبّاسی الدورنده او قوم ستم شعار
 زینب خیمده ناله واضیعتا چکر
 گل تک عطش پوزار سارادار اصغرین یوزین
 اظهارینه آنا، آنا سندان حیا چکر
 بیر شربه سو تاپانماز هامی خیمه گاهده
 وئرسون بالاسینا آنا واذلتا چکر

سو دگمبوب دوداقنه اوچ گوندى يوخ سودى
هم آجدى هم سوسوزدى بالا آه و وا چكر
گاهى سالوردى سينه سينه بلکه يوخليا
ياتماز بالاسى ناله او بخت قرا چكر
گاهى دورار خيامى گزر سو تاپا گورر
فرياد العطش هامى آل عبا چكر
گه عثمه سى قوجاقه آلوب لای لای دير
آغوشه گه سكينه غم آشنا چكر
آخرده تير حرمله سيراب ائدر اونی
قلب حسینه داغ همین ماجرا چكر
ائيلر تبسم آنديرار اول سروره سوزين
خجلت او حاله چون گورر اول مقتدا چكر
يعنى دير سو اولمادی چوخ اولما دلفگار
جنتنه انتظاريمى خيرالنسا چكر
قايتر خيامده يارامى باغلاسون آنام
بور سمدور بابا، بالا نازين آنا چكر

بیر ماجرا مجسم اولور لوح سينه ده
اما قلم بيانينه نى تک نوا چكر
گويಾಗورر اورک گوزى سلطان دين دوروب
خيمه مقابلنده وداعين ندا چكر
يعنى باجى گلون گشدرم بيرده گلرم
ميداندا انتظاريلى شمر دغا چكر
آلجاق سسين نوکولدوله ديشره مخدرات
وا غربتا حريم شه قل كفى چكر
وقت شهادتى گشچورى قويمورى گئده
دوتموش قولون بيرى، انگين بير بالا چكر
گاهى بيرى قولون آتنون بوينونا سالور
گاهى الين اياقين اُپور وا ابا چكر
قويموش بيرى الين سوسوزوندان دوداقنه
يعنى بو تشنه حسرت بير شربه ماء چكر
اوچ گوندى دگمبويدى سو تشنه دوداقيمه
خجلت گوررون نه قدر بالادان آنا چكر

بیر نوعیله اوزیندن آیردی بالالارین
بول ایندیده او حاله نوا انبیاء چکر
زینب بویاندا ساکت ائدوب آغلیانلاری
کلثوم اویاندا شه قباقرجه لوا چکر
عاصی بو آستانده صرف ائیله عمریوی
حق عمریوین حسابینی روز جزا چکر
اشغال ائتمسون سنی بیهوده فکرلر
فکرون همیشه خالق جل و علا چکر

زبانحال فاطمه صفرا خطاب بعلی اکبر (ع)

ای منیم آرام جانیم گل علی خوشگلمیسن
طاقتیم روح و روانیم گل علی خوشگلمیسن
لطف ائتمیسن قارداش منه
قربان باجون صفرا سنه
درد هجره جانیمی بیر عمریدور توش ائتمیسن
مندن آخر سلب تاب و طاقت و هوش ائتمیسن
من دیردیم بس باجون دلدن فراموش ائتمیسن
نه خطا گئتمیش گمانیم گل علی خوشگلمیسن
بیر اوزون مدت چکردیم وصلوه من انتظار
روز و شب نی تک سیزیلداردیم ائدردیم آه و زار
انتظاریم تاپدی پایان بختیم اولدی سازگار
باشه یتدی غم زمانیم گل علی خوشگلمیسن

بالقوز ایولرده اوزوم غم بسترده دردمند
 درد الیندن نی کیمی جسمیم سیزیلدار بندبند
 آتش محنتده قارداش یانموشام مثل سپند
 قالمیوب تاب و توانیم گل علی خوشگلمیسن
 غم اگویدور قدیمی ای مظهر قل انما
 محض تشریح و جودیدمن قالوبدور بیر نما
 گر باشم اوسته سنون تشریفون اولسا دایما
 راست اولور قد کمانیم گل علی خوشگلمیسن
 بسکه اولموشدوم علی اوز طالعمدن ناامید
 فکریمه گلمزدی هرگز نه بو ساعت نه بو دید
 طایر اقبال بال آجدی عجب اولدوم سعید
 ناپدی صحت جسم و جانیم گل علی خوشگلمیسن
 ظاهرأ بو گلماقوندان گرچه خورسندم ولی
 باطنأ آثار هجران گورسنور قارداش علی
 وار همین بو نکته دن قلیمده بیر اود مشعلی
 عرشه چخمیش الامانیم گل علی خوشگلمیسن

گیموسن رخت سفر بو قد موزونه ندن
 بوخسا سنده ائیلوسن قارداش علی ترک وطن
 سنده گشتن نیلیوم تک ایوده ای سیمین بدن
 یوخ داخی بیر مهربانیم گل علی خوشگلمیسن
 سن بولورسن یوخ آنام، من بیر قیزام زار و علیل
 یالقوزام قلییم سنقدور هم یتیم بی کفیل
 وار سنیله عزتیم گشتن اگر اولام ذلیل
 بیرده قالماز عز و شأنیم گل علی خوشگلمیسن
 شام اولور سندنصورا هر چند قارداش گوندوزوم
 گتماقا وار اختیارون یوخدی بیر کلمه سوزوم
 سهلدور صبح و مسایولدا قالار حسرت گوزوم
 دمبدم آرتار فغانیم گل علی خوشگلمیسن
 گتیمیوب قارداش هله دلدن آناسزلیق غمی
 بو غمون سندن ایراق واردور بیر اوزگه عالمی
 محنت هجرون چکوم یا من بو درد مدغمی
 باشوه گل بیر دولانیم گل علی خوشگلمیسن

بو آناسیزلق غمی دلدن توان و تاب آلوب
 جان و ثرنجه خوش گونه، بوللم گوزوم حسرت قالوب
 ایل قبیله باجی قارداش عتمده گوزون سالوب
 ماهرو تازه جوانیم گل علی خوشگلمیسن
 بو مریضه دردینه گر ایسته سن عاصی دوا
 دامنی صفرانی دوت صدقیله ایسته آل شفا
 مطلعی ورد زبان ائت قیل گئجه گوندوز نوا
 ای منیم آرام جانیم گل علی خوشگلمیسن

زبانحال حضرت صفرا بحضرت علی اکبر (ع)

گوزوندن آنما صفرانی علی قارداش سنی تاری
 شرار آتش هجرونده یاندورما بو بیماری

نه مدّتدور سنیه بو کوئول قارداش تاپوب اُلفت
 اولوب باعث بوالفت تاپموشام یثریده من عزّت
 نه نوعیله کسوم سندن علاقه ای قمر طلعت
 وطننده کیم اولور سندنصورا بو بی کسین یاری
 نئجه انصافیدور آخر منیم بئله زمانیمده
 گئده بیر ائل الیمدن قالمیا بیر کیمسه یانیمده
 ائدم ناله تک ایوده هر قدر جان واردی جانیمده
 یوزوم دیوارلرده سسلیم هر لحظه یا باری
 علی قارداش من زاره آناسیزلیق غمی بسدی
 گئدوب هرگز دیمورسن فاطمه ناخوشدی بی کسدی
 بو غم غصّه منی سالدی ایاقدان صبریمی کسدی
 نئجه من تاب ائدوم اشگیم یوزیمه اولماسون جاری

روادور گور علی صفری سنون تک گلدن آیریلسون
چئتدور عشق، گل بی بال و پر بلبلدن آیریلسون
آنا عمه باجی گشتسون الیم بیر ائلدن آیریلسون
وطنده قالماسون بیر کس بو بیمارون پرستاری
بو فکریله دیردیم من اوقدری ألمرم قلام
سنون تا طوی گونون گورم اورکدن اوندا کام آلام
دولانام طوی اوطاقوندا باشا منده گيله سالام
گئدر دردیم داخی قالماز وجودیمده غم آناری
اونی بولمزدیم هجرانن اولار قارداش منه قسمت
چتین بو دردیدن صفرا، علی بیرده تاپا صحت
اگر من المسمده الدورر آخرده بو حسرت
نصیب اولماز وصالون گورمرم بو ماه رخساری
نئجه صفرا دولانسون بیرده بو بوش طوی اطاقنده
یارا باللهی مشگلدی گر اولسا گوز قباقنده
یقین دنیاده صاق قالماز باجی قارداش فراقنده
خصوصاً من کیمی ناخوش اوزوم غملر گرفتاری

اوزوم بیر عمریدور من بستر غمده گرفتارم
یتیم ناخوشام قارداش علیم بی پرستارم
دورا بولم آفاقه طاقتیم قالمیودی بیمارم
بولون گرد و غبارین یوز گوزوندن تا سلیم باری
بو سوز معلومدور آخر باجی قارداشی چوخ ایستر
منیم اتماسنه اوزگه علاقم وار علی اکبر
ائيله جاگیردور عشقون کوئلده ای ملک منظر
سراسر دولدوروب مهرون بو جسم زار و تبداری
آناسیز بیر قیزام یالقوز اورکده چوخ ملالیم وار
نه مدتدور اوزوم ناخوش بولن یوخدور نه حالیم وار
نه تک سندن هامی ائل اقریادن انفعالیم وار
اجل گلسون رضایم کاش قورتارسون منی زاری
علی ای گلشن پیغمبره بیر گلبن نوخیز
منه سندنصورا سیر چمن هرگز دگول جایز
اولار بو کاسه چشمیم همیشه اشگیله لبریز
نذر بلبل گولوندن گورسه بوش گر باغ و گلزاری

علی بیر لحظه دنیاده داخی گولمز یوزوم سن سیز
فراقونده دونر شامه منیم هر گوندوزوم سن سیز
گشجه گوندوز نوکر قانیاش یوزه آخر گوزوم سن سیز
اولور سندنصورا کیم بو علیلون یار غمخواری
اگرچه مدّت عمرون سنون عاصی یتوب باشه
امیدیه ولی شوق زیارت سالگیلن باشه
مدام اللّٰه یالوار آند وئر بو باجی قارداشه
اجل تا یتمه میش ائتسون حسینون بلکه زواری

احوالات خروج از مدینه

دشت عراقه منی ائیلوبله دعوت آنا
جذیم اجازه و ثروب وئر سنده رخصت آنا
کوتلیمده چوخدی ملال عزّله دور یولا سال بوخ الله فرصت آنا
جذیم رسولخدا رویاده وئردی خبر
تک تک آنا بولورم وار بو سفرده نه لر
بو گشتماقیمدا ولی واردور بیر اوزگه نظر
حق ایستیوبدی تا پام فیض شهادت آنا
ملک حجازی منه تنگ ائتدی اهل نفاق
ناچارم ایبندی ائدم سرعتله عزم عراق
بو اشتیاق وصال بو سوز نار فراق
دلدن ائدوبدی منی بی صبر و طاقت آنا
بیر کیمسه یوخدی بوگون آلسون اورک سوزیمی
امر قضایه گرک تسلیم ائدم اوزیمی
گلدیم وداعه قویام بو قبریوه یوزیمی
نچه دقیقه هله وار الله فرصت آنا

روز ازل دیمیشم هر بیر بلایه بلا
 واردور باشمدا منیم غوغای کرب و بلا
 اولام او چولده ائیلله امر قضایه رضا
 صبر ائیلرم نفدر گلسه مصیبت آنا
 باغلللا سو یولونی ظلمیلله اهل جفا
 اوج گون او چولده قالار لب تشنه آل عبا
 اهل حرمدن اوگون اوج ائیلر عرشه نوا
 ائتمز عدو بوقدر ظلمه کفایت آنا
 دوغرا لا تشنه جگر یکسر کومکلریمی
 شهزاده قاسمی، مه پاره اکبریمی
 قونداق ایچنده سوسوز اوخلالار اصغریمی
 ائیلر بالامدان اوگون اعدا خجالت آنا
 جور و جفادن آنا دویماز گروه ستم
 ائیلله قارداشمون آخر قولونی قلم
 بار محندن اولور شمشاد قامتی خم
 برپا اولور حرمة شور قیامت آنا

ساعت بساعت اولور دردییم اورکده مزید
 ائیلله قارداشمی سو اوسته تشنه شهید
 قالماز داخی کومکیم قالام وحید و فرید
 جرئت تاپالا منه اهل عداوت آنا
 ائیلر سوسوز لوق اودی بیر نوعی منده بروز
 باشندان باشا بدنییم یکسر دوتار آنا سوز
 اهل جفا باشمی آخر کسله سوسوز
 حتتی لباسیمده ائیلله غارت آنا
 قویماز لا قالسون آنا اگنیمده پیرهنم
 گونلر ایونده یانار عریان قالار بدنییم
 نه غسل ائدن تاپولار نه دفن و کفن ائده نیم
 سینمده آت چاپا جاق اهل شقاوت آنا
 عهد ائتمیشم دوزرم هر بیر بلا و غمه
 غارت الینی آچار اهل جفا حرمة
 آخر ورا لا اوگون اود قوم کین خیمه
 ظلم آتشینه یانار آل رسالت آنا

بو آستانه سالوب عاصی دخیل اوزینی
 ائیلوبدی معصیتی گرچه قرا یوزینی
 لیکن تکیوبدی سینه امیدله گوزینی
 محشرده قویما ملول ائيله شفاعت آنا

خطاب بارضی اقدسی کربلا

ای کربلا فخر ائت سینه بیر محترم مهمان گلور
 اوز خانمانین ترک ائدوب سلطان مظلومان گلور
 * * * * *
 ناقص قویوب اوز حجنی اول حجت پروردگار
 ذبح عظیمون سنده تا تفسیرین ائتسون آشکار
 واردور یری ائتسن اگر بیت خدایه افتخار
 یتیمیش ایکی جان تشنه لب سنده اولا قربان گلور
 بُرج و فایه هر بیریری بیر نیّر تابنده دور
 ساخلا اماندور حرمتین چون حرمته زیبنده دور
 آخر بولار هر تک تکی حقّه موحد بنده دور
 گوسترماقا حق کلمه سین آئینه رحمان گلور

ای کربلا واردور یری دورسان مقابل طوريله
 سن بولموسن کیمدور گلن دلدّه اولان منظوريله
 ائیلر احاطه اول یری بیرگون ائله بیر نوريله
 موسی او نوروون آردیجه حیران و سرگردان گلور
 بولفظ عاشورا اوگون حق انبیاء ایچره سالوب
 بیرلفظ نوح و آدم و موسی الیندن تاب آلوب
 بولموله عاشورا ندور بو سرّ غم مخفی قالوب
 سنده ظهوره گون کیمی اول نکته پنهان گلور
 بیر انجمن تشکیل ائدر سنده حسین بن علی
 تا اولسون اهل عالمه بو لفظ عاشورا جلی
 شرحیندا ائیلر اکثفا بیر جفت ابوالفضلون آلی
 سایر شهیدون حالینه بو ایکی آل میزان گلور
 سنده اوگون تقسیم اولور اهل حقیقته مجاز
 بیر عده ارباب وفا باشه یغار شاه حجاز
 صدق دلیله سر به سر ائیلله مرگی پیشواز
 باخماز لا هر بیر سمتیدن خنجر گلور، پیکان گلور

هر نوجوان سنده اوگون بیر قوت دل گوسترور
 طغرای عشقی مقتل و مقتول و قاتل گوسترور
 شبه نبی اکبر ولی بیر عشق کامل گوسترور
 جانان یانندا خدمتی شایسته و شایان گلور
 بیر دسته نکلا شوقله اوز نوجوانندن گشچر
 قاسم آناسی قاسمه بیر خلعت زیبا بیچر
 آلتی آلیق اصغر سو دیر، اولماز سوسوز قانین ایچر
 سوذن سودان شیرین اونا ای کربلا بو فان گلور
 گورجاق او عشقین رتبه سین محبوب حبیبندن دویار
 رخت حیاتی شاه دینس بیر نوعلیه تندن سویار
 زینب کیمی بیر باجنی عمرنجه سرگردان قویار
 باخماز دمادم قلبینه سوز غم هجران گلور
 بو امر عاشوراده وار چون زینبنده شرکتی
 معناسینی تکمیل ائدر آخرده زینب همتی
 باشه یغار قارداشی تک بیر جمع باشسینر عترتی
 قید اسارت طعنه دشمن اونا آسان گلور

اوز عزتندن آل چکر بو زینب عصمت مآب
 قولاری باغلی کوفه ده قلبنده بی حد اضطراب
 تشکیل کفری محو ائدر بیر نوع بو علیا جناب
 احسن صداسی جانب حقدن اونا هر آن گلور
 شاه گشجه گوندوز ائدر عاصی او حالی آرزو
 اول آستانه سورت یوز، کسب ائیلیه بیر آبرو
 بو آبرو نا ائیلیه قلبی جراحاتین روفو
 لطف ائیله سن بو فیض، اله بو نیمه شعبان گلور

احوالات ورود آل الله به کربلا

ای باجی بو بازار عشقه من قویموشام قدم نقد جانله
گلسه هر متاع بلا آلام شامه سن آبار کاروانله
صبر ائیله گله هر بلا باجی
اول بلائیله آشنا باجی
دلخوشام باجی گلسه هر قدر باشمه بو یرده بلای عشق
اهل عشق ایچون افتخاریدور ائیلسه اگر جان فدای عشق
ائیلینمز هر بوالهوس یقین امتحانی سیز ادعای عشق
آشکار دور چون بو مسئله زر تاپار عیار امتحانله

وئرموشم ته دلدن ای باجی دل ازل گون ایستکلی یاریمه
باش وئرم بوصحرای عشقه تا پتم وصال نگاریمه
اولموشام رضا مین بلا اوخی گر دگه دل بی قراریمه
راه یاریده نوشدور منه دلخوشام همین خوش گمانله

تسیخ تیز اعدای دینیله دوغرانار همین یرده اکبریم
آتش جفا قلبیمی یاخار اوخلانار الیم اوسته اصغریم
غم آلا الیمدن قراریمی جان وریر سوسوز یار و یاوریم
قلبیمون اودون ائیلرم خموش من بو دیده خون فشانله

مین ملاليله قاسمه باجی طوی اساسی من ائیلرم بنا
کامه یتمه میش ظلميله اولار بزم عشرتی مجلس عزا
کیم گوروب یاخا ایندیه کیمی نوعروس اله طویدا قان حنا
هر گیلان اونا تهنیت دیه گوز یاشیله آه و فغانله

خورداجا اوشاقلاریمون باجی بعضی سین اوگون الدورر عطش
بعضی سی سوسوز لوقدان اود دونار سو تاپانماز ائیلر اولاردا غش
سوزش عطشدن بویوکلرون برملا اولار جلدی منکمش
صبر ائده حسینون بو محنته عهد ائدوب حق لامکانله

قارداشيم ابو الفضلمون باجي کوفيان ائدر قولارين قلم
مشکي اوخلاتار ظلموله اولار بار غصه دن سرو قدي خم
قوش کيمي آچار پر خدنگيله باش گئدر اولار سرنگون علم
قارداشيم آلوم آرزو ائدر اونداکي دولار مشکي قانله

جور و ظلمدن قوم کينه جو بئله بوله بير آن دويار باجي
باشيمي کسر تشنه لب عدو رختمي سراسر سويار باجي
کهنه پيرهن اوسته جسمي گون ايونده غريان قويار باجي
قتلگاهه گلشن تاپانماسان قارداشوي سن بير نشانله

اود ورار اوگون خيمه گاهمه يانديرار باجي فرقه شرير
ظلم اليه باغلار قول قولاً هم سويار سيزي هم ائدر اسير
صبر ائيله دايان هر مصيبت سر برهنه گئت شامه دستگير
من اوزوم سيزون سرپرستوزم بو نچه مقدس جوانله

بولموسن نه طغيان ائدر باجي ظلموده يزيدي ستم شعار
کبريله او بي ننگ و بي وقار شامده قوزار مجلس قمار
اهل بيت زاريم باخاباخا بو دوداقلارا خيزران ورار
واردی گور پيمبر اهن لبين نسبتی باجي خيزارنله

چون يزيدي دون شامده سيزه بير خرابه يرده مکان وئرر
اول خرابه ده روز و شب سنه درد و غصه يوز هر زمان وئرر
بي کفن قوري يرده آج سوسوز عاقبت رقيمه جان وئرر
غصه مرگ اولور بو قيزيم منيم ظلم بي حد ساربانله

همت ائيله عاصي کناره سن قويا پاخط مستقيميدن
قورخ او حالت احتضاريدن هول حشر و نار جهيمدن
بيرده بو حسينون زيارتين ايسته آل خدای کريمدن
قسمت ائيليه تا بو ايل سنه قارداشون تقی نوحه خوانله

زبانحال امام مظلوم بجناب زینب در زمین کربلا

بو کربلادی باجی چوخ بلاسی وار بو یرون
وفالی عاشقه نی تک نواسی وار بو یرون

هواسی غملویری پربلا و خُزن آور
فضاسی غصه‌لی جور و جفاسی وار بو یرون
بو دشته گلمه‌میشم باجی جان من اوزباشما
باشمدا روز ازلدن هواسی وار بو یرون
بو شوريله که حسینون گلوب عراق ایچره
حجازیدن منيله مدعاسی وار بو یرون
مخالفینین الینده حصاره دوشماقیمی
سوؤب ازلده بوامره رضاسی وار بو یرون
چکن قطاریمی بو خطّه غم انگیزه
شکسته دلده اولان ماجراسی وار بو یرون

منای عشق و محبتدی، آدی کرب و بلا
حقیقی کعبه‌دی سعی و صفاسی وار بو یرون
گتورموشم بو یره نهجه قوچ قوزی قربان
کسم که تاگوره‌لر نه مناسی وار بو یرون
منم ازلده او ذبح عظیمدن مقصود
خليله فخر ایده من تک فداسی وار بو یرون
نئجه برابر اولار کربلايه کعبه یری
فدای عشق ذبیحاً قفاسی وار بو یرون
اگر او کعبه‌نون اولسا فداسی اسماعیل
ولیک اکبر گُلگون قباسی وار بو یرون
گرک باجی بو یرون بیدقی اوجا اولسون
که قارداشیم کیمی صاحب لواسی وار بو یرون
کسنده باشنی سو گوستروله قربانه
سو اوسته قولاری تندن جداسی وار بو یرون
بو سرزمینده بیر طوی گتورم ایجاده
گوره طوی اهلی نئجه کدخداسی وار بو یرون

مدینه دن دیمه آخر حنا گتورمه میشم
 آله یاخماقا قاندان حناسی وار بو یرون
 دگول بو طویدا باجی شال قرمزی لازم
 باشوا سالماقا یاخشی قراسی وار بو یرون
 دوتاندا قاسم ناکامه مجلس ماتم
 طوی حجله سی کیمی بزم عزاسی وار بو یرون
 قیزم عروسه نه لازم عمارت عالی
 خرابه شامده ویرانسراسی وار بو یرون
 علیل اوغلو ما ائتمه باجی غذا فکری
 او زاره خون جگر تک غذاسی وار بو یرون
 مریض شیعہ لریم ایستسه تا پا صحت
 بتور اولاره که خاک شفاسی وار بو یرون
 خدا نه وقت اولور عاصیده کربلا یه گئده
 دیه اورکده کی درده دواسی وار بو یرون

اجازه میدان خواستن جناب قاسم (ع)

واردور آتامدان منیم قتلمه فرمان عمو
 سنده آل امضاء ائیله ای شه عطشان عمو
 باخ دل سوزانیمه الده کی فرمانیمه
 بتدی قباچه گئدن قافله سر منزله
 مندن اوتور نه روا، لنگه دوشه قافله
 باخما آنام آغلوری نی کیمی گلیمیش دله
 علّتی وار ائیلوری ناله و افغان عمو
 ائندی اصابت بوگون هرکسه فرمان عشق
 ائیلدی اوز جاننی شوقیله قربان عشق
 قورخور آنام اولمیا م لایق میدان عشق
 بو غم ائدوب باغربنی لاله صفت قان عمو
 گئندی عم اوغلو م، عموم، اولدولا تشنه شهید
 قالدی قالان دل غمین اولدی گئدن روسفید
 گل عمو بو فیضدن ائتمه منی ناأمید
 گلیمیشم اُمید یله ائتمه پشیمان عمو

بولمورم عِلّت ندور یالوارورام هر قدر
 وئرمی هرگز منیم نخل سرشگیم ثمر
 منده شهید اولماقا یوخدی لیاقت اگر
 بسندی بو کتب اولان الده کی عنوان عمو
 بوشلامارام دامنون ای شه عالی جناب
 یا منده اذن وئر یا عمو جان وئر جواب
 قویمادی قلییمده تاب دلده اولان اضطراب
 ائیله کبرم وئرگیلن رخصت میدان عمو
 گئندی علی اکبرون ائیلدی جان بذل یار
 گئچدی باشندان تاپوب فیض حضور نگار
 یاره دیمم لایقم ائیلیم ایثار ثار
 اوغلون علی اکبره وئر منی قربان عمو
 یوخدور آتام بی کسم ای شه بنده نواز
 سأل اوز الونله کفن بونوما قیل سرفراز
 قویما بوقدری منی ائیلیوم عجز و نیاز
 ساخلاما یول اوسته چوخ ای شه دوران عمو

سانما صغیرم عمو یوخدی توانای جنگ
 باخما دوروب صف بصف زمره بی نام و ننگ
 قیلام ائیله عرصه نی لشکر بیداده تنگ
 شستیمه أحسن دیئر فرقه عُدوان عمو
 باک ائیلیم خنجر و نیزه و شمشیریدن
 سن بولوسن کاملم من هامی تدبیریدن
 بولمورم عذرون ندور بیرئله تأخیریدن
 یوخدی توان قالمادی منده داخلی جان عمو
 پنجه صیّاد کین ائیلسه بسند کمند
 رم بمرم گر اولام چین کمندیله بسند
 أف دیمرم شامیان دوغراسالار بنبندند
 زیر دم تیغده اولمام هراسان عمو
 وئردی ره عشقده شوقیله بیر عده گام
 کئچدیله جانندان بوگون قیلدیلای تحصیل کام
 منده خوشام باش وئرم اولسون آنام شادکام
 فاطمه دن چکمسون خجلیت او نالان عمو

ای شه کفو و کریم باب امید نجات
سندن عمو حلّ اولور خلقه هامی مشکلات
گوشه چشمیله قیل عاصیه بیر التفات

ایسته بو وقفه اونسی قبریوه مهمان عمو

زبانحال جناب قاسم (ع) به لشگر شام

ای کوفیان چو خدور یارام باری گلون اوخ ورمیون
مخیمده یول گوزلور آتام انصاف ائدون چوخ ورمیون
یو خدور آتام ای قوم شوم مهلت وئرون گلسون عموم

بزم محبتدن بوگون سرمست جام و باداهام
هرگز اُلومدن یوخ غمیم بو قیدیدن آزادهام
گرچه غلامم اکبره اما اوزوم شهزادهام
ای کوفیان چو خدور یارام باری گلون اوخ ورمیون
باشدان آخوب قان چشمه سی بو چشمه چشمیم دولوب
قویمور یولی گورسون گوزوم قان پرده سی حایل اولوب
جسمدن ازبس قان آخوب دلدن سالوب رنگیم سولوب
ای کوفیان چو خدور یارام باری گلون اوخ ورمیون

کوی وفاده من بوگون رخت حیاتی سویموشام
ال چکموشام باشندان اوزوم شوقیله جانندان دویموشام
اما آنامی خیمده گوز یاشلی آغلار قویموشام

ای کوفیان چو خدور یارام باری گلون اوخ ورمیون
نه قان قویور بیر گوز آچوم باری یولی گورسون گوزوم
نه گشماقا طاقت قالب نه دورماقا دلده دوزوم
صبر ائیلیون گلسون عموم واردور اونا دلده سوزوم

ای کوفیان چو خدور یارام باری گلون اوخ ورمیون
جسمیمده گرچه یاره لر آخر آچوب باش قان گلور
بونلا بیله باک ائتمرم گورسم گنه پیکان گلور
باری قویون پیشواز ائدوم سلطان مظلومان گلور

ای کوفیان چو خدور یارام باری گلون اوخ ورمیون
دل ویرموشام قانه باتام اوز عهدیمون پابستهام
قالمویوب توانیم چوخ گئدوب قانیم وجودن خستهام
خنجر قلیج هر نه گلور الدن ورون عشق اوستهام

ای کوفیان چو خدور یارام باری گلون اوخ ورمیون

هرگز دیمم مهلت و ثرون من بیر دقیقه دنجلیم
 وار انتظاریم قویمیون بوقدر فریاده گلیم
 قورخوم بودور که یتمسون دامن مقصوده الیم
 ای کوفیان چو خدور یارام باری گلون اوخ ورمیون
 شهباز اوج وحدته خوشدور نقدری آچسا پر
 بوخسته جانی ائیلرم هر قدر اوخ گلسه سپر
 الوان اولام گر لاله تک قانیله محبوبیم سُور
 ای کوفیان چو خدور یارام باری گلون اوخ ورمیون
 عاصی بوشهزاده غمین یاز قیل گئجه گوندوز نوا
 صدقیله دوت دامانین آل، سن بیر برات کربلا
 قبر شریفنده قوراخ بو بیتله بزم عزا
 ای کوفیان چو خدور یارام باری گلون اوخ ورمیون

زبان حال جناب لیلا در وداع حضرت علی اکبر (ع)

ای پیمبر تک جمالی مطلع انوار اوغول
 گل آنان لیلانی قویما حسرت دیدار اوغول

بوخ منه سندنضورا بو چولده بیر فریادرس
 کیم وثرور آیا اوغول سوزلار سسینه بیرده سس
 من دیمم گتمه گئدور سن بیرجه گل آخر نفس
 بیر دولانیم باشووه گوزلور یولون کفار اوغول
 باخما لیلانی ائدر زهر فراقون تلخ کام
 گئت طریق عشقده ور سن بوگون شوقیله گام
 باشند ائیله باشوی بات قانه قیل تحصیل کام
 اهل عشقه ائنگلن اوز عشقوی اظهار اوغول
 دلخوشام قانه بویانسا گر بو زلف چین به چین
 گرچه تار زلقووه بیر کم بهادور ملک چین
 اولسا ممکن خرمن زلفندن اولام خوشه چین
 بسدی زلفوندن الیمده قالسا گر بیر تار اوغول

گوندوزوم هر چند اولور سنسيز علی بیر تیره شام
 لیک دولسا گُل وجودون زخم خنجرله خوشام
 خنجر الله قتلوه آماده دور اشرار شام
 انتظارون قویما قالسون فرقه اشرار اوغول
 بولمورم واردور علی بو گشتماقونده نه اثر
 طایر روحیم او گیسوی پریشان تک اَسَر
 ائیلیوب بیر پایده عشقون منی شوریده سر
 قالمیوب بی کس آناندا طاقت گفتار اوغول
 نه آنایم من سنه بیر عاشقم سن سوگولوم
 گلشن عمرومه آخر ای علی سن سن گلوم
 گور روادور بیرده سن سیز من بودنیاده گلوم
 آغلارام هجرونده یانام تا حیایم وار اوغول
 سن وجاهت ملکونون بیر باهنر سلطانی سن
 فوج حسنوله مسخر ائتمیسن دنیانی سن
 ائیله سن مجنون اگر یوز من کیمی لیلانی سن
 حق سنوندور ائیلرم ذی حقلقون اقرار اوغول

مرغ دلدن هاشمی خالون آلوب صبر و قرار
 آز قالور ائتسون اوغول اوز آشیانندن فرار
 نقطه عشقون دولانام باشینه پرگاروار
 نقطه باشینه همیشه دور ائدر پرگار اوغول
 صفحه جسمونده گر چگسه قلیج خط اوسته خط
 کامیاب اولام باتا قانه بوزلف و خال و خط
 خط سیر عشقون گتم غلط من بیر نُقْط
 چون عیار عشقون وار الله بیر معیار اوغول
 نوکرون عاصی علی بیر عمریدور ایتر صله
 ایستمزدی سن بولور سن چوخ دوشوبدور مشگله
 مستحق دور وئرگیلن قویما داخی گلسون دله
 هر زمان بزم غمونده ائیلر آه و زار اوغول

ایضاً وداع

چوخ باخما منی مضطره خوشگلدون اوغول گشت
دیدار قالور محشره خوشگلدون اوغول گشت

وئرمیش شه لب تشنه سنه رخصت میدان
گشت دورما دایانما علی لیلا سنه قربان
باخما منه باخدوقجا یانوب ائیلرم افغان
آهیم چخاگر گوگلره خوشگلدون اوغول گشت
گل بیرده وروم من او سر زلفووه شانه
بیر نار الیمده قالاتا اینکه نشانه
گر اولسا الیمده یترم عزت و شأنه
بسدور او منی مضطره خوشگلدون اوغول گشت
خوشدور منه جسمون دم پیکانیله دولسا
قرآن کیمی جسمون علی شیرازه دن اولسا
بوزلف مطرانون اگر نظمی پوزولسا
نেশون دوشه باش سیز یره خوشگلدون اوغول گشت

من گئچمیشم اولده علی سن تک اوغولدان
ممکن دگی لیلا قویا پیا دیشره بو بولدان
گشت قوی بوقوشون هم وُرا صاقدان همی صولدان
صبر ائت ستم لشگره خوشگلدون اوغول گشت
اولسون دیرم من آنالیق حقّی حلالون
گورسم بویانوب قانیله بوشوخ جمالون
باشون یاریلوب قوش کیمی سینمیش پرو بالون
قانون دولوب اول گوزلره خوشگلدون اوغول گشت
بیر جمع علی ائتدی فداجان شه عشقه
اول سنده دلیل آل خلیله ره عشقه
قوی توکسون عدو قانونی قربانگه عشقه
فخر ائسون آنان هاجره خوشگلدون اوغول گشت
فکر ائیلمه سندنصورا من قالام اوغولسوز
سن سیز منه همدم اولی بو آه جگرسوز
گشت دورما علی قویما بو شاهنشهی یالقوز
امداد ائیله بوسروره خوشگلدون اوغول گشت

آماده دوروب قتلوه بو لشگر اعدا
قوی شوقیله میدانه قدم ائیلمه پروا
عشقونده رضادور علی مجنون کیمی لیلا
دوشسون یری وار چولره خوشگلدون اوغول گشت
مشگلدی فراقون زبس ای شبه پیمبر
دورموش حرم اهلی هامی محزون و مکدر
سسلر هاموسی گشتمه اماندور علی اکبر
باخما اوجالان سسلره خوشگلدون اوغول گشت
عاصی یتوب ازبسکه سنه درد و مصیبت
فکرون سنون اشغال ائیلیوب کثرت محنت
واضحدی حسینون سنه وار لطفی حقیقت
یازدون بوسوزی دفتره خوشگلدون اوغول گشت

زبانحال سکینه خاتون در وداع حضرت علی اکبر (ع)

گشتمه بئله تعجیلله بیر آز دایان قارداش علی
جان نقدینی تا ائیلیوم من باشووه شاباش علی
گشتمه بیردایان باغیریم اولدی فان. دور علی اماندور بیرگورم سنی. باشووه منی گل علی دولاندور
وثرمیش آتام رخصت سنه یوخدور بوگشتماقه سوزوم
باری دویونجا دور سنی قارداش گوره آغلار گوزوم
بولم علی نه عشقدور بو عشقه مبهوتم اوزوم
ائیلور ضمیریم سزینی بو اشک دیده فاش علی
قارداش علی گل آتش هجره بئله ورما آنک
باخ گور نئجه آغلور یانور آل پیمبر تکبه تک
بوغلمو صحراده عجب قویدون آنان لیلانی تک
غم قلبنی قان ائیلیوب گوزدن توکر قانیاش علی
ازبس چتیندور فرقتون بی انتها واردور اثر
قارداش اوتار طره تک بومرغ دل تترز اسر
قالموب توانیم جانمی رعشه دوتوبدور سربسر
بیربئله بیرگوندن ازل باجون آلیدی کاش علی

بی جا دگول باجون بئله قارداش دولاتور باشووه
 باخدوقجا دل حیران اولور بو گل یوزه گوز قاشووه
 تصدیق ائدر حُسنون گورن تحسین ائدر نقاشووه
 به به عجب خوش طرزیه نقشون چکوب نقاش علی
 قارداش دایان من باشوون اوسته لوای غم آچوم
 گون ایسدور بودوده آهمله بیر پرچم آچوم
 بیرده بو زیر پایووه زلف خم اندر خم آچوم
 میدانده دین سنله گلوم بو طرزیه بیرباش علی
 قارداش ازل گوندن سنون من حسنون حیرانیم
 بو قامت شمشادیوین مفتون و سرگردانیم
 بو حُسن روزافروزیوین بو مه یوزون قربانیم
 وار کیمده آیا بئله یوز بئله گوزل گوز قاش علی
 بو نوعیکه گیسولرون شانه اولوبدور موبه مو
 بو لم ایدلر قانیله الوان بوقوم کینه جو
 قارداش اوزون انصاف ائيله گور باجیه آساندی بو
 آیا دوزر بو محنته اولسا اگر دل داش علی

گر ممکن اولسیدی باجون سندن علی چکمزدی ال
 اما منی وادار ائدوب بو امره تقدیر ازل
 بئله مقدردور سنی درک ائیلسون پیک اجل
 قانلو جنازون اوسته تا آچسون سکینه باش علی
 بیر سمتیدن بو حالته لیلای سرگردان باخور
 بیر سمتیدن حیران دوروب سلطان مظلومان باخور
 بیر ستمدن اهل حرم دورموش هامی حیران باخور
 سندن گورتوردوم منده ال گئت دورما گئت قارداش علی
 یوخدور سو آردونجه سهوم سندن علی اولدوم خجل
 مرهم پذیر اولماز یقین حشره کیمی بو زخم دل
 گئت بو بویون قربانی من آخر گورورسن متصل
 هل من مبارز سسلوری بو زمرة اوباش علی
 رخت وفا و مهربوی بیر لحظه تندن سویمارام
 سندنصورا قان آغلارام من آغلاماقدان دویمارام
 لیلای گلنده نالیه قارداش اونسی تک قویمارام
 اولام گشجه گوندوز اونا من نالده یولداس علی

بانی اولوب بو نوحیه کاتب نچه احبابله
عبدالله ناجی قلی بو ایکی خوش آدابله
عاصی اودور بونوحه نی یازدی سرشگ نابله
عفو ائيله خدمته اگر وئرسه خطاده باش علی

وداع جناب علی اکبر (ع) زبانهال امام

رمگاهه سن شاهد اول خدا بو جوان مه منظریم گئدر
خلق و خلق و منطقده مصطفی سهم صولتاً حیدریم گئدر
ای خدا علی اکبریم گئدر

باش آچوب آناسی سزیلدیری شوريله آلوب ساچلارین اله
یوز دونوب سنه عرض ائدور خدا راضیم، قضای، محوله
لیک دورموشام منتظر بالام رزمگاهدن بیرده بیرگه
وار اورکده گیزلین سوزم اودور صورته سرشگ تیریم گئدر

ائیلینده من بی کسی وداع
قورخورام گئدوب بیرده گلیمه
بو منیم امیدمدی بی کسم
آله اکبریم ائتمیشم یقین
آلما دیم بالامون اورک سوزون
خیمیه خدا گوریمیم یوزون
نوجوانیمی حفظ ائيله اوزون
غارتیه منیم معجزیم گئدر

باجیسی آچوبدور دعایه ال
که منه باخور که آناسنا
که اوو شدورور قلبنی یانور
که او ماه رو آردیجه دوشوب
نی کیمی سزیلدور چکور فغان
متصل ائدور گوز یاشین روان
سسلوری علی گئتمه بیر دایان
صف به صف نچه اختریم گئدر

بیر جوان که عیناً شیه دور
بالخصوص محبوبدور اوزی
گور منیم ایشم آخری یتوب
عاقبت بو قومون قتالینه
خلقتاً حیون پیمبره
تک به تک بو اولاد حیدره
ای خدا بو قوميله نه یره
بو جوان گل پیکریم گئدر

بئله بیر اوغولدان گواهنس جان و دلدن ال چکمیشم اوزوم
مین بئله اوغول ائیلسم فدا کوی عشقده منده وار دوزوم
قطعه قطعه گر دوغراسا عدو پیکرین یارالی گوره گوزوم
مقصد و مرامیم گلر آله قلبده اولان غملمیم گئدر

آق محاسنینم اولماسا اگر بو جوانمون قانیله خضاب
عشقیمون کمالنده نقص اولور اولمارام اوز عهدیمده کامیاب
یوخ سویوم بو قربانه گوسترم سوزش عطش ائیلیوب کباب
بو منای عشق و محبتہ تشنه لب علی اکبریم گئدر

بسکه ظلمده کئچدی حدیدن بو سپاه کین پرور و جهول
منکر اولدورلار حقہ ایتدیلر مرتضی کیمی حقیمی نکول
هر قدر گتوردیم بو قومه من حجت و دلیل ائتمدی قبول
ائتماقا هدایت بو فرقهنی گسوئیا که پیغمبریم گئدر

بیر اوغول گتوردی منایه تا اوز الیله قربان کتسه خلیل
اولمادون رضا قلبی غمآنه بیر عوض اونا گتدی جبرئیل
سهلدور اوزوم راضیم گئدوب اکبریم اولا تشنه لب قتیل
وار رضاسی دلدن بو مطلبه اکبر و فاپروریم گئدر

ائیلیوب نه تک او غلوم اکبری عشق باده سی بئله بی قرار
ایچدیلر او صهبای عشقندن بیر جماعتیم اولدی کامکار
منتظردی دلدن او بادیه اصغریمه حتی بولور نه وار
پیشواز تیر سه شعبیه الده نقد جان اصغریم گئدر

یا حسین سنی اوغلون اکبرین جانی عاصیه ائیله بیر نظر
قویما ارزل الناس الینده چوخ نوکسون عارضه گوزدن اشک تر
من سنی کرم کانی بولموشم گر تو جهون اولسا مختصر
محو اولور کوئولدن ملال و غم قلبده اولان اخگریم گئدر

جستجوگردن امام مظلوم (ع) بحضرت علی اکبر در میدان

اکبری میدانند شاه جهان آختارور
جان کیمی جان اوسته بیر تشنه جوان آختارور

اوغلونی تاپماقلیقاً گرچه واریدی شتاب
گشتماقا قویمور ولی دلدۀ اولان اضطراب
هرنه اوغول سسلوری گلمور اوغولدان جواب
ایبن علی ذکر ائدور ناله کنان آختارور
آتش هجره بانور جسمی دوتوب اود دلی
غصه گلوگیر ائدوب دوتمور او شاهون دلی
بسکه دوشوب قوه دن دیزلری گلمور بئلی
قدی کمان باغبان سرو روان آختارور
رزمگه عشقدن اکبرین عطین آلوب
لیک اوغول سسله ماق اول شهی دلدن سالوب
سسلوری سس گلموری گوزلری اغلار قالوب
مصرعنه قان ریزین یرده نشان آختارور

بـیریره یـتدی تـاپوب مـظـهر پیغمبری
گوردی یـخربلار یرـه اوغلی علی اکبری
باش یاریلوبدور آخوب قانی دولوب گوزلری
گوزلری شهزاده نون شاه جهان آختارور
بولمورم آتدان نئجه اولدی پیاده او شه
مصرعنه اکبرون تاپدی نه نحويله ره
باخجاق اوغول نـعـشـنه یوز وئروب حال وله
پیک اجل اوغلونی گوردی عیان آختارور
گرچه ازل که نظر طاقتین ائتمیشدی طاق
صبرینی آلمیشدی بیر محنت مالایطاق
فکربنی ائتدی عوض دلدۀ اولان اشتیاق
درددله شاه دین تاب و توان آختارور
گه چکور آغوشنه صبر دل جانینی
گه سیلوری آغزینون توپراقنی قانی
ایستوری حمل ائیله سین خیمیه قرباننی
نعشه حامل شه کون و مکان آختارور

چخدی او دم خیمه دن زینب عصمت مآب
 یوزده سرشگک بصر مضطرب و دل کباب
 گاهی حسینی گهی اکبری ائیلور خطاب
 هر ایکی روحین گزور خاطری قان آختارور
 نعشی علی اکبره یتجک او ناموس حق
 باخدی گوروب گوئی گل داغلوب بیر طبق
 نطقین آلوب یاره لر تنده ولی وار رفق
 درد دل ائستماقلیق نطق و بیان آختارور
 سوکیمی چکد و قجه دم یاره لر قان و ثرور
 اکبرون احوالنی شاه دین اعلان و ثرور
 یعنی آتایلن بالا هر ایکسی جان و ثرور
 بیر سوسوز حلقی حسین تیغ و سنان آختارور
 وئردی تسلی همان حالده قارداشنا
 قارداشیدا بیر عبا سالدی باجی باشنا
 سوبلدی تخفیف وئر یوزده کی گوز باشنا
 باجی بئله حالیمی شمر و سنان آختارور

ائتمه نوا توکمه چوخ گوز یاشوی دامنه
 دور ما قایت خیمیه گلمه بئله شیونه
 آغلاما سن آغلاسان باجی یتر غم منه
 اهل جفا بیر بئله حالی اینان آختارور
 بار نکلف منیم قذیمی ائیلوبدی خم
 اکبریوه یا حسین من سنی وئرم قسم
 گل آقالبق ائت گیلن مندن ائيله دفع غم
 عاصی هر ایکی جهان عزت و شأن آختارور

زبان حال حضرت علی اکبر (ص)

دوشن زماندا آت اوستن شبیه پیغمبر
یوزین خیامه دوتوب سسلدی علی اکبر

که ای شهنشه والا مقام یابا
اولا حضوریه مندن سلام یابا
چوخ ایستدیم که ائدم بیرده من حضوریه درک
نئدیم ایدنمدیم اخذ مرام یابا
دوشم ایاقووه عذر ایسترم قصوریمدن
اولام بوبارده نایل یکام یابا
سوایستدیم بابا مندن خجالت اولدون اگر
اولوب بوسوز منه درد عظام یابا
یولومی باغلادیلار کینه و عناديله
سپاه کوفه و اشرار شام یابا

اوقدر یاره یتوب جسمه بو لشگردن
که دوغرانبوب بدنیم بالتمام یابا
نه وار سورونماقا تاییم نه گلماقا طاقت
نه وار وجودیده حال قیام یابا
قلج الینده گلن ظلموله ورور یاره
اولوبدی مین قلجا بیر نیام یابا
گوزوم یولوندا سنون انتظاریهی چکورم
یشتش هرایمه قیل اهتمام یابا
غم ائیلمه بودی جدیم گلوب باشیم اوسته
کرامت ائتدی منه بیرجه جام یابا
بو قوم کینهده انصاف یوخ مروّت یوخ
ائدوبله قتلمه چوخ ازدحام یابا
دولوبدی آغزیماقان سدا دوب نفس یولونی
اودور که اولمور ادای کلام یابا
بویور داخی آناما تیکمه سین گوزون یولوما
که باغلانوب منه راه خیام یابا

ائيله يانور اوغول اوره گيم باشي، گوز ياشيم
جاري اولور عذاريمه مانند سيل اوغول
دور بير ايافه تا آپاروم خيميه سني
گوزلور يولون خيامده آل خليل اوغول
دور آل اله قلنجيوي کس دشمنون يولون
يالقوزليوب بو بي کسي قوم رذيل اوغول
گلم دالونجه منده علي سن گئدن يولي
مشگلدی باغلانا يوزيمه بو سبيل اوغول
سن بو شهادتونه يتشدون مرامووه
اولدون غريبه نايل فيض جزيل اوغول
ليکن بو الماقون علي بيچاره ليلني
ايتدی سياه پوش بير عمر طويل اوغول
چوخ تيز غروب ايتدون ايا کوک
ب وفا اولدی عجب زمانه ده عمرون قليل اوغول
باشدان آخوبدی قانون علي لاله گون اولوب
بو وجه احسن و بو جمال جميل اوغول

روادی عاصی کیمی بير غلام درگاهون
بير اوزگه کيمسيه اولسون غلام يابابتا
توجه ائتگله قورتار فشار دنيادن
که يوخدی اوندا فشاره دوام يابابتا

زبانحال امام بسر نعشی علی اکبر (ع)

ای روحیم ای سلاله خیر سلیل اوغول
ای عترت خلیلدن اول قتیل اوغول

گلجک سسون خيامه ديزيم دوشدی قوه دن
بي اختيار باشلاديم آه و عويل اوغول
ای فديۀ منای وفا، قانون اهل کين
سوتک ائدوب بو کوی وفاده سبيل اوغول
هاجر آنان - بو عرصه منا - سن ذبيح حق
من وارث خليل خدای جلیل اوغول

عاصی گشجه گونوز سنه صدقیله سالوارور
وار دردی آستانووه اولموش دخیل و غول

زبانحال سرور مظلوم در سر نعش علی اکبر (ع)

ای گوزوم نور ضیاءسی گلمیشم آج گوزلرون
دوگرانان جسمون فداسی گلمیشم آج گوزلرون

سن دگولدون من غریبی سسلدون امدادوه
خیمهده آلقاق سسون گلدیم پتم فریادوه
بیرده سس وئر بوسه قربان کسللم آدوه
ای کوئول ذوق و صفاسی گلمیشم آج گوزلرون
جسمیوی اعدا ائدوب شیرازه دن قرآن کیمی
قطره قطره تللرونده قان دوروب مرجان کیمی
حالیمی حالون پوزوب بو طره افشان کیمی
ای وجودی غم نماسی گلمیشم آج گوزلرون

ای منی دشمنلر ایچره بی کس و یالقوز قویان
گون قباقلنده قوم اوسته بئله یاتما بیر اویان
خیمه لرده گوزلوری یول لبلی بی خانمان
کوئلمون وار مدعاسی گلمیشم آج گوزلرون
ائیلوب جسمون قلجلار قطعه قطعه بندند
دسته گل تک داغلموش ای جوان دل پسند
وار بری افلاکه اولسون آه و فریادیم بلند
آهمون یوخ انتهایسی گلمیشم آج گوزلرون
قویمبوب بسو حالت زارون علی منده دوزوم
جان وئورسن سن، ولی جان اوستیم سن تک اوزوم
دور الیمن دوت علی اکبر داخی گورمور گوزوم
گوزلرون اولام فداسی گلمیشم آج گوزلرون
خیمیه گلجک سسون ای مظهر ختمی مآب
عترت پیغمبره یوز وئردی حال اضطراب
قالدی نه منده توان نه دل لیلاده تاب
ای ایکی جسمین قواسی گلمیشم آج گوزلرون

خیمه ده ایندی تیکوب گوز لیلی مُضطر یولا
واله و حیران گئدور گاهی صافا گاهی صولا
بوندان آرتوخ قویما سنسیر باش آچوب زلفون یولا
ای قالان آغلار آناسی گلمیشم آج گوزلرون
نطقه گل بیرجه دانیش ای مایه صبر دلیم
بلکه بیر نوعی کوئلدن زایل اولسون نسلیم
دل دیمافدان نطقدن دوشدوم داخی دوتمور دلیم
ای ذبیح حق مناسی گلمیشم آج گوزلرون
آغلا عاصی روز و شب سن شاهزاده اکبره
گوز یاشون اخذ ائیله توشه عرصه گاه محشره
شاه دین گویا دیردی مظهر پیغمبره
ای گوزوم نور ضیاءسی گلمیشم آج گوزلرون

زبانحال جناب رباب بحضر تعالی اصغر (ع)

گورورم علی سوسوز سان بئله ائتمه ناله لای لای
سورا یوخدی منده امکان بئله ائتمه ناله لای لای
بئله ائتمه ناله لای لای
نه سو واردی خیمه لرده نه سوده گلور گمانیم
یانورام سنه باخاندا دوتور اود بو جسم جانیم
بقدر نوابه گلیمه علی باشوره دولانیم
سنه من تاپوم سو هاردان بئله ائتمه ناله لای لای
گورورم سنی سوسوزلوق گتوروبدی آه و زاره
سالوب آتش ملالون علی جانیمه شراره
سوسوزام اوزومده سن تک یندیم الله یوخدی چاره
سو یولون کسوبدی غدوان بئله ائتمه ناله لای لای
ائدورم حیا بابانندان ائیلیم سوسوزلوقون فاش
یانورام سنه باخاندا توکورم عذاره قانیاش
سنی من بئله گورونجه علی جان الیدیم ایکاش
بو سولان جماله قربان بئله ائتمه ناله لای لای

نَقَدَرِ عَلی چتندور من بی کسه بو حالون
 بیر ایچیم تاپانمیا سو سولا گُل کیمی جمالون
 بالا صبر قیل آز آغلا یوزه توکمه اشگ آلون
 غمون ائتدی باغیمی قان بئله ائتمه ناله لای لای
 نئجه تشنه سن او حاله سن اوزون بیان وئوروسن
 باخوسان منه سوسوزدان دلوی نشان وئوروسن
 نفسون دوشوب شماره الیم اوسته جان وئوروسن
 آنان اُلسون ای لب عطشان بئله ائتمه ناله لای لای
 گُل عارضون عطشدن سارالوبدی یاسمن تک
 سنه چوخ باخوب یانان وار نه امام تک نه من تک
 هامی تشنه دور خیمده بولورم علی نه سن تک
 اورکون یانور سوسوزدان بئله ائتمه ناله لای لای
 سودان اُتری خیمگاهی دولاناندا یانه یانه
 علی هر بالائی گوردوم سو دیور گلور فغانه
 قوروموش سو جامی الدهه گشدوری اویان بویانه
 آنان اولدی چوخ پریشان بئله ائتمه ناله لای لای

شه تشنه کامه عاصی گوزی یاشلی یاز عریضه
 شور گوز یاشی شفادور بول یقین هامی مریضه
 بسوسوزی یاز آغلا دائیم اوزیوه ائيله فریضه
 گورورم علی سوسوزسان بئله ائتمه ناله لای لای

زبانحال رباب خطاب بخداوند عالم

اوج گوندی بوگون اصغریم عطشانندی الھی
 رحم ائيله بالام اود دوتوب اودلانندی الھی

ایچموبدی سو عطشانندی یوخی یوخی گوزونده
 گُل تک سارالوب واردی اُلوم حالی یوزونده
 آخر منیده حالی کباب ائتدی اوزونده
 قلبی دوتوب اود هر باخانون یاندی الھی
 بوسهلدور اوج گوندی بوگون ائیلیموب خواب
 نه سود اُموب آخر نه ایچوبدور بیر ایچم آب
 آثار عطش اصغری ائیلوب ائله بی تاب
 یوخ طاقتی چوخ حالی پریشانندی الھی

بوخودور دلی اوز دردینی یارب ائده اظهار
نی تک گلوب افغانه ائدر ناله سیزیلدار
هر کیم باخوب احوالنه دلدن یانوب آغلار
اهل حرمون دیده سی گریاندی آلهی
نه خیمه ده سو وار نه سوده واردی گمانیم
بیر نوعی یانور آتش درد و غمه جانیم
واردور ییری عرشه اوجالا آه و فغانیم
فریادیمه بو حالتی عنواندی آلهی
بیر سو که ائدوبسن اونسی مهرته زهرا
ذریه زهرا به حرام ائیلدی اعداء
برپادی خیام ایچره بوگون محشر کبری
هرکس اوزی اوز حالنه گریاندی آلهی
یارب نقدر تاب اولی آلتی آیلین اوشاقد
یاتمور نئدیم آخر نه بشیکده نه قوجاقد
بوخ بیر آنا یانسون من بیچاره سیاقدا
بو باره دن آخر جگریم قانندی آلهی

گاهی سالورام سینمه گه دل دیورم من
لای لایمه باخمور یانوری ائیلوری شیون
محشرده اوزون حکم ائيله ای خالق ذوالمن
بو حاله سبب فرقه غدواندی آلهی
بولمور نه سو واردور نه سودیم، متصل آغلور
نی تک گلور افغانه سرشگین یوزه باغلور
گاهی اموری لیلرینی قلییمی داغلور
بو محنته دوزمک مگر آساندی آلهی
از بس عطش الدن بالامون صبرین آلودور
رنگی سوسوزندان ساری گل تک سارالوبدور
دلدن دوشوب آخر ائيله بیر حاله قالوبدور
حالنده ألوم حالی نمایاندی آلهی
یارب سالوب عاصینی زبس چرخ فشاره
دونموش نظریمده گونوزوم بیر شب تاره
بو اصغره وئرم قسم ائت دردیمه چاره
مقبول ائيله مندن سن همین آندی آلهی

احتجاج امام طلب آب به علی اصغر خطاب به لشکر شام

ای جماعت اثبات حقیقه بیرگورون نه برهان گتورموشم
بیر الیمده بیر سودامر اوشاق بیرالیمده قرآن گتورموشم
بیرگورون نه برهان گتورموشم

گورمسوز الیم اوسته بو بالا سوزش عطشدن نشجه یانور
بوخ دلی ایده حالنی بیان اود دوتوب وجودی الوانور
آغلوری ائدور نی کیمی نوا لبلرین امور قلبی اودلانور
بوخ آناسنون سینه سینده سود بو بالانی عطشان گتورموشم

کافر اولسا رحم ائیلر حاله ای جماعت کوفه و حلب
کچدی ظلموز اندازه دن سیزون بیرئله جفایه ندور سبب
بولمسوز مسلمان منی مگر یا دگول بابام سید عرب
الده بوکلام خدانی من حق سوزیمه میزان گتورموشم

جوش ائدوبدی قلییمده غملریم بحر تک گلوبدور تلاطمه
قیزلاریم سوسوزدی خیامده هی ورولا رخساره لاطمه
ائتمیوب خداوند لامکان برسوئی مگر مهر فاطمه
گون کیمی ایشقدور بو مسئله حُجّت نمایان گتورموشم

ائیلورم اوزوزدن بوباره ده ای گروه بی عاطفه سئوال
نه دلیلله ائیلیسوز بوگون سیز منیله ای قوم کین قتال
بولمسوز حسینون قانین هدر هانسی بیر حرامی ائدوب حلال
دانموشام مگر من شریعتی یا که دینه نقصان گتورموشم

کسمسوز نهچه گوندی سو یولون قحط اولوب ائيله خیمه لرده آب
غش ائدوب عطشدن اوشاقلاریم قالمیوب بویوکلرده صبر و تاب
گوزلوری آناسی بالاسینی یا وئرون سو یا اینکه بیر جواب
قویموشام گلنده او بی کسی زار و دیده گریان گتورموشم

یاغیم سیزون زعموزه گوره گر منی بولور سوز گناهکار
لیک نسل پیغمبروزدی بر ای قوشون بونون نه گناهی وار
اممیوبدی سود ایچمیوبدی سو آجدی هم سوسوزدی بو شیرخوار
آغلیوب ز بس نطقدن دوشوب حالی چوخ پریشان گتورموشم

نامه لر یازوب دعوت ائیلدوز من غریب و بی یاری بوچوله
نقض عهد و میثاق ائدوب ندن ائیلیسوز منیله مُجادله
ای گروه کین بو نه دینیدور آز قالور سوسوزدان بالام آله
عاقبت سیزه بیر ایچم سووا اصغریمی مهمان گتورموشم

کلاً اختیار ائیلدیم سیزی من بوگون اولون جمله متقی
بو کتاب، الله کلامیدور ائیلیون نظاره ورق ورق
کیم چخبور گورون دین حقّدن کیمدی پیشوای طریق حقّ
وئرماقا تمیز حقّ و باطله من کتاب فرقان گتورموشم

اوج گنجه گونوزدور بو تشنه دور ائمیوب بالام بیر دقبقه خواب
آتش عطش قلبنی یاخور صورتده ظاهردی التهاب
هم اوزی بالام نطقدن دوشوب هم آناسینی ائیلیوب کباب
حالتنه باخدوقجا یانموشام باغریمی ائدوب قان گتورموشم

دوغرادوز جوانلاریمی سوسوز ظلموله یستوردوز شهادته
بسدی بیر گلون مندن ال چکون دوشمیون بوقدری عداوته
باشمه یغوم اهل بیتمی تا گئدوم بیر اوزگه ولایته
قالمیوب داخی بیر کسیم منیم بیر بودور که نالان گتورموشم

واریری اگر ای گروه کین قانه دونسه بو گوز باشیم منیم
دوغرانوب جفائیله اکبریم جان و ثروب سوسوز قارداشیم منیم
بیر قالوب بو آلتی آلیق اصغریم بیرده بو بلالی باشیم منیم
خالقیم قبول ائیلسه بونی گوی عشقه قربان گتورموشم

تشنه ام اوزومده یانور دلیم فالمیوب داخلی تاب گفتگو
مطمئن اولون من سو ایچرم گر تمام دنیانی دوتسا سو
بو بالانی مندن آلون وئرون بیر ایچم سو ای قوم کینه جو
بئله بولمیون من سو ایچماقا اصغریمی عنوان گتورموشم

قویمادی ایده حجتین تمام حجت خداوند لم یزل
اوخلادی آل اوسته بالاسینی آخر اول شهون بیر خطالی ال
قایتروب خیامه فسرده دل سسلدی آنام باجی دورما گل
اهل بیتیمه مایه غم و داد و آه و افغان گتورموشم

یا حسین منی زار و بی کسی ائیلیدی فلج روزگار کج
بولمورم نه وقته کیمی چکرم من بو دهرده عسرت و خرج
من سنی قسم وئرم اصغره عاصیه اوزون وئرگیلن فرج
گرچه درگهوه سنون شها بوش الیله عصیان گتورموشم

زبانحال امام خطاب بعلیا مکرمه

گل باجی فغانه سینه داغلا اوخلاندی الیمده اصغریم گل
هم اصغره هم حسینه آغلا واردور بیر اسفلی منظریم گل

گلموردی یوزوم گلیم خیامه گوردوم آناسی باخور اوتاندیم
میدانی بالام الیمده زینب بیر قدر صاقا صولا دولاندیم
که قائلو جنازه لر یانندا گه پشت خییمده دالدا لاندیم
آخرده بو سوز قلییمله بو گوز یاشم اولدی رهبریم گل

آهسته بالامی آل الیمدن باجی هله سنلمه آناسین
سیل یوز گوزونون قانین آناسی گلسه بئله گورمسون بالاسین
انجتمه چوخ انجیوب یاتوبدی لای لای دینه باغلا اوخ یاراسین
ای غصه و درد و غم شریکی محتلو گونیمده یاوریم گل

بو قانلو جنازه سی بالامون قویما بوقدر الیمده قالسون
گل آل وثر آناسینا دی باجی گهواره سنه یواشجه سالسون
وار هرنه باشی قرالی یاسلی گهواره سنون کنارین آلسون
آچسون باشینی ساچینی یولسون دوتسونلا عزا حرملریم گل

دلدن باجی دوتموشام شراره غم آتشی قلییمی یاخاندا
الله بولوری نه چکمیشم من حلقندن اوخی چکوب یاخاندا
دشمنلریم ائیلیوب شماتت من صورته قاننی یاخاندا
علت اودور عارضیمه بئله قانیاش توکوری بو گوزلریم گل

اوخ دگدی بوغازینا گوز آچدی باخدی منه بولمورم نه بولدی
یاندوردی منی او باخماقیده قان آخدی من آغلادیم او گولدی
یومدی گوزینی دوشوب نفسدن جان وثردی بالام الیمده اُلدی
ازیس بوغازیندان آخدی قانی قانه بویانوبدی اللریم گل

خلوتنگه یاره یولادیم من بوگون باجی بیر دولی گلستان
تک تک هاموسی او گللر اولدی زیبندۀ بزم راز جانان
گوردوم قالوری او گلستاندان بیر غنچه گولوم منیم باجی جان
افزایش زیب و زینت اولدی اول بزمه بو غنچه تریم گل

نشئه یددی بالام زبس سوموزلوق آلمشیدی الیندن اختیارین
سولدورموشودی خزان گلی تک آثار عطش بو گل عذارین
اوج شعبه لی تیر رحمه گلدی گوردی باجی حال احتضارین
قان وثردی بو طفله سو بیرنه قان اولدی دل مکدریم گل

دینموردی الیمده یوخلامشدی اوخ دگدی بوغازینا اویاتندی
گوردی که اوشاقدور آغلیاجاق لای لای دیدی اوخ دوباره یاتدی
دی گلسون آناسی ایستمز سو سو فکرین آتوب مرامه چاتدی
یوخدور سودی چکمون خجالت سرمستیدی سودن اصغریم گل

یساندیم شرر غمه آشدیم سوتک بالامون قانی آخاند
باخدیم صولا صافه حسرتله حسرتله بالام منه باخاند
دنیا یوزینه او قانی یاخدیم قانون بالامون یوزه یاخاند
آثارینی انتقامه ساخار گوگلده خدای داوریم گل

بو غم ائيله حالیمی پوزودور آنلار هامی اهل دل سوزومدن
آخسایری وار بوگوز یاشم تک گر خون جگر ایکی گوزومدن
گل آل وئر آناسینا بالاسین گلور باجی جان منیم یوزومدن
دی وئرسون او بی کسه تسلی وار هر نه سیاه معجریم گل

هر بیر اوشاقی آچاند سوددن بو رسمدی ناز ائدر آنایه
اتما آناسی بالا یولوندا صبر ائیلر هامی غم و جفایه
نسگلدی بو غم منیم بالامه اوج شعبه لی تیر اولوبدی دایه
زحمتله باجی آچلدی سوددن بو مهجه قلب مضطربیم گل

بیر غمربدی یا حسین عاصی حسرتدی بولور سن اول مزاره
هر شام و سحر اورکدن ایستر آغلار توکر اشک تر غذاره
ایسته سنی زینبون بو وقفه لطف ائيله بو چشم انتظاره
قویما قالا حسرتیم اورکده یاز آدینی باری نوکریم گل

احوالات عطش اطفال امام مظلوم (ع)

بو مطلبی که ائدوبدور قلم اراده یازار
ائدوبدی بیر نفر عالمدن استفاده یازار
اوگون که خیمه ده شدتله قحط آب اولدی
اوشاق بویوک سوسوزوندان هامی کباب اولدی
سوسوزلوقی ولی بعضی سینین اوگون چوخودی
اولار کیمی عطشه مبتلا اولان یوخودی
بیری او ایکی بالایدی که شهریار شهید
وداع باز پسین ائیلینده ائیلدی دید

هر ايكیسنی سوسوزدان گوروب وئروبیدله جان
 ائدوبله جانلارینی شاه بی کسه قریان
 سوسوزلارون بریده زینب الم کشیدی
 خدا بلور که ننوعی سوسوز او غم کشیدی
 هوای کرب و بلاتون حرارتی چوخودی
 علاوه بو خانمون درد و محنتی چوخودی
 هامی بلور که غم و غصه چوخ عطش گتورور
 عطشدن هر نجه شخص اولسا اوز اوزین ایتورور
 ایدنمز هر نجه شخص اولسا آجلقین اظهار
 ولی سوسوزلوقونی گاه اولور ائدر اخطار
 بونیه بئله که دوتمودی اود، دل و جگری
 ولیک حالینی پوزمازدی تشنه لیق اثری
 رضائیدی هامی درد و بلایه اولدن
 دوزوب مصیبت وئرمزدی صبرینی الدن
 مباد، قارداشی پوزقون گوره باجی حالین
 او حالتی ایده افسرده قارداش احوالین

بو سهله دور که عطش خم بیتورمدی قاشنا
 بیتنده غصه وئوردی تسلی قارداشنا
 او کسکه بیرده یاناردی سوسوزلیق آتشنه
 عطش مئثریدی خاطر مشوشنه
 امام کون و مکان کربلا غریبیدی
 چخنجا جان دوداقندان عطش حبیبیدی
 سوسوزلوقی ائیله مافوقیدی شه حرمون
 توانین آلمیشدی شهریار غم حشمون
 یانوردی سوز عطشدن تمام اکبادی
 همین بو مطلبون الده واریمدی اسنادی
 بیرسی باخسا اگر مقتلون عبارتته
 اونون سوسوزلوقونون منتهای شدته
 حرارت عطشی بیر نهایته یئدی
 دل و جگرلرینی یاندیروب کباب ائتدی
 ایشق گونوز گوزینه اولدی بیر شب یلدا
 امام مفترض الطاعه دورانشماز هوا

اوزی بئله بویوروبدور او شاه دریا دل
 اولوب هواده عطش دود نک منه حایل
 علاوه بئله یازار مقتله مفسر لر
 دوشنده یاده آلاز اختیاریمی بو خبر
 سوسوزلوق ائيله دوداقین دلین قوروتمودی
 توانین آلموشودی آجلقین اونوتمودی
 بوسهلدور ساری گل نک جمالی سولمودی
 اوشاه غم حشمون حالتی پوزولمودی

گریز باحوالات حضرت علی اصغر (ع)

حیا ائدور قلم الله یازانده بعضی سوزی
 اونون سوسوزلقین الله بولوردی بیرده اوزی
 دل ایستوری بئله بیحد غمه تحمّل ایده
 اورکده بیر پارا سوز وار گرکدی قبره گنده
 اوکه اورکده ازلدن اولوب منه منظور
 همین مقدمه نی یازماقا ائدوب مجبور
 حسینون اصغریدور جانمه سالوب آتش
 همان اودا یانورام روز شب سمندر وش
 اولور مجسم اونون حالتی یانان دله
 ملال و محنتیم آرتور بو اودلانان دله
 دیسم بونون هامودان گر سوسوزلوقی چوخیدی
 دیمه مقاتله باخدیم بئله خبر یوخیدی
 همین کلامه الیمده واریمدی بیر برهان
 اوزی بئله بویوروبدور او سرور عطشان

او ساعتی که گتوردی او طفلی میدانه
 آلوب آل اوسته بویوردی گروه غدوانه
 ایبا جماعت بی شرم عار، عار ائیلیون
 جفادن ال چکون آز ظلم بی شمار ائیلیون
 بو بس دگول که سوسوز دوغرادوز کومکلمی
 الیمن آلدوز ابوالفضل و عون و جعفریمی
 گوزوم باخابا خا جڈیم شبیهی دوغراندی
 باخوب اونا اوره گیم اود دوتوب آلواندی
 جماعتیم قریلوب شوکتیم گئدوب الدن
 آلوب توانیمی غم غصه لر سالوب دلدن
 اوزومده اوچ گنجه گوندوزدی قالموشام عطشان
 حرملریمده سوسوزدان یانور ائدور افغان
 بو سهلدور که عطش تار ائدوب گونی گوزومه
 نه اهل بیتمه من ایستورم سو نه اوزومه
 ولی باخون الیم اوسته بو غنچه تریمه
 گلون وئرون بیر ایچم سو بو تشنه اصغریمه

ز بس اثر ائیلیوبدور عطش بو غنچه گله
 اوقدری قالموری آخر بالام سوسوزدان اله
 گورون شرار عطشدن بالام نثجه یانوری
 سو ایچمیوب نچه گوندور وجودی اودلانوری
 گناه کار بولور سوز من غریبی اگر
 بو سودامر نه گناه ائیلیوبدی ای لشگر
 روادی هر طرفه بو دولی فرات آخسون
 ولی عطش بالامی بئله یاندیروب یاخسون
 بو سودامر بالانسل رسول اکرمدور
 فراتیده آناما مهردور مسلمدور
 پیمبرین که آنام بیر در یگانه سیدور
 همان او گوهر گنج وفا نشانه سیدور
 ندور جواب سئواله آیا گروه دنی
 قالا بو نوعی سوسوز آل سید مدنی
 اوزیمی من دیمورم تشنه ام یانور جگریم
 صدای العطشیه دولوبدی خیمه لریم

دوتوم رضایم عیالیم یانوب کباب اولسون
 ولی بو خوردا اوشاقدانقدر تاب اولسون
 نه سود اموب نه ایچوب سو و نه ائدوبدور خواب
 گلون آلون بالامی ائیلیون اوزوز سیراب
 گندوب توانی آخوب گوزلری باتوبدی سسی
 دوشوبدی سوز عطشدن شماریه نفسی
 ز بسکه آغلیوب اولموش وجودی چوخ خسته
 بالام داخی گوروسوز جان وئورور الیم اوسته
 ائیله عطش بالامون الدن اختیارین آلوب
 گل جمالی سولوب کهرباکیمی سارالوب
 سبب سوسوزلوق اولوبدور بو رنگ عارضنه
 آلوم تیزی گوروسوز اگلشوبدی عارضنه
 بونون بو حالتته کافر اولسا رحم ائیلر
 ولی نه دینیده سوز بولمورم من ای لشگر
 نه وار مروّت دینوز نه بیرجه رحم اثری
 الیمده ساخلا مسوز تشنه لب بو سودامری

اولیدی گر سیزون انصافوز ای گروه دنی
 یقین قویمازیدوز دل دیم بوقدر منی
 ایجا جماعت بی شرم و ای گروه شرور
 بونيله بئله گنه ائتمورم سیزی مجبور
 دیمم بوگونه سیزه من امام ای لشگر
 سرور قلب رسول کرامم ای لشگر
 آنام نه زهره زهرايه نور عینم من
 ونه آتامدور علی نه اوزوم حسینم من
 نه صاحب حرم و گلستان دین گولیم
 نه مصطفادی بابام نه خدایه سوگولیم
 منم او پنج تنون خامسی که حی قدیر
 ائدوبدی شأنیمیزه نازل آیه تطهیر
 دیمم آتام قلجیله بو دین تاپوب رونق
 و یا بوگونه منم پیشوای دین مطلق
 ائدوب اطاعتی واجب حضرت باری
 گلون ولی بو سوزی سیز قبول ائدون باری

منی غریبی بو صحرا ده آز فشاره قویون
 داخی امام و رعیت لوقی کناره قویون
 کوملکریم قریلوب لشگریم اولوب مغلوب
 ائدون منیده بو افراد ناسدن محسوب
 دیمم ملاحظه ائیلون منی لب عطشانی
 حَکَم ائداخ آرامیزدا و لیک قرآنی
 محلّ یوخدی داخی اوزگه شور و غوغایه
 ائدون نظاره او قرآنه آیه بآیه
 سیزه بو مطلبی بوگونه واگذار ائیلدیم
 همین بوباره ده من کلاً اختیار ائیلدیم
 اوزوز باخون گورون ای قوم ناحق و باطل
 اولوب حسین اونون هانسی حُکْمونه داخل
 ندور دلیل منیم قانمی حلال ائدیسوز
 مگر بو بی کسی سیز خارجی خیال ائدیسوز
 سیزون صلاحوزه گر اولماسا منیم بو سوزوم
 همین بو مطلبه دلدن ولی رضایم اوزوم

اگرچه ظلموله قانه دونوبدی گوز یاشیم
 گوزوم ایونده سوسوز دوغرانبودی قارداشیم
 الیمدن آلموسوز آخر علی اکبریمی
 شهید ائیله موسوز عون و فضل و جعفریمی
 او قاسمیکه نشانه ئیدی قارداشیم حسنه
 بوگونه گونده او قارداش مقابلیدی منه
 اونوندا سیز بوگون ای فرقه خدانشناس
 جفائیل ائیلیوسوز بساط عیشینی یاس
 نه بیر معین و نه یاور و نه پناهیم وار
 نه بیر کمک نه علمدار و نه سپاهیم وار
 داخی بو دشت غم افزاده یالقوزام گوروسوز
 کومکسیر آرخاسیز آخر اوغولسوزام گوروسوز
 نه وار اوغول و نه قارداش نه دادیمه یتیم
 قالان بو السیز ایاقسیر اوشاقلاریمدی منیم
 جدای عدل، قوران گونده عدل دیوانین
 سیزه گذشت ائدرم من النلرین قانین

بو شرطیلن بو یانان قلب یاره سین بیتورون
 یولومی باغلامیون سیزده مندن ال گوتورون
 دوتوم بو دربدر اطفالیمون الیندن من
 بیر اوزگه شهریده آخر گئدوم اندوم مسکن
 بئله گمان ائدوسوز فکر ملک و مال ائدیم
 عراقی ترک ائیلیوب من مدینه گئدیم
 تمام ماملکیمدن بوگون من ال چکرم
 عیالیمی گوتوروب چوللری گئدوب گزیم
 اونادا اولماسوز آخر رضاگر ای لشگر
 بیر اوزگه شهره گئده نور چشم پیغمبر (ص)
 صلاحوز هانسی بلاد اولسا اوردا مسکن ائدیم
 گئدیم و یاکه بو سر حدیلرده مأمن ائدیم
 او وقتده که حسین دستلر قباقلده
 ائدردی صحبت علی اصغری قوجاقلده
 گهی او لشگره اتمام حجت ائیلردی
 علی اصغره گاهی او شه سو ایستردی

گوروب او حالده شاهشه فلک درگاه
 بالا بیر اللری اوستونده دیسکنوب ناگاه
 باخاندا گوردی بالا قان ایچنده غلطاندور
 وجودی باشندان ایاقه بوتون قیزل قاندرور
 بوغازینی ائیله باشندان باشا بچوبدی خدنگ
 دایانمیوب بوغازیندا بچوب گشچوبدی خدنگ
 همین خدنگی دل عاجزدی ائیلله تقریر
 ولیک بعضی یازان شرحین ائیلیوب تحریر
 او اوخ نئجه اوخیدی شرحنی یازان چوخدی
 نه تیغ تیز نه خنجر فقط آدی اوخدی
 کفایت ائیلر الیمده قلم همین خبره
 همینکه ائتدی اصابت او اوخ او سودامره
 کسوب بوغازینی بیر آبدار خنجر تک
 باخوب آتاسی یانوب اودلانان سمندر تک
 شیار اولان بوغازا مهر تخمنی اکدی
 خدا بولور بوغازیندان اوخی نئجه چکدی

او حالده بالا بیر آچدی هر ایکی گوزینی
 اوسون نفسده گوره بیرده بیر آتا یوزینی
 باخوب آتا یوزینه نیم خند اولوب گولدی
 او گولماقین سببین شاه دین اوزی بولدی
 باسوبدی باغرینا جان تک او قانه غلطانی
 چکلدی بیر طرفه خلوت ائتدی میدانی
 او دمه ایستدی آلسون بو محنتین اوجون
 امام او قانیله اوج دفعه دولدوروب اوجون
 برینی اصغرین اوز گل جمالنه یاخدی
 برین سهوب گوگه افلاکی یاندیروب یاخدی
 برینده شیونله پادشاه کون و مکان
 یاخوب جمالنه ائتدی محاسنین الوان
 گوروبکه قلبه بو غصه تیر غم ساچدی
 دوتوب یوزین گوگه بیر باب درد دل آچدی
 دئدی خدا سن اوزون شاهد اول بو غملریمه
 سو ایستدیم نئجه گور وئردیلر سو اصغریمه

بو سهلدور هله سو وئرمدی بو قوم شرار
 جفائیله الیم اوسته بالامی اوخلادیلار
 گواهمن نئجه دلدن یانوب الوانورام
 بالامون حالینه باخدوقجا اود دوتوب یانورام
 بو بارهده بولوسن دلده محنتیم چوخدور
 قالوبدی نعشی قوجاقیمده بیر آلان یوخدور
 خوشام گینه بوقدر محنت و غم و درده
 قالوب جوانلاریمون نعشی سریرس یرده
 اوز عهدیم اوسته دوروب من وفا نشان وئردیم
 الّت صحبتین شرحینه بیان وئردیم
 او طول قصّیه ائیلر کفاف بو مجمل
 علی اصغرله تاپدی خاتمه او عمل
 شهادت امری اولور اصغرله مستحکم
 ائدر رقیهده امر اسارتی محکم
 ازل کی گونده او منشور که اولوب امضا
 باخوب اونا ائیلدیم من وظیفمه ایفا

بودور اورکده اولان مقصديم خدا سندن
قبول ائيله بو قربانلاری بوگون مندن
خصوصاً اصغريم الله که غنچه تردور
قبول ائيله بو بير تحفه محقر دور
زبسکه دل دئدی اول شهریار تشنه جگر
او حالی ائیلدی درگاه کبریا به اثر
بیتوب تسلی دل باوفا حبیبندن
اولوندی زخم دله مرهم اوز طیبندن
حسینیم آز دولان آخر بو قانلو میدان
یانقلی سینوه باسما او اوخلی قربانی
باخوب یاراسنا چوخ چکمه آهی آه اوسته
بالاوی قوی یره آخر حبیبیم آهسته
بولونی روضه رضواندا گوزلین واردور
بهشته اونا غم ائتمه سود و ثرن واردور
حبیب ائیلدی محبوب قلبینی راحت
امام اصغری قویدی یره همان ساعت

او دمده تیغیله بند قماطی پاره لدی
قماطیدن هر ایکی اللرین کنار ائیلدی
اودم که اللری قونداقیدن کنار اولدی
کمال وجدیله جانانه جان سپار اولدی
مه سپهر وفا آفتاب برج شرف
جنازه سین گوتوروب عزم ائدوب خیامه طرف
دیسیم اگر یری وار گشماقا دیزی گلمور
آپارماقا بالاسین خیمیه یوزی گلمور
بیر آز گلردی یولی گه دوراردی شاه انام
خیال ائدردی گوتوردوقجه سمت خیمیه گام
غبار محنت قلبین نئجه سیلندیرسون
آناسنا نئجه بو حالتی بولوندورسون
سرشگ چشمه سو سپدی اودلانان دلنه
او حاليله یشتوب خیمه لر مقابلنه
باخوب اویان بویانا چکدی آهی آه اوسته
باجیسی زینبه ائتدی خطاب آهسته

خطاب امام (ع) به حضرت زینب (س)

گل ای اولان منه محنت شریکی زینب گل
 بلا و درد و مصیبت شریکی زینب گل
 آبردی غنچه گولومی عدو بودا قیمن
 بالام یاتوبدی گل آهسته آل قوجا قیمن
 بویورگیلن نگران قالما سون باجی آناسی
 سوسوز دگول داخی سو بیرده ایستمز بالاسی
 همینکه خیمه ده قارداش سسین آلوب زینب
 دوتوب وجودینی غم آنلادی ندور مطلب
 وجود محترمین منجنیق غم سیخدی
 فسرده حال سراسیمه خیمه دن چخدی
 گورنده قارداش الینده او اوخلی قربانی
 کسلدی طاقتی دلدن او جالدی افغانی
 گوروبکه قارداشون خالی چوخ پریشان دور
 الی یوزی گوزی اصغر قانیله الواندور

بولوب بالاسنا سو وئرمیوبله قلبی یانوب
 اوزیده اصغریده ظلموله قانه بویانوب
 گلوب دولاسدی ازل بیر حسینون باشنا
 آلوب او طفلی تسلی وئروبدی قارداشنا
 گتوردی خیمه لره سسلدی اوغول آناسین
 اوغول آناسی هوسلندی گورماقا بالاسین
 خیال ائدوبکه ایچوب سو یاتوب سسی گلمور
 ولی گوروبکه اورک بو سوزیله دنجلمور
 حضور زینبه گلدی چوخ اضطرابیله
 گوزونده اشک بصر دله التها بیله
 گورنده اصغرینی قان دوتوبدی یوز گوزینی
 حیا ائدوب خانم اصلا ایتورمدی اوزینی
 سالوب اشاقه باشین سیلدی دیده ترینی
 ادبله زینب کبرادن آلدی اصغرینی
 گتوردی خیمه سینه اذن وئردی گوز یاشنا
 قویوب یره خانم اول دولاندی بیر باشنا

آچوب باشین آله زلفون آلوب ائدری فغان
 دیردی وای علی اصغر آنان سنه قربان
 سوسوز اوشاقلارا سس دوشدی خیمه ده یکسر
 دیردیلر که دتوله گلوب علی اصغر
 قباچه بیر بالا که چوخ شیرین دلی واریدی
 خصوصاً اصغره بیر علقه دلی واریدی
 اوشاقلارین هاموسندن اونی چوخ ایستردی
 خانم ربابدن آرتوخ محبت ائیلردی
 بور سمدور هامی طفل شیرین زبانی سور
 خصوص قیز اوشاقی سودامر بالانی سور
 همین بالا دولاناردی گئجه گونوز باشنا
 باساردی باغربنا لای لای دیردی قارداشنا
 او شیرخواریه ائیلردی جانلن خدمت
 یاتان زماندا وئرردی بشیگینه حرکت
 اوشاقلارین هاموسندان قباق او خوردا بالا
 همان خیامه قویوب یوز باشندا اوزگه هوا

بو فکریله سو ایچوب قارداشیم اولوب سیراب
 آلوم قوجاقیمه لای لای دیوم که تا ائده خواب
 بستنده خیمیه گوردی او غم کش آفاق
 دوروب آناسی الی قولتوقوندا اوزگه سیاق
 او وشدورور اوره گین دمبدم توکور قانیاش
 دیور اوغول علی بی کس آنان ایلدی کاش
 کمال حسرتیله بیر ربابه ائتدی نظر
 دئدی آنا دیگوروم بس هانی علی اصغر
 نئندی اشگوی دوندرومن بئله سیله
 نه سریدور منه بو نکته نی عیان ائیله
 خیالیمیله اونون عالمینی خوش گوروروم
 باخاندا من ولی گهواره سینی بوش گوروروم
 بئله گمان ائدورم یوخلیوب قوجاقونده
 سنیده گورمورم اولده کی سیاقونده
 بو حال سنده ندور ائتگلن منی آگاه
 بو یور گوروروم هانی بس قارداشیم سنی الله

اگر ایچوبدی سو راحت اولوب سو فکرین آتوب
 یاتان پرینی نشان وئر گوروم هایاندا یاتوب
 بونی اوزون بولوسن قارداشیمی چوخ سُورم
 اگر اویانسا ملول اولما لای لای دیرم
 ربابه بسکه بو خوردا بالا ائدوب اصرار
 تواننی آپاروب اولدی عاقبت ناچار
 الین دوتوب بالانئون مین ملال و محنتله
 گتوردی نعلش علی اصغر اوسته حسرتله
 گورنده بیرائیله حالی چخوب باشندان هوش
 وُرُوب ایک اللی باشا ائیلدی فغان و خروش
 ائیله سیزیلدادی دلدن جهانی یاندوردی
 گوتوردی نعلشین آله خیمه نی دولاندوردی
 یتوب او حالده بیر دسته ماهرو اطفال
 گوروب بو حالی اولوبلار هامی پریشانحال
 تمام خوردا اوشاقلار قارشدی بیریرینه
 توکوبله خون جگر گوزدن اشگ تریرینه

وئروبله سس سسه سسلردیله علی اصغر
 سالوب بو حاله سنی هانسی بیر متم پرور
 وراردی باشه اوشاقلار توکردی اشگ بصر
 ائشتدی ناله و شیون سسین مخذره لر
 همان او خیمیه یوز قویدی یکسر آل الله
 یولایولا ساچینی دلده ناله جانکاه
 قارشدی بیریرینه جمله بانوان حجاز
 اوشاق بویوک هاموسی اولموشیدی هم آواز
 خدا بولور که او ساعت نه سخت ساعت اولوب
 حرملره یری وار گر دیسم قیامت اولوب
 اوشاق بویوک گلین عورت هامی عیال امام
 آچوبلا باشلارینی نعلش اصغر اوسته تمام
 هره سی بیر دلیله بو بالانی اوخشاردی
 خصوص باجیسی زلفون یولاردی آغلاردی
 فغان و دادیله لای لای دیردی قارداشنا
 گئدوب گلوب دولاناردی جنازه سی باشنا

امام گوردی که شیونله خیمه لر دولدی
 اوشاق بویوک هاموسی ناله دن کباب اولدی
 گلوب دوباره اوزی آلدی نور دیده سنی
 باسوبدی سینه سنه دل جگر چکیده سنی
 یتشدی خیمه دالینادا چوخ پریشان حال
 قازوبدی اصغره اول یرده بیر کیچیک گودال
 او غنچه ترین اوز قونداقی اولوب کفنی
 خیال ائتمه همان قبرده یاتوب بدنی
 اورک گوزیله نظر ائیله قبر اصغره باخ
 جداده باشنی گور بیرده صبر داوره باخ
 مقام عشقه خوش گوردی چون مساواتی
 آنا باشیله دولاندی تمام شاماتی
 روا دگول دئدی من قبرده یاتام راحت
 بابام جنازه سنه لیک گون وئره زحمت
 جنازه سی آنا آغوشین فراقینده
 قالوبدی اوچ گئجه گوندوز گونون قباقینده

دوباره بند اولوب اول غنچه گل بوداقینه
 مزار ایچنده آتاسی آلوب قوجاقینه
 دایان بو محنته عاصی داخی قلم ورما
 خطرلی عرصه دی بو عرصه ده قدم ورما
 اگر چه درد و مصیبتله خاطری دولوسان
 عمیق دور بئله دریایه گتمه غرق اولوسان
 قباق مقدمه فکرون اگر چه آز دیردی
 ولی بیر اوزگه سی سون شرح حالی یاز دیردی
 خدادادن ایسته اونون حاجتین روا ایستون
 که بلکه هر ایکیزون دردوزه دوا ائتسون
 آلونده اصغری درگاهنه بهانه گتور
 یوزونده گوز یاشون اول درگه نه نشانه گتور
 توشولونده حسینون زیارتین ایسته
 اوزونده خدمتوین مزد و اجر تین ایسته

در جستجوی نعش علی اصغر زبانهال رباب

گل دعا ائيله سکینه شام و کوفه لشگری
 تاپماسون بلکه قیزیم نعش علی اصغری
 اللرینده نیزه شام اهلی ائدولر هلله
 سرعتيله آختارولار ولوله سالموش چوله
 وئر خبر یکسر بالا قیزلار آلا زلفین اله
 درگه حقه گتورسونلر شفیع پیغمبری
 بیر قیزیم شام اهلی باشندان معجریمی آلماسون
 بیرده الله رحم قیلسون اصغریمی تاپماسون
 دفن اولوندی نعشی اوسته اهل کین آت چاپماسون
 گیزلدوب آخر آتان بو علتله اول گوهری
 هر قساون وار بوگون اهل شقاوت یوخلیوب
 حرمله بو بس دگول عطشان بالامی اوخلیوب
 نچه ساعتدور بالام قبر ایچره راحت یوخلیوب
 وای منه قویمولا قالسون قبریده گل پیکری

گئت سکینه خیمه ده سن آغلا توکک گوز یاشوی
 بان اورکدن داده گل وور سینه آج باشوی
 زلفووی ائيله پریشان قیل دعا قارداشوی
 اودلانان دلدن قیزیم سسله خدای داوری
 تیلبوم نه چاره وار الله و نه بیر دادخواه
 وار نه اکبر نه ابوالفضل و نه قاسم آه آه
 نه آناسی وار یتشسون دادیمه نه بیر پناه
 سلرم گلسون نجفدن اوز باباسی حیدری
 بسدی بو غصم بالامون باغلامادیم یاره سین
 آرتوری دردیم گوزوم خالی گورور گهواره سین
 من اوزومدن چخموشام بولم بو دردین چاره سین
 گئت بو غمدن ائيله حالی زینب غم پروری
 زلفونی آلسون اله شوريله اول علیا جناب
 اصغری دلدن دعا ائتسون او دخت بوترا ب
 او دعا ائتسه دعاسین الله ائیلر مستجاب
 بوش قایتیم بولموشم درگاه حقندن اللری

چون قیزیم آل الله محبوبدور بو سودامر
ایندی لازمدور دعا ائتسون باجیلار عتمهلر
اللری قوینوندا گوز یاشلی عجب قالدیم ملر
من کیمی کیمدور فزون اولسون اورکده غملری
وار یری فریاد و آهیم چخسا چرخ اطلسه
بولمورم چاره ندور من بینوا و بی کسه
اولماسا چاره ویراخ بیردن تماماً سس سه
حالیمز بلکه گتورسون رحمہ قوم کافری
جام چشم از قالور دلدن عذاره قان وثره
گور نثجه اهل جفا سبقت ائدوبلر بیریرہ
بئله که لشگر ورولار نیزه غیظیلن یرہ
جنت ایچره تنره دور قلب بتول اطهری
عاصیا چوخ طول وثرمه مطلبه آچما سوزی
پردہ لی سوز یاز باشارسان سوزلرین اولسون گوزی
اهل دل آنلار زبان حالدور بو سوز اوزی
یاندیروب بو ماجرا دلدن رباب مضطری

اجازه خواستن قمر منیر بنی هاشم (ع)

قالمیوب صبریم حیاتمدن اولوب بو سینه تنگ
باخ بو پوزقون حالیمه وثر سیدی فرمان جنگ
جانیم اولا قربان سنه
دویموشام عمریمدن ای فخر تمام کاینان
عین ذلتدور منه بو زندگانلوق بو حیات
من باخوم ائما سوسوزدان خیمده یانسون بنات
قویماسون سوز عطش گل یوزلرینده آب و رنگ
گر آچوب قولاریمی ائتسن منی جنگه مجاز
قویمارام بو چولده قالسون بیر نفر اهل مجاز
قولومی آخر حقیقت بول سن ای شاه حجاز
ترجمان وثرم ایکی قول اتمسم بیرئله جنگ
نارشدیم من فرات اوسته علم گر ورماسام
خون اعدائیلہ بوگون بو چولی دولدورماسام
لشگری برهم ائدوب بیر شور محشر قورماسام
قویمارام قالسون نه سر لشگر و نه سرهنگ و هنگ

گر منه وئرسن اجازه ای امام مستظام
 قویمارام قالسون بو لشگرده بو تیپ و بو نظام
 باخما واردور بو قوشوندا چوخ هنرمند عظام
 گر بو لشگر فرض اولادریا منم شاهاننگ
 من او الله شیرینون دعوا گونی بیر شیریم
 باشی اوسته دشمنین مسلول اولان شمشیریم
 من علی المرتضانین پور باتدبیریم
 باخمارام باران کیمی یاغدیرسا دشمنلر خدنگ
 من باخوم سولسون سوسوز قیزلار جمالی غنچه وش
 خیمه لردن عرشه اوج ائتسون صدای العطش
 اولماسون بیر شربه سو ائتسون علی اصغرده غش
 باغلاسون راه فراتی فرقه بی نام و ننگ
 گر منی ایستن مرخص ای شه ذول اقتدار
 قویمارام بو آل سفیاندان قالابیر نامدار
 کوفده ابن زیادون جاننه سالام شرار
 شامده ورام یزید بی حیایه پالهننگ

ای مروّت کانی ای فخریه آل مناف
 گلمیوب ائتسون ابوالفضلون تماشای مصاف
 زنگ غمدن قلیمون آینه سینی ائبله صاف
 لطف ائدوب وئر جلوه قلیمدن سیلنسن تا بو زنگ
 اذن وئر آخر آلوم بوگون ائلر قانی
 ائیلیوم قان دجله سی دشت بلا میداننی
 ختم ائدوم فوراً بو دعوانون عمل دیواننی
 ضرب و شستمدن نتیجه تا آلا روم و فرنگ
 قوی گئدوم بو قوميله یا ائیلیوم جنگ و جدل
 یا الیمدن آل بو شمشیری سن ای صبح ازل
 بس هاچان لازم اولور آخر بو شمشیر و بو آل
 بوندان آرتوخ قالمیوب منده توانای درنگ
 ای آدی سقا اوزی اتا شهید تشنه لب
 وی گوزل آدی اولان باب الحوائج منتخب
 عاصی بیچاره ائیلر حاجتین سندن طلب
 صدق قلبیله وروب بو دامن مقصوده چنگ

وداع حضرت ابو الفضل از سرور مظلوم

آه او وقتدن اولدی قول بویون
 شاه کربلا سر سپاهله
 زینبه قیامت قیام ائدوب
 قویدی یوز یوزه مهر ماهله
 بولدی آز قالور دست ظلموله
 ماه هاشمی ائیلسون خسوف
 شمس برج وحدتده گور سینوب
 انکساریدن حالت کسوف
 دوشدی اضطرابه ستاره لر
 باشلادی هامی ذکر یارؤف
 رستخیز عیان اولدی برملا
 دولدی کربلا داد و آهله
 ماه، مهری دوتقون گورن کیمی
 قالدی حیرتدن محاقده

گونه، گوردی آی قالدی سیریدن
 گور سنور بیز اوزگه سیاقده
 لطف ائدوب اوزی گوستروب شفق
 مهر، ماهه بو اتفاقدہ
 هم نشان وئروب خط سیرینی
 آیریلاندا کامل نگاهله
 رسمدور دوشر گون دالنجا آی
 هر زماندا نور ائیلر اکتساب
 عاشر محرمده عکس اولوب
 دوشدی حیرته اهل نه قباب
 نه گونیدی بیرائیله گون خدا
 آی دالنجا دوشموشدی آفتاب
 سیر ائدوب همان آی گئندن یولی
 بیز نچه قدم شاهراهله
 اولدی ملتفت ناگهان گوروب
 سر سپاه سلطان بی معین

غصه‌لی پریشان پیاده پا
 آرد بجا گُـلور شهریار دین
 بو قضیه سلب ائتدی طاقتین
 گئتدی اختیاری اولوب غمین
 سالدی مرکب اوستن اوزون یره
 آچدی صحبته دل او شاهله
 عرض قیلدی بو نوعی گلماقون
 بی‌نهایت ائتدی منه اثر
 علّتی ندور بئله آغلوسان
 گُل یوزونده واردور سرشگ تر
 پوزما حالوی شامیان باخور
 قارداشون ابوالفضل آلُوب مگر
 هر قدر ساقام ساخلارام عَلم
 باشون اوسته من عزّ و جاهله
 گوردی غم غباری او سرورین
 چون دوتوب رخ حق نماسنی

اوز ارادتین ظاهر ائیلدی
 آچدی باشی اوسته لواسنی
 خیمه‌لردن عباس آلُوب او دم
 زینبون صدای بُکاسنی
 یاندی خاطری گلدی نالیه
 آغلادی شه بی‌پناهله
 قارداشین یولا سالدی خیمیه
 گلدی رزمگاهه او باوفا
 خیمه‌لرده افسرده حالیه
 انتظاریدی شاه کربلا
 گنجمدی اوقدری گوروب حسین
 سس گُـلور که ادرکنی با اِخا
 نتردی دبزی گوزده گوندوزی
 بیر اولوبدی لیل سیاهله
 سرعتیله میدانه یوز قویوب
 کسدی بین رهده قضا یولون

دوردی مرکبی باخدی راکبی
 گوردی قارداشین یرده صاق صولون
 ذوالجناحدن اندی شه یره
 گوتدی قارداشین هر ایکی قولون
 باسادی سینه بولدی قارداشین
 حالنی او عدلین گواهله
 بیر یره یشتدی شه زمن
 خاک و خون آرا تاپدی، قارداشین
 چکدی ناله آلان اِنْ کَسَر
 توکدی صورته قانلو گوز یاشین
 اللری بئیلینده کوچوب یره
 آلدی دیزلری اوستونه یاشین
 گوردی باشنون قانی چوخ گئدوب
 یر دولوبدی خونین میاهله
 چوخ یواش یواش سیلدی گوزلرین
 پاک ائدوبدی پیکان یاراسنی

چشم نازینه قویدی لبلرین
 اُبدی تیر پَران یاراسنی
 گوردی باشنون قانی دورموری
 خشک ائده او قاندان یاراسنی
 کاسه سری خُردخُردیدی
 بیر اولوبدی باش سجده گاهله
 آچدی گوزلرین بیر او حالده
 حسرتیله سَقای تشنه لب
 عرض قیلدی بو یاتماقیم دگول
 سَیّدی طریق ره ادب
 سن ولیک آگاهسن منیم
 وار بو حالیمه اوزگه بیر سبب
 سلب اولوب توانیم وجودیدن
 ظلم قوم آئین تباهله
 ایندیکه گلوب لطفوله منیم
 باشیم اوسته سیلدون سرشگیمی

اولما سن رضا ائیلیم روان

بیرده صورته قانلو اشگیمی

قوی قالا بو حاليله نعشمی

خیمیه آپار اوخلی مشگیمی

واردی خجلتیم من گئدنرم

چوخدی فاصله خیمه گاهله

عاصی عرض ائدور قلبدن اوزوم

راضیم قضای محوله

لیک بیر امیديله من شها

سالמושام سنون دامنون آله

جانانه گلموشم روزگاریدن

تنگ اولوب داخی صبر و حوصله

دوشموشم دخیل آستانووه

بوش اليله چوخلی گناهله

استمداد حضرت ابوالفضل علیه السلام

اهل کین سو مشگین الدهه ائیلدی بهانه قارداش

اولدی پیکریم سراسر اوخلارا نشانه قارداش

سو گتورماقا خیامه سعی و همتیم چوخ اولدی

یتمدیم ولی مرامه نقشه دلیم پوزولدی

اللریم سودان بوشالیدی جام دل غمیله دولدی

دوندی اشگ چشم آخر گوزلریمده قانه قارداش

هر قدر یارا یتشدی جسممه دوزوب دایاندیم

وردیلار اؤخی اوخ اوستن اهل کینه سهل ساندیم

قولاریم بدنن اولدی قانه ظلموله بویاندیم

ائیلدیم گنه تحمل جور کوفیانه قارداش

من سووا اولاندا مالک، صبریمی سو موجی آلدی

تا سووا الیم یتشدی درد و محنتیم چوخالیدی

گرچه او ایکی اوج سو گوتدوقوم یرنده قالدی

باعث اولدی بو جسارت نچه ترجمانه قارداش

سینم اوسته بر وئروردوم شوقیله گلنده هر اوخ
 بال و پر آچوردی جسمیم ذوقدن آچاندا پَر اوخ
 اوزگه وجدیله اوچوردوم دگمسیدی مشگه گر اوخ
 حیف اولایستمدم من بیرده آشیانه قارداش
 نیزه و قلج یاراسی جسممی ائدوبدی گل گل
 پیکریمده باش آچوبدور هر یارا اولوبدی بیر گل
 باش باشا چاتوبدی اوخلار سینده بسان سنبل
 خاریله دونوب وجودیم طرفه گلستانه قارداش
 نه بو حالده اورکده فکر سوزش یارام وار
 نه کوئولده اوز خیالیم وار نه فکرت آنام وار
 قلبده سنون ملالون هر قدر که من وارام وار
 قویدولار سنی کومکسیر، تف بو شامیانه قارداش
 نچه سنگدل ستمگر نعشیمی آلوب آرایه
 نیزه پوش اولوبدی جسمیم سوزش آرتورور یارایه
 دفع ظلم ائدم الیم یوخ باری سن یتش هرایه
 من بو لشگرین الیندن گلموشم امانه قارداش

کاسه سریم اولوبدور بیر عمودیه شکسته
 اولمیوبدی تار عمریم دست ظلموله گسته
 قورخورام که ای امیدیم سن گلنجه باشیم اوسته
 خار آلیله دونسون آخر گلشنیم خزانه قارداش
 من فدای راه دینم ای منیم امیدگاهیم
 شاهدیم ایکی قلم قول بیرده اوخلی سجده گاهیم
 قانلو مشک قانلو بیدق صدق عرضیمه گواهیم
 احتیاج یوخدور اوزگه شاهد و بیانه قارداش
 سن تواضع ائیله شاه قیل گیلن قبول زحمت
 گل اوزون آبار سو مشکین ای مه سپهر رحمت
 باره پاره مشکیمی گر گورسه اهل بیت عصمت
 اودلانوب یانان دلیله اود سالار جهانیه قارداش
 دین یولوندا اهل کیندن هر قدر ستم یتشدی
 نه علمدن آل گوتوردوم، قاشمه نه خم یتشدی
 بیدقیم یاتاندا بولدون سن، منه نه غم یتشدی
 بار محنتیله دونندی قامتیم کمانه قارداش

سن شها بولورسن عاصی نکدی یو خدی دادخواهی
هر طرفدن اهل و نااهل نکلیوب بوروسیاهی
بیرسنه اولوب اتیدی ای هامی جهان پناهی
هر ایکی جهان تیکوب گوز بیر بو آستانه قارداش

طلب امداد حضرت ابوالفضل علیه السلام

گل قارداش حسین تیر جفا قدیمی اگدی
رذ اولدی گوزومدن گلوب اوخ مشگیمه دلدی

دشمنلر آتان اوخلاری من سینمه دوزدوم
بیر مشگ سو اوستونده هامی زحمته دوزدوم
سو مشگیمه اوخ دگدی حیاتمندن آل اوزدوم
گل قارداش حسین تیر جفا قدیمی اگدی
دگسیدی اگر مشگه دگن اوخ بو گوزومدن
اشگیم کیمی راضیدیم آخا قانی یوزومدن
اتا اوخ آتان قارداش حسین چیخدی سوزومدن
گل قارداش حسین تیر جفا قدیمی اگدی

آل اولمادی تا حفظ ائیلیم مشگیمی قارداش
سو گشتدی بره آخدی گوزومدن یوزه قانیاش
سندن خجل ائتدی منی بو زمره اوباش
گل قارداش حسین تیر جفا قدیمی اگدی
سو مشگیمی بو لشگر کین ائتدی بهانه
ائتدیله منی ناوک پیکانه نشانه
بو بارده گلسم یری وار داد و فغانه
گل قارداش حسین تیر جفا قدیمی اگدی
آل گشتدی منه اولدی جری اهل شقاوت
ائیلوب یارا ورماقدا قوشون بیربره سبقت
ائتدی بالالاردان منی شام اهلی خجالت
گل قارداش حسین تیر جفا قدیمی اگدی
ائتموبدی منی الماقیمون فکری پریشان
خوشدور سوسوز آلم من اگر ای شه عطشان
بالقوزلادی بو چولده سنی لشگر غدوان
گل قارداش حسین تیر جفا قدیمی اگدی

بیر ظلم یتشدی منه بو اهل ستمدن
طاقت گتوره بولمدیم آل چکدیم علمدن
شمشاد قدیم اولدی کمان بار المدن

گل قارداش حسین تیر جفا قدیمی اگدی
بیر سس وئر اماندور آلورم بو سسه قارداش
آز فالدی سوسوز باشیمی دشمن کسه قارداش
رحم ائتموری جلاد من بی کسه قارداش

گل قارداش حسین تیر جفا قدیمی اگدی
گل مشگیمی آخر آپار ای سرور بطحا
سویله سو یولی گوزلمه سین عترت زهرا
سقانی سوسوز سالدیلار آتدان یره اعدا

گل قارداش حسین تیر جفا قدیمی اگدی
صدقیله سال عاصی باشوا شور حسینی
تا قلبوی روشن ائیلییه نور حسینی
یازسان بئله سوز یاز اولا منظور حسینی

گل قارداش حسین تیر جفا قدیمی اگدی

زبان حال امام در بالین برادرش

دور ای آتامیز حیدره دعواده مظهر قارداشیم
یالقوزلیوب سن سیز منی بو قوم کافر قارداشیم
کسدیله یولون / سالدیلا قولون / لشگر ستمگر
یاتما دور اولاق / بیرده قول بویون / ای عزیز حیدر

آلدیم نسون خرگاهده ای صاحب وجه الحسن
گلدیم گلنده قولارون گوردوم دوشوبدی یرده من
بیر حاله قالدیم که بلر بو حالی قارداشی آلن
یاندی سراسر حالیمه قوم ستمگر قارداشیم

سندن ایکی یرده فالان آلدور سبب گوز یاشیمه
مندن ایکی آل بلده دور باخدوقجا اوز قارداشیمه
اولسیدی بیر آیری آلیم توپراق سپردیم باشیمه
دور چاره قیل ای حیدر کراره بتزر قارداشیم

دور ای اولان حصن حصین بو چولده آل حیدره
گورمورسن آیا شیونیم اوج ائیلیبودور گوگلره
سندن صورا ای وای منه وای عترت پیغمبره

قالماز عیال حیدرین باشنده معجر قارداشیم
هر بیر جوانیکه بوگون آلدوردولر بو قوم کین
آجدی آناسی باشینی دوتدی عزاسین دل غمین
بو چولده اما اولمادی افسوس آنان ام البنین

قالدی کوئولده نسگلون اولدون مکتدر قارداشیم
دشمنلرین پرچملری بو چولده سرتاسر اسیر
یرده قالان بو پرچمون صبریم تیلین اما کسیر
اولدی یقینیم قیزلاریم بوگون اولار شمره اسیر

قالماز پناهی زینبون سن سیز دلاور قارداشیم
بو لشگر کینه وروب یاره سنه حدن فزون
ائیلوبله سو اوسته سوسوز بو سرو قدون سرنگون
سوتمه یوزون توپراقلارا ائتمه بئله آلوده خون

قوی گوزلرون قانین سلیم ای ماهه منظر قارداشیم

ای ماه آل هاشمی ای نیبر برج شرف
کیم بو آیا بتزر یوزون قانیله ائندی منخسف
سن ائمسیدون کوفیان منله اولانمازدی طرف

ای تک وجودی بیر بوتون هنگه برابر قارداشیم
کیمدور ائده سندنصورا بیرده حمایت زینبه
سن سیز آچالار ظلم آلین اهل شقاوت زینبه
سن کی یخلدون توپراقا، اولدی قیامت زینبه

اولدی منه هم زینبه بو چولده محشر قارداشیم
واردور یری چکسه قیزل گلر اگر رشگون سنون
بیر اوخ وروبلا آتوا قانه دونوب اشگون سنون
ایندی آپارسام خیمیه بو اوخلانان مشگون سنون

باخسا سوسوز قیزلار اگر بو مشگه نیلر قارداشیم
دور ای لب عطشان دوغرانا اما اوزی سقا لقب
تا واریدی سنده نفس ائندون مراعات ادب
باشونداکی یاره اولوب بو یاتماقا آیا سبب

یا اینکه یورقونسان سالوب دلدن بو لشگر قارداشیم

چوخ چکمه آه آتشین توکمه عذاره گوز یاشون
آج گوزلرون گور بیر قالب نه حاله بالقوز قارداشون
یردن گوتور قائلو یوزون قوی دیزلریم اوسته باشون

ائتمه یارالی باشیوه توپراقی بستر قارداشیم

ای چرخ آل هاشمه صورتده بیر بدر تمام
گون گلدی باشون اوستونه ائتمه بو عقربده مقام
لب تشنه قیزلار سو دیر گوزلرده اشک اللرده جام

سو انتظاريله سنی مخیمده گوزلر قارداشیم

قارداش گوروم سندنصورا سولسون هامی گلشن گلی
هئچ کیم گلنده گورمسون گل شاخه سینده بلبل
دوشسون ایاقدان سرولر اولسون چمن غم محفلی

آفت یته شمشاده ای قذی صنوبر قارداشیم

ای ناخدا ی کشتی امید آل مصطفی
سن سیز بو کشتی غرقینه موجه گلوب بحر بلا
آز قالدی بو کشتی سینا طوفانیدان ای ناخدا

سالدون ندن بو وادی وحشته لنگر قارداشیم

عاصی و سعدی زمان سندن یتن تائیديله
بو شرح حالی یازدیلار بیر یرده بو ائیديله
جان تاپشوران ساعتده سن خوشنود ائيله بیر دیديله

خوشحال و آسان جان وئره بو ایکی نوکر قارداشیم

زبانحال امام (ع) بعد از شهادت برادرش به بعلیا مکرمه

قلبیم دوتوب اود ظلموله یاندی باجی زینب
گل اُلدی ابوالفضلیم اماندی باجی زینب

گئت خیمه ده یغ عترتیمی باشووه آغلا
وئر من تک اجازه باجی گوز یاشووه آغلا
آج باشیوی یول زلفووی قارداشووه آغلا

گل نالیه هنگام فغاندی باجی زینب

نه هجرینه صبر ائتماقا آخر اوره کیم وار
نه آغلاماقا منله باجی بیر کومکیم وار
گئت ائيله خبر هر نه که قاره لچکیم وار

بحر محنیم موج زَناندی باجی زینب

دشمن یستوب آمالینه باجی اولان اولدی
سرویم بخلوب گل اوره کیم قانیله دولدی
گلزار علی سولدی گلستانی پوزولدی

بلبلره ده فصل خزانندی باجی زینب
گوردوم که یاتوب قانیله خوش بستر ایچنده
بیر همه اتمایاریدی لشگر ایچنده
قویدوم یارالی نعلنی دشمنلر ایچنده

قلیم اودوکی چوخ نگراندی باجی زینب
گوردون نقدر اکبریمه یاره وروبیلار
یوز ائیله باجی یاره بو بی یاره وروبیلار
سالدوقجه بنون امرینی دشواره وروبیلار

احوالینه بو مشک نشانندی باجی زینب
بوقانه دونن اشگیمه قیل باجی نظاره
بول بیرده تاپولماز داخی بو دردیمه چاره
گشت معجربوی آچگیله سال باشوه قاره

گشجدی اوگونون دوری دولاندی باجی زینب

بو یاره چتین بیرده قبول ائیلیه مرهم
اهل حرمون اولدی سویولماقی مسلم
باغلا بئلوی سنده اسیر اولماقا محکم

صاحب هنریم قانه بویاندی باجی زینب
من نعلنه باخجاق اوره کیم یاندی آشدی
یاتموشدی دورا بولمدی هر قدر چالشدی
زحمتله گلوب نطقه نهجه کلمه دانیشدی

آخر سوزی حالیمدن عیاندی باجی زینب
غم تیری دیمه باغیرین اونون دلمدی زینب
هر لحظه چخنجا جانی دنجلمدی زینب
آخر گتوردوم من اوزی گلمدی زینب

بو گلمه ماقین سرّی نهاندی باجی زینب
خونابه دل آخسایری واردی گوزیمدن
نه حالدیم باجی مُبرهنّی سوزیمدن
بونندانصورا اولدوم داخی مایوس اوز اوزیمدن

قارداش آلومی بار گراندی باجی زینب

هر لحظه باجی حالی مجسمدی گوزومده
آدین اودی ذکر ائیلرم هر کلمه سوزومده
وئرم سیزله سس سه یانام من اوزومده
عباس منه روح رواندی باجی زینب
عاصی بوگون آرتوقدی سنون درد و ملالون
علت اودی پوزقوندی بئله فکر و خیالون
واضح ائدوری حالوی بو طرز مقالون
قلیم دوتوب اود ظلموله یاندی باجی زینب

زیانحال جناب سگینه خطاب به حضرت ابوالفضل (ع)

یاندی دلیم سوسوزدان اولدی کباب عموجان
لطف ائيله قیل تدارک بیر مشگ آب عموجان

دگمیوب بوگون عمو سو بو تشنه لبریمه
اظهار ایدیدم نه نوعی بو ستری اکبریمه
باخسان اوزون بولرسن بو حال مضطربیمه
قویموب داخی سوسوزلوق قلییمده تاب عموجان
دوتموش خیامی آخر شیون سسی سراسر
خورد اوشاقلار آغلار ائیلر نوا حرملر
ضعف ائیلیوب عطشدن اول شیرخواره اصغر
آغلار یانار بو حاله بی کس رباب عموجان
اصحاب قیزلاریندان ای صاحب شجاعت
من بی کسه قوناقدور مخیمده بیر جماعت
آخر قوناقلاریمدان ائتمه منی خجالت
سو مشگین آل فراته ائيله شتاب عموجان

باخ گور روادور آخسون هر یانه بو فراتی
 یانسون ولی سوسوزدان پیغمبرین بناتی
 قان آغلادور اوشاقلار یکسر مخدراتی
 باخ بو اوشاقلارا قیل سن بیر ثواب عموجان
 انصافدور بیرینون سن تک عمو سی اولسون
 اتا اونون سوسوزدان حالی بئله پوزولسون
 دونسون سرشگی قانه گل تک جمالی سولسون
 ائتسون عطش شراری قلبین کباب عموجان
 ائیلیوب آتام سنی چون بو اهل بیته سقا
 قویما یانا سوسوزدان آخر بو آل طاهها
 سولدی خزانه دوندی ظلموله باغ زهرا
 گر اولماسا سو ممکن وئر بیر جواب عموجان
 هر بیر آنانون آلمیش بیر خوردا قیز کنارین
 فریاد و شیونیه سلب ائیلیوب اختیارین
 بیر نوعی اصغریمون آلمیش عطش قرارین
 گلموبدی گوزلرینه بیر لحظه خواب عموجان

هر بیر بالا الینده خشکیده بیر سو جامی
 سو صحبتی دیلینده آغلار گزر خیامی
 قویما یانا سوسوزدان آل شه آنامی
 هر داغدار دلده وار التهاب عموجان
 نه بیر منم عموجان یانام بئله سوسوزدان
 آل عبا سراسر گلمیش دله سوسوزدان
 آغلار یانار تماماً بو قافله سوسوزدان
 واردور حرملر ایچره چوخ اضطراب عموجان
 نه سخت اولوب سوسوزلوق ذریه بتوله
 عاصی دیلینده طاقت یوخدور بیان طوله
 شه محضرینده بسدور یتسه بو سوز قبوله
 یاندی دبلیم سوسوزدان اولدی کباب عموجان

زبانحال جناب عبدالله نور چشم ابی عبدالله

میدانده گوردوم سنی یالقوز بابا گلدیم

آلدم سسون امداده اوغولسوز بابا گلدیم

گوردوم آلوب اطرافوی بو لشگر کینه

بوخدرور سنه امداد ایدن ای شاه مدینه

حالون چوخ اثر ائتدی منی زار و حزینه

آلدم سسون امداده اوغولسوز بابا گلدیم

دوشموشدوم ازلدن باباجان منده بو مشقه

گلدیم یئتم منده همین مجلس عشقه

باشیم سنبله تا گئنده بازار دمشقه

آلدم سسون امداده اوغولسوز بابا گلدیم

قویموردی منی گلماقا عتم بو مکانه

بالواردیم اوقدری گلوب آخرده امانه

سالدی گوزی یاشلی یولا قالدی یانه یانه

آلدم سسون امداده اوغولسوز بابا گلدیم

باخدیم که آلوب دوروبرون زمرة اوباش

گلدیم بو امیديله حرمندن بابا بیر باش

جان نقدینی تا اینکه ائدم باشووه شاباش

آلدم سسون امداده اوغولسوز بابا گلدیم

میداندا بابا سن طلب نصرت ایدنده

آرام دلیم گئتدی توان قالمادی منده

قلیم یارالاندی گوروب اول حالتی سنده

آلدم سسون امداده اوغولسوز بابا گلدیم

تا اینکه سسون خیمه ده بی کس آنام آلدی

فریاده گلوب شیونی افلاکه اوجالدی

گتدی اوز الیله منی آخر یولا سالدی

آلدم سسون امداده اوغولسوز بابا گلدیم

عاصی شه دینه گوزی یاشلی یاز عریضه

گوز یاشی دوا دور هامی مایوس مریضه

یاز بو سوزی آغلا اوزیوه ائیله فریضه

آلدم سسون امداده اوغولسوز بابا گلدیم

وداع آخرین امام مظلوم (ع)

گشودنده رزمگه آفتاب برج امامت
بنات فاطمیه ظاهر اولدی شور قیامت
دایاندی خیمه قباقدبه ائندی گشتماقین اعلان
توکولدی دیشره حرمدن تماماً آل رسالت
آلویلا دوره سنین هشتاده دین اوشاقلی بویوکل
توکردی گوز یاشی رخساره بانوان خدات
باخاردی صاق صولا هر دم چکردی آه پیایی
شکسته حالتی یالقوزلقین ائدردی حکایت
نه بیر نفر واریدی ذوالجناحنی گتوریدی
نه بیر نفر تاپولوردی ائده او شاهه اعانت
گوروب بو حالتی زینب پوزولدی حال شریفی
هجوم لشگر غم ائندی صبر و تابنی غارت
دئدی حسین اوزیوه غصّه وثرمه یوخدی سپاهون
بو نوعی حالوی پوزما باخور گروه ضلالت

وداع امام حسین علیه السلام

باخوب اویان بویانا چکمه آه توکمه سرشگون
لرؤمدور سنه دشمن مقابلنده شهامت
منی چوخ ائندی پریشان سنون بو طرز نگاهون
بویور گوروم آنام اوغلی نه خالدور بو نه حالت
فراق وقتیدی دیندیر بو خوردا قیزلاری قارداش
تسلّی وثر اولارا وقته گرچه یوخدی فراغت
سن آغلیاندا باخور آغلوری تمام اوشاقلار
باخور سنه اولور افسرده نوگلان صباحت
اگرچه من بولورم حالوی نیه پوزولوبدور
نه فکر فرقت اولاددور نه قید اسارت
ولیک قویما اولاه غصّه صورتونده هویدا
گوروب بو حالوی دشمنلرون ایدله شمات
اوتانما درد دلون قیل گیلن حسین، منه اظهار
هر امرون اولسا باجون، جان و دلدن ائیلر اطاعت

غم ائمه یو خدی علمدار آچا علم باشون اوسته
 بو وقتده سنه تشکیل ائده شتون و جلالت
 ائوبدی اکبر و قاسم قویوبدولار سنی بالقوز
 تمام یار و سپاهون ایچوبله جام شهادت
 منیم باشمدا که هشتاده دین قرالچکیم وار
 کنارویه دوزم ای مه سپهر ولایت
 خیال ائمه سنی رزمگاهه نک یولا سالام
 عدو باخور سنی من قویمارام بو نوعی خجالت
 توقف ائيله علم باشون اوسته تا آچا کلثوم
 دالونجه آیه فتحی ائده رقیه قرائت
 ائده سکینه سنه سایبان دوده آهین
 یارالی سان آتام اوغلی هواده چو خدی حرارت
 ائوبدی فاطمه گوز کاسه سین گلابله لبریز
 باخور سنه بو حرملر ائدوله آیه تلاوت
 کلام ناطق اوزونسین ولی ربابه نظر قیل
 دوتوبدی مصحف الینده ائدور دمام اشارت

که یعنی گل گذر ائت باری زیر مصحف حقدن
 که بلکه تاپمیا اعدا سنه بو چولده جسارت
 عنان مرکبی لیلای غم کشیده دوتوبدور
 آچوب دعایه تمام آل مخدرات خدات
 رکابوی دوتارام من اوزوم باجون سنه قربان
 سوار مرکب مرگ ائیلرم که ائتسن اجابت
 منه اگرچه چتندی بو نکته باجیلار ایچره
 ائدوم نه چاره اولوب لوح قسمتیمده کتابت
 شکایت ائیلرم گلسه هر بلا و مصیبت
 قضای حقّه اورکدن واریمدی عین رضایت
 قبول ائتسن اگر رزمگاه سنله سورونم
 سنه حسین ائدرم قدریتمجه منده حمایت
 ساجیمی آلام آله شمره التماس ائدرم من
 که بلکه آل چکه سندن او کان بغض و عداوت
 ولیک شمر گوزون قان دوتوب سوزوم اثر ائتمز
 علاوه قتلوی حتمی بولور بو قوم شرارت

بویاره دن ولی قارداش حسین اول آسوده
 نقدر وار نفسیم اهل بیته قیلام عنایت
 رقیه دن نگران قالما ساخلارام گوزوم اوسته
 سنه که زینب ازلدن وئروبدی دست اطاعت
 قباقدان قولآریمی حایل ائیلرم آنام اوغلی
 ورائندا قیزلاریوا تازیانه اهل عداوت
 وداع قیلدی حرم صاحبی هامی حرم اهلین
 اوشاق بویوک هاموسین حقّه تاپشوروبدی امانت
 سوار اولوب آتنا دل شکسته گوزلری یاشلی
 گئئردی رزمگه شهریار راه هدایت
 سو اولمادی سپهر شه دالنجه اولمیا نسگل
 توکردی گوز یاشی آردیجه اول پریش جماعت
 یئتشدی تلّه دوروب بیر دایاندی سرور مظلوم
 دونوب خیامه طرف باخدی بیر او کان شجاعت
 اوشاق بویوک هاموسی گوردی خیمه لر قباقدانه
 دوروبلا اللری قوینوندا گوزده اشک مصیبت

اورک دوام ائیلیمور خوردا قیزلار ایستوری گلسون
 گورون حسینه نقدری چتندی بیر ائيله ساعت
 بابا دیه دیه بیر آز بالا گلور ولی زینب
 دوتور نسلّی وئورور قایتارور او معدن عصمت
 بیرى اوشاقدی اونى قانمورى دیور سوسوزام من
 بابا اماندی قایت تئز یاخوندی منده هلاکت
 سکینه گوردی قایتمز داخی او شه بو سفردن
 چتندی بیرده آتاسین گوره بالاسی سلامت
 بوگوردی هوليله تلّه طرف دوتوب اتگیندن
 دل التجایه آچوب عرض ائدوب او کان فصاحت
 پیاده اول بابا آتدان منی قوجاقوه بیر آل
 غم فراقوه یوخدور اورکده ای بابا طاق
 یوخوندی ایندیکه چاره قتاله گتمه لی سن سن
 اوتور دیونجا گوروم قالماسون اورکده بو حسرت
 الوی باشیمه چک سیل اوزومدن اشک ملالی
 بیتیمه لر کیمی ائيله منده لطف و عنایت

پساده اولدی آتندان اوتوردی خاک ره اوسته

آلوب بالاسنی آغوشه حالین ائتدی رعایت
سیلوبدی گوزلرینون یاشنی اوپوپ گل اوزوندن

بو یوردی آغلما صبر ائت بلایه ائتمه شکایت

او اودلی آهویله یاندیروب بو قلبیمی یاخما

یارالی خاطریمه نسگلونله ورما جراحت

نه قدر آله موشم ورما گل جمالیه سیلی

گشدنده شامه سنی چوخ ورار گروه قسوت

حسین خاطرینه ای خدای عالم و قادر

اوزون بو عاصیه توفیق طاعت ائيله کرامت

ایضا وداع امام علیه السلام

گل باجی گتور ذوالجناحیمی گرچه غم سنی دلفگار ائدر
سن سوار اگر اتمیسن منی کیم گلور منی بس سوار ائدر

سن بولور سن آرتوخدی محتئیم قالمیوب داخی یار و یاوریم
قارداشیم الوبدور سینوب بئلیم گلموری دیزیم دوتمور اللریم
گل اوزون سوار ائیگلن منی دوت رکابمی یوخدی اکبریم
بولموسن اوغول مرگی قلبدن سلب طاقت و اختیار ائدر

باخشیدی بوگون سن ایکی اوغول وئرمیسن قلجلار قباقره
واریری دایانسا مصیتون من کیمی باجی عرش طاقینه
خاصه اکبریم نک جوان اوغول چوخ چتندی دوزمک فراقینه
هر کسون ائيله اوغلی آله گر گوزلرینده دنیانی تار ائدر

تا اشدی مخیمده قارداشین زینب ستم دیده صیتی
بولدی ایستوری شاه تشنه لب ائیلسون وداع اهل بیتنی
یغدی باشه قارداش عیالنی هم گتوردی زینب کمیتنی
روزگاره بیرده حسینه باخ ذوالجناحه گور کیم سوار ائدر

اهل بیت شه گوردی بو غمی اوزگه غملری باشندان آتدیلار
حاله گتدیلر ضعف ایدنلری هر یاتان بالانی اویاتدیلار
آلدیلار قرجاقه اوشاقلاری خیمه دن کناره چخاتدیلار
سانما بیر نفر قالدی خیمه ده یا اوزین او یردن کنار ائدر

دوتدیلار مه برج عزتین دوره سین اوشاقلار ستاره تک
دلده وا حسین یوزده گوز باشی نی کیمی سزیلداری تک به تک
آلدیلار آرایه او سروری یوزدن آز عزالی قرالچک
قالمادی مگر بیر علیل امام خیمه لرده تک آه و زار ائدر

آلدیلار آرایه آتین اوزون سربسر قباقلده دوردولار
آلمه میش حسین ابن فاطمه عترتی عزا بزمی قوردولار
باشینی آچان زلفونی یولان بسکه سینه باشه وردولار
نکبه تک او جمعین سزیلدیسی شور محشری پایدار ائدر

خوردان قیزلاری بیر به بیر دوتوب وئردی باجی قارداش قوجاقینه
گوردی ایللریله قضا اوزون توش ائدور حسینون فراقینه
دوزمدی اورک اختیار سیز قویدی یوز او شاهین آیاقینه
زینبین بو حالی او جمعدن دفع حسرت و انتظار ائدر

گوردیلر بو احوالی بانوان زینب فرشته مقامدن
بوشلادی بویوکلر کیچک لری چخادیلار هامی انتظامدن
دوتدیلار آتین یال و کاکلین بعضیسی یاپوشدی لجامدن
بعضی ذوالجناحین ایاقنه گوزدن اشگ خونین نثار ائدر

بیریره فارشدی اوشاق بویوک فاطمیه لر دوتدی صاق صولون
 بعضیسی دوتوب شه عباسنی بعضی دامنن بعضیسی قولون
 بعضیسی گورور ایستوری گنده چاره تاپموری تتر کسور یولون
 بعضیسی قویوب یوز رکابنه گوز یاشیله دفع غبار ائدر

باخدی شه او پوزقون عیالنه توکدی گوزدن اشگ تر آغلادی
 چکدی ناله و امصیتا زینب الم پرور آغلادی
 آچدی باش باجی قیز گلین حرم وئردی سس سه یکسر آغلادی
 کر بلا چولی دوندی محشره صبره باخ حق کردگار ائدر

چوخ محبتیله شه زمن آلدی سینه زینبین باشین
 باندی خاطری وئردی تسلیت ابدی یوز گوزین سیلدی گوز باشین
 دولدی نینوا شور و شینله باسدی باغربنا باجی قارداشین
 گوردی زینبین دلده وار سوزی کشفنی ولی استتار ائدر

سویلدی آنام باجی آغلاما صبر ائیهل ایتورمه بئله اوزون
 آچما باشیوی یولما زلفوی ساخلا ال خراش ائیلمه یوزون
 بیرده سن منی صاق گورنمنن قیل بیان اگر دلده وار سوزون
 مهربان باجی قارداشا بئله حالده سوزون آشکار ائدر

عرض ائدوب حسین دلده کی سوزین شعله سی منی یاندیرور باخور
 وار نائیری اود دوتوب اورک دل آلاشور گوز یاشیم آخور
 سزی واردی واضح دینمورم دوربرده بو قیزلارون باخور
 بولسه گر سکینه بو نکته نی ناله قلبدن بی قرار ائدر

قلب عالمین بولدی رمزله قلبینن سوزین دلده کی غمین
 ایستدی حسین زایل ائیلسون بلکه زینبین درد مدغمین
 امر ائدوب آیردی اوشاقلاری بیربه بیر کنار ائتدی محرمین
 هر آنا دوتوب اوز بالاسنی رأفتیله زیب کنار ائدر

بحر عصمتین مهری جوش ائدوب دولدوروب سرشگیله گوزلرین
بیر الیله دوتدی محاسنین بیر الیله فرقین او سرورین
آغلادی هم آغلادی قارداشین اُپدی اول شهین نشنه حنجرین
ایندیده امام زمان همان حاله ناله لیل و نهار ائدر

گوردی مقتضی شهریار دین زینبین او موقعده وقتنی
وُردی غارت هنگامه سین خبر هم او عالمین امر سختنی
گلدی خیمه گاهه خانم اوزی ائیلدی عوض تازه رختنی
بو سویونماقی آل عصمته غارت عالمین اختیار ائدر

اوز الیله بیربه بیر حرملرین آلدی زیب و زینت اساسنی
هم سویوندروب خوردا قیزلاری گئدیروب اسارت لباسنی
یاده سال گوزوم بیر خانملارین نچه ساعت اوندانصورا سنی
قالمادی او کهنه لباسلر ظلمه باخ او قوم شرار ائدر

ائيله وضعيله اهل بیتین آلدی معجر اول قوم اشقیا
سوز غلط دگول قالمادی دیسم باشلاریندا بیر مندرس عبا
ای قلم داخلی یازما واضحین لال اول ای دلیم ائيله بیر حیا
اهل معرفت پرده لی گئچر اصل مطلبه اعتذار ائدر

یا حسین بولورسن من عاصیم قالمیوب قصوریم گناهنده
واردی اعترافیم بو مطلبه احتیاج یوخ اوزگه شاهده
وار امیدیم عفو ائیلسون خدا چون ایتم بو دربار شاهده
هر کسه بو منصب اولای عطا اهل عالمه افتخار ائدر

زیانحال امام (ع) خطاب به جناب زینب (س)

چوخ ائتمه نوا گلمه فغانه باجی زینب

دوندومه بئله باغریمی قانه باجی زینب

قوی من گندوم آخر گئچوری وقت شهادت

وقتیم آزالوب درد دله یوخ داخی فرصت

میداندا گوزلور بولومی اهل شقاوت

مندن گوتور آل ائيله روانه باجی زینب

آغلایما بول اوستونده بو قدری منی زاری

یاندورما باجی بو دل بی صبر و قراری

ائتمه یوزیوه سیل کیمی گوز یاشی جاری

صبر ائيله دایان گلمه فغانه باجی زینب

آچما باشیوی یولما ساچون گل یوزه ورما

بو یول آراسیندا باجی غم محفلی قورما

چوخ آغلایما گون ایستیدی گئت خیمیه دورما

گتندی غمون آخر منی جان باجی زینب

ناله سسی آلدن باجی آراممی آلدی

صبریم بالالار حالینه باخدوقجا آزالدی

قویمولا گتدیم مقصدیم آخر گئجه قالدی

وقت اولدی دونه دُور زمانه باجی زینب

قویما بالالار بیرئله باخسون منه یانسون

ائتسونله نوا ناله سسی عرشه دایانسون

بول گوزلور آنام قارداشوی قویما یویانسون

ای هیکل زهرايه نشانه باجی زینب

داد ائتمه خراش ائيلمه زینب یوزون آخر

صبر ائت غم هجرانیمه پوزما اوزون آخر

چون آیریلورام اولسا اورکده سوزون آخر

آهسته گتور شرح و بیان باجی زینب

فکر ائتمه جفادن باجی شام اهلی دویالار

مندن صورا سانما سیزی آسوده قویالار

بیریر بولورم عترت زهرانی سویالار

صبر ائت ستم شمر و سنان باجی زینب

منندنصورا اول خوردا اوشاقلاره پرستار
چوخ قویما وُرا اینجیده اشرار ستمکار
اولام سنده منده کسوک باشیله غمخور

ایما ائیله سن نوک سنانه باجی زینب

عاصی که ائدر صدق دلیلله سنه خدمت
آگهسن اوزون کیم ندی کونلوندکی نیت
لطیفیله اونا ائیلله قیامتده شفاعت

ائیلوبدی منی الله بهانه باجی زینب

مذتدی گوزوم واردی او خوان کرمونده
گورسم اوزیمی گر حرم محترمونده
شوریلله دیردیم بو سوزی من حرمونده

چوخ ائتمه نواگلمه فغانی باجی زینب

احوالات قتلگاه راجع به شهادت سید مظلوم

یا حسین سنون جالوه اوگون گلدی نالیه یرلر آغلادی
آچدی باشینی قدسیان هامی عرش تتردی گوگلر آغلادی

انتهایه یتدی مصیبتون دوزدون هر غم و درد و محنته
گنجیدی صبرون اندازه دن سنون اهل عالمی سالدی حیرته
لاله گون اولوب رنگ صورتون محنتون یتشدوقجه شدته
مات اولوبدی بو صبره ماسوا چکدی سس ملایک لر آغلادی

اوندا کیم سنی فرقه دنی ذوالجناحدن سالدیلار یره
اوستوه هجوم ائیلدی قوشون آلدی دوره وی مثل دایره
یاره ورماقا جسم پاکیه سبقت ائتدی لشکر بیری بیره
آچدی باش وجودونده یاره لر آخدی قان یره پیکر آغلادی

بولدولر سنه بیر نفر داخی دادخواه اولان یوخدی وردولار
دویمادی جفا اهلی ظلمدن سانمادی یاران چوخدی وردولار
گوردولر وجود مُقدّسون زخم نیزه و اوخدی وردولار
بندبند اولوب دوغرانبوب بدن گلدی رفته لشگر آغلادی

اولمادی دین بو یارالییه بیرئله یارا بسدی ورمیون
اکبری ألوب قلبی داغلانوب غصه لیدی بی کسدی ورمیون
قورتولوب نفس جسمدن داخی روح علاقه سین کسدی ورمیون
گوزلری آخوب حالینه باخان توکدی گوزدن اشک تر آغلادی

خنجر الله عزم ائتدی قتلوه اوندا کیم سنون شمر بی حیا
ماسوا باتوب یاسه آغلادی آچدی باشینی ختم الأنبیاء
فاطمه آنان ساچلارین یولوب وردی باشنه شاه اولیاء
جبرئیل ألوب تاجنی آله حالوه پیمبرلر آغلادی

آه او وقتدن شمر شوم دون ایستدی سالاکونه وَلَوْله چکدی
نالهُ ضعف ائتدی فاطمه جَدُون آلدی عمامه سین آله
باندی گون دوتوب ظلمت عالمی دوشدی عالم قدسه غلغله
قاره چکدیلر عرشه قدسیان جنّ و انس و نه کشور آغلادی

بانوان دین خیمه گاهدن سمت مقتله سالدیلار نظر
خنجر آلتدا مقتولی گوردیلر قاتله باخوب العطش دیر
چخدیلار هامی خیمه گاهدن دلده واحسین گوزده اشک تر
قویدولار او دم قتلگاهه یوز فرخا، دین قرا معجر آغلادی

گوردیلر داخی یوخدی بیر نفر ائیلسون کمک شاه بی کسه
الله خنجری شمر بی حیا ایستوری حسینون باشین کسه
چکدی ناله وامحندا یولدی ساچلارین وئردی سس سسه
یاندی اهل بیتون او حالینه شمر الینده کی خنجر آغلادی

آچدی گوزلرین شاه تشنه لب باخدی بیر او پوزقون عیالنه
گوردی جمله سی سربه دوشدور غرق اولوبلا بحر ملالنه
ائيله صبرین آلدی بو ماجرا یاندی اهل بیتین او حالینه
دولدی قتلگه شور و شینله قانيله دولان گوزلر آغلادی

سویلدی آنام باجی دورماگئت اهل بیتی قیتر خیامه سن
هر قدر صاقام گورمیوم سیزی بئله خوار دشمن الینده من
باشیمی گسن وقته قاتلیم بیرده باجی جان تاب ایدنمن
باخدی بیر حسینون او حالینه زینب آلم پرور آغلادی

قتلگاهده قویدی قارداشین ائیلدی اوزی عزم خیمه گاه
گه گئردی گاهی دونوب باخوب قتلگاهه دلدن چکردی آه
گوردی قلبی دوزمور خیامدن سرعتيله چخدی او بی پناه
وار بری دیسم گر او حالینه چکدی ناله دشمنلر آغلادی

بولمورم نه نوعی دوباره دن گلدی قتلگاهه او آز یولی
جسمینه یتشدی نه صدمه لر یا گوگرمدی هر ایکی قولی
غسلنی وئرنده نشان وئروب ظلم لشگری زخم صاق صولی
بو قضیه ده عاصی اود دوتوب یاندی خامه و دفتر آغلادی

غارت خیام

داد او ساعتدن وئروب فرمان عمر سعد لعین
غارت و نهب خیامه آچدیلار آل مشرکین

حکم ائدوب اول ورون اود خیمه لر یانسون تمام
نه حرم فالسون بو صحرا ده نه آثار خیام
خیمه لر اوسته هجوم آور اولوب اشرار شام
سبقت ائیلوب بیریره آتلو پیاده اهل کین
وردولار اود خیمه گاهه اشقیای بد صفات
ظلم اوديله اود دوتوب یاندی خیام طاهرات
بیریرینه هولدن اولدی پناهنده بنات
دولدور ویدور خیمه گاهی داد و فریاد و انین

ائيله دوتموشدى او صحرانى غريو و غلغله
 شور محشر تڪ چوله سالمشدى لشگر زلزله
 آتلولار آت اويناداندا ائيلينده هلهله
 آز قالوردى زهره چاڪ اولسون عيال شاه دين
 عصمت كبرى قىزى يعنى بتوله يادگار
 دوندوروب يوز يثربه سسلردى اى باب كُبار
 اود ايچينده يانديرور اولادىوى بو اهل نار
 كيمسه رحم ائتمز بيزه اى رحمه للعالمين
 گاهى سسلردى نجفدن اوز آتاسى حيدرى
 دوندوروب گاهى بقعیه يوز باشندا اللرى
 گاهى ميدانندان حسینی آختاروردى گوزلرى
 يوز دوتاردى. گوگلره گاهى پريشان و حزين
 عرض ائدردى بارالها قوم بد بنياده باخ
 ظلمه باخ بو فرقه اشراييده بيداده باخ
 بو اوجالمش آهه باخ بو ناله و فرياده باخ
 يا غياث المستغيثين يا انين المستكين

عرض ائدوب بیمار امامه زينب بی دادخواه
 اى گئندلر يادگارى اى قالانلاره پناه
 ظلم اوديله اود دوتوب اودلاندى ياندى خيمه گاه
 بس ندور تكليفيمز اى حجت روى زمين
 صادر اولدى سيد سجديدن امر فرار
 امر شه وئردى او جمع بی پناهه انتشار
 خيمه لردن هولله ديشره چخوب خورد و کُبار
 يوز قويوب صحرايه قاچدى دختران مه جبين
 نولدى بولم بس خدايا حال بیمار خليل
 قويدولار نمروديان اود ايچره مانند خليل
 گوز ياشين جارى ائدردى گل يوزه چون سلسيل
 واريدى نه دادرش نه بير پناه و نه مُعين
 هولدن گرچه خانم زينب ايتورمشدى اوزين
 ضرب قَمچى ائيلميشدى نيلى وش چکينين يوزين
 ليک آل الّهْدن بير آن گوتورمزدى گوزين
 باشندان آتموشدى ولى اوز فکرين اول عصمت مکين

گوردی اود ایچره قالوبدور حجت پروردگار
 یوخدی بیر کیمسه یانار اودان اونى ائتسون کنار
 یاندی بو احوالی گورجک دوتدی قلبی استار
 گلدی افغانه چکوب دلدن بیر آه آتشین
 باشد ائتدی معجرین محکم او درده مبتلا
 بیر اوجا صوتیله سسلوب یا علی المرتضی
 اوز اوزین وردی سمندر تک اودا اول بینوا
 اود احاط ائیلدی دوروبرین مثل نگین
 تاپدی بیماری اود ایچره گلدی داد و شیونه
 ائیله دلدن آغلادی اولدی مؤثر دشمنه
 سسلدی ای وای اوغول عتمون اولاقربان سنه
 کاش آلدی بیله بیر گوندن ازل بو دل غمین
 باسادی آغوشه عزیز جانی ناله کنان
 چکدی بیر نوعی کناره جسمنی اول ناتوان
 واریدی نه کولگه یر نه سایه نه بیر سایان
 گون قباقلنده قالوب یاندی او فخرالساجدین

بانوان عصمتون آردینجا آت سالدی سپاه
 بیریرینه قورخودان اطفال آپاردیلار پناه
 بولمورم نه نوعی سویدی فرقه آئین تباه
 مقتله باخسا بولر کیفیتین هر نکته بین
 کهنه معجر اوسته اولدی ائیله بیر جنگ و جدل
 سسلوردی هر بالا الدوم بابا امداده گل
 نه سویانلار آل چکردی نه بالا معجردن آل
 قرخدان آز عورت اوشاق اما سویان هشتادمین
 نو عروسون آلدیلار بیر نوعله گوشواره سین
 گوز گورر اولسا بصیرت گوش پاره پاره سین
 باغلاماقه تاپمادی معجر قولاقدا یاره سین
 گور نه نوعیله سویولدی عترت حبل المین
 هر قیزی ایستردی تعقیب ائیلسون بیر کین شعار
 الیری باشد ائیدردی چوللره بیرباش فرار
 پا برهنه دل غمین بیر پارچه صحرا نوک خار
 شورش خار مغیلان آرتوروردی شیونین

بعضیسی هر قدر قاچماقدا ائدردی اهتمام
 عاقبت دلدن دوشوب بی چاره ائیلردی قیام
 هولدن بعضی وئرردی آتلویا فوراً سلام
 بعضیسی بیر آز قاچوب باشدان آناردی معجرین
 سانما جور و ظلمدن اشرار کوفه دویدولار
 عترت پیغمبری هم دویدولر هم سویدولار
 باشلاریندا نه عبا نه کهنه معجر قویدولار
 ائیلیمیشدی هر قیزی نچه ستم پیشه کمین
 زینبون احوالی یانددوردی دل عالم لری
 تاپدی بیر پرده عروس بینوا و مضطری
 گوردی گوشی پاره لنمیش یوخ باشندا معجری
 باشینی آلدی دیز اوسته دخت میر مؤمنین
 گوزلرین آچدی دئدی ای عتمه تاراج اولموشام
 تیر کین ظلمه بو صحرا ده آماج اولموشام
 معجریم یوخدور باشمدا ستره محتاج اولموشام
 نه روادور عتمه قالسون باش آچوق تازه گلین

گلسه گر بیر ساتره آخر گمانون وئر منه
 قویما ائتسون نوعروسون ناله گلسون شیونه
 ائتدی فرمایش قیزیم هم دردیدور عتمون سنه
 عمومی سن تک سویوبلار بو گروه مشرکین
 نقل ائدر راوی که گوردوم بیر قیزی ائیلور فغان
 اود دوتوب دامانی ائیلر متصل اشگین روان
 حالیه یانددیم دالنجه ائیلدیم عطف عنان
 تا باخوب گوردی منی ائتدی نوا اول نازنین
 سسلدی گلمه ای آتلو گور بو داد و شیونی
 قالمیبدور بیر زادیم یکسر سویوب قوم دنی
 رحم ائیله بی جایره قورخوتما آغلتما منی
 حالیه باخسا یانار اولسا اگر قلب آهنین
 عرض قیلدیم وئرمه رخصت بئله اشک آله
 اود دوتوب یانددی دلیم باخدیم سنون احوالوه
 گوردوم اود ایچره یانورسان بیر یانان یوخ حالوه
 بو اودی گلدیم خموش ائیلوم بالا اولما ظنین

آتش ظلمین خموش ائتدیم اولوب غمدن رها
 وار سوزی گوردوم ولی اظهارنه ائیلر حیا
 عرض قیلدیم دردبوی دی ای بالا، قیلام دوا
 باشینی سالدی آشاقه چکدی آه دلنشین
 سویلدی قویموب سوسوزلوق دلدۀ فالسون صبر و تاب
 اولسا ممکن بیر ایچم سو وئر منه اولدوم کباب
 دولدوروب فوراً گتوردوم من اونا بیر جام آب
 بیر سووا باخدی توکوب گوزون یوزه اشک ترین
 معجری آندا وروب جامی چکوب دلدن فغان
 دوندوروب یوز خیمه گاهه اولدی شهزاده روان
 سویلدیم آیا ندور قصدون بالا ائیله بیان
 آچدی دل اظهار ائدوب بو نوعیله درد دلین
 بیر باجیم وار خیمه ده سوز عطش دلدن سالوب
 طاقت صبرین هوانون ایشیسی آلدن آلوب
 بولمورم ایندی سوسوزلوقدان آلودور یا قالوب
 من گلنده خیمه ده ضعف ائیلیمیشدی اول حزین

نفسینی اوز باجیسی نفسدن اول قیز سئچمدی
 حضرت عباس تک رسم وفادن گئچمدی
 هر نه اصرار ائیلدیم آخر او قیز سو ایچمدی
 اوز وفاسین عالمه وئردی نشان اول مه جبین
 سن اوزون آگاهسن ای خسرو گردون مدار
 عاصی بی چاره چوخ تنگ اولوبدور روزگار
 گوشۀ چشمیله هرگه حالیمه ائتسن نظار
 قورتولور غمدن کوئول آسان اولار هر بیر چتین

**ايضا غارت خيام طاهرات
احوال غارت و سوزانيدن خيام**

ياتما قبريده كربلايه گل كربلايه غارتدي يا علي
اشقيا وروب خيمه گاهه اود زينبه قيامتدي يا علي

المرينده عريان قلج قويوب خيمه گاهه يوز فرقه عدو
غبيظه دوتوب دور خيمه ني چار ستمدن قوم كينه جو
سبقت ائيليوب بيريره قوشون دولدوروب او صحراني هاي هو
بولمورم قيامتدي واقعا يا اونا علامتدي يا علي

بير طرفدن اعدا قلجيلوب خيمه لر طنائين ياتور خيم
بير طرفدن آخر دوتوبدي اود ظلموله ياتور خيمه و حرم
بير طرفده الغوث و الامان سسلوري خواتين محترم
كربلايه ير گوگردن اود ياغور گون بوتون حرارتدي يا علي

شمس برج دين ائيليوب كسوف باطن عالمنده وار انقلاب
شرمدن سالوب گرد و خاكدن پرده صوتينه بو آفتاب
شش جهات ظلمتمده دور هله زينبين جمالنده وار نقاب
اهل بيته حشر عظيمدور اوزگه شور و وحشتدي يا علي

بيريره دگوبدور اوشاق بويوك اوج ائدوب سماواته غلغله
هر آنا باخور اوز بالاسينا قورخودان گورور آز قالور اله
تيز آلور قوجاقه بالاسيني يوز قويور همان حاليله چوله
چون گورور امام عليلدن قاجماقا اشارتدي يا علي

بعضي قيز يانا يانه ايستوري ائيلسون او اوډان اوزين كنار
هوليله ورور آتسه اوزين سختدور گورور بسكه وضع كار
باخمور اود دوتوب دامني بانور ائيلوري گنه چولره فرار
هر يانا ولي يوز قويور گورور فرقه شقاوتدي يا علي

بعضی فیز بیر آز صبر ائدور گورور رشته حرارت قولون کسور
 خیمه دن چخور یول تاپانموری آتلو آت پیاده یولون کسور
 باشدا اللری صاق صولا قاچور گه دورور یولون صاق قولون کسور
 یوز قویور گنه خیمیه طرف اوندا گور نه حالتدی یا علی

بعضیسی چخور خیمه گاهدن حالتی پریشان و دل غمین
 ایستوری قاچا هر یانا گورور نچه سنگدل ائیلپوب کمین
 یوز دونور نجف ستمنه دیور هاردا سان بابا میر مؤمنین
 اهل بیتوه گل حمایت ائت موقع حمایتدی یا علی

هر خانم که خرگاهدن چخور شوریه قویور باشه اللرین
 همت تمامیه ساخلوری اللریله باشنده معجرین
 ضرب تازیانیله قوم دون معجرین آلولاړ او مضطربین
 دولدوروب بلا دشتنی ستم ظلم بی نهایتدی یا علی

خیمه دن چخان که باخور گورور بیر ستمگر آدرینجا آت سالور
 دیزلرین دوتور رعه دل دوشور اضطرابه رفتاریدن قالور
 آت دوشونده آتلو وراورا باشدان عاقبت معجرین آلور
 ائت پیمبرده بولمورم بو نئجه جسارتدی یا علی

اهل بیت پیغمبر خدا ائیه ششدر غمده قالدی مات
 اوز اوزین ایتور موشدی هولدن قیز گلین تمام مخدرات
 چاره سیز تاپان وقته بیریرین فورخودان قوجاقلاردیلار بنات
 اهل بیتین آخر او ساعتی کیم بولور نه ساعتدی یا علی

آه او وقتدن یاندی خیمه لر چوللره داغلدی ستاره لر
 جرئتیه بیغمايه آچدی آل هم پیاده لر هم سواره لر
 جبریه آلندی حمارلر گشتدی غارته گوشواره لر
 ظلموله چوخ اوزلر آچوق قالوب چوخ قولاق جراححتدی یا علی

آت دوشونده از بس اوشاقلاری فرقه شقاوت قورور، یورور
نه گلور دیزی نه قاچا بولور عاقبت قالور چاره سیز دورور
معجر اوسته چوخ کشمکش اولور تـازـیـانـه الـده یـتن ورور
ضرب قمچیدن نه گلین نه قیز نه حرم سلامتدی یا علی

یا علی گنه کارم عاصیم منده خیر عملدن نشانه یوخ
غرق بحر جرّم هامی بولور احتیاجی شرح و بیانہ یوخ
بیر قاچان قولام آستانوه گلماقا الیمده بهانه یوخ
عذرومی قبول ائیلسن منه مایه سعادتدی یا علی

زیان حال بعد از شهادت حضرت حسین

و آمدن ابن سعد بقتلگاه،

بقیعدن گذرائت کربلايه یا زهرا
دوشوبدی گور نشجه اوغلون بلایه یا زهرا
ستمـله اوـغـلوـن اـلدور دور کومکـلرینی
یتوب ملال غمی انتهایه یا زهرا
جفا الیله علی اکبرین ائدوبله شهید
گلوبدی نی کیمی لیلا نوایه یا زهرا
گل ائیله بیرجه نظاره او تازه داماده
باخ اللرینده اونون قان حنایه یا زهرا
عروسی قاره گیوبدور، آناسی بزم عزا
دوتوبدی قاسم نوکدخدایه یا زهرا
سو اوسته سالدیلار عباسوون ایکی قولونی
نظاره قیل ستم اشقیایه یا زهرا
دولوبدی مشکینه قان سرنگون اولوب علمی
چخوبدی زینبون آهی سمایه یا زهرا

نه عرض ائدوم دیماقا دوتموری دلیم نه دیوم
 نه ظلم اولوبدی او صاحب لوايه يا زهرا
 سوسوز ال اوسته علی اصغرینی اوخلادیلار
 مؤثر اولدی غمی انبیایه يا زهرا
 ائيله يارالادی بو غصه اوغلوون قلبین
 که دوندی رنگ رخی کهربایه يا زهرا
 نقدر غم یتشوب آرتدی قوت قلبی
 دلینه گلمدی حرف گلایه يا زهرا
 بلا و محنته وئرمیشدی اوزی بو حسین
 بلی دیمیشدی ازلدن بلایه يا زهرا
 منای حقه وئروب تا جوانلارین قربان
 یتشدی قلبده کی مدعایه يا زهرا
 گوروبدی عهدینی ناقص وفا کتانبده
 ختامه وئردی او عهد و وفایه يا زهرا
 او جاندی باشینی تا اینکه باشند آل چکدی
 یتوردی باشینی نوک جدایه يا زهرا

او دم که ختمه یتوب امر قتل شاه شهید
 دوشوبدی زلزله عرش خدایه يا زهرا
 تفاخریله او دم ابن سعد بد فرجام
 گلوبدی قتلگه غم فزایه يا زهرا
 سالوب یانجه سران سپاهدن بیر جمع
 گلوب همان یره سیر و صفایه يا زهرا
 شهیدلر بدنین بیر به بیر ائدوب تفتیش
 تانديروبلا او شوم و دغایه يا زهرا
 عصا شل اولموش الینده هوای ری باشدا
 باخوب باشندا که کبر و هوایه يا زهرا
 او حاليله یتشوب نعل شاه دین یاننا
 باخوب او جسم ذبیح القفایه يا زهرا
 گله گله او دنی سویلدی بودور او حسین
 که فخر ائدردی هامی ماسوایه يا زهرا
 بودور او کسکه بونا قابله اولوب لعیا
 امین وحیدی بو شاهه دایه يا زهرا

همان حسیندی که فونداق ایچنده زینت ایچون
گئدوبدی عرش حق کبریا به یا زهرا
گورون نه نوعیله آلدورموشم مذلتیله
گئدوبدی ملک وجودی فناء به یا زهرا
اوزی آل آتدی ازل سوبدی شاه دینی کمرین
بول آچدی طایفه اشقیایه یا زهرا
شروع ائیلدی تاراجه قوم کین پرور
آلوب او جسمی شریفی آرایه یا زهرا
بیری عباسین آپاردی بیری عمامه سینی
بیری قبا سینی باخ بیر جفایه یا زهرا
سویولدی پیکری قالمیوب مگر او کهنه قمیص
باخ اهل کینه ده شرم و حیایه یا زهرا
فسوس و آه او کوینکده غارته گئتدی
چکلی داغ دل مرتضایه یا زهرا
سویان کیم اولدی نجه سوبدی واضحین دیمرم
دلیمده یوخی توانا ادایه یا زهرا

نه زحمتیله چخار پاره پاره بیر کوینک
بدنده چسب اولا دوت مین یارایه یا زهرا
بویوک جسارت اولوندی بو قصه عاصیدن
گذشت ائله سن آتان مصطفایه یا زهرا

واقعہ کوچ اہل بیت از کربلا

دور ای عریان قالان نعشی شهید کربلا قارداش
وئروب یوز زنبه سن سیز بو چولده هر بلا قارداش

اسارت آتشی اولدی بو چولده شعله ور یاندیم
یارالی نعشوی گوردوم اورکدن من یارالاندیم
اوزوم آیریلما دیم سندن جفا ئیله آرالاندیم
گورورسن خولی و شمرین جفا سین بر ملا قارداش
حسین سندنصورا بیر آن گوزوم قانیاشدان آیریلماز
غم و درد و مصیبت بو بلالی باشدان آیریلماز
بولورسن اوز رضا سیله باجی قارداشدان آیریلماز
ائدر جبراً منی سندن جدا اهل جفا قارداش

ورائدا اود خَیامه قوم کینه یانموشام دلدن
 دوتوب آتش وجودیم سربسر اودلانموشام دلدن
 نه قدری یوز وئروب غم غصه آسان سانموشام دلدن
 ازل گوندن بلایه زینبون سویلوب بلا قارداش
 یتوب از بس من زاره بوگون قارداش غم اُستن غم
 حُسنیم بار محنتدن اولوب بو سرو قدیم خم
 قورروب نعلشون کنارینده حرملر حلقه ماتم
 بیر قارداش دیر اوخشار بیرسی وا ابا قارداش
 یارالی جسمویون گلمز شماره، یاره سی چوخدور
 حسین باشندان ایاقه گل وجودون نیزه و اوخدور
 اُپوم بس هانسی عضووندن منه بیر بوسه گه یوخدور
 دیر زینب اَلونجه وای ذبیحاً مَن قفا قارداش
 ز بس خوردا اوشاقلاره وروبدر هر یتن سیلی
 اولوبدور ضرب سیلیدن حسین گل یوزلری نیلی
 اودور که زینبون کوچ ائیلماقدا واردی تعجیلی
 بئله بولمه که سندن دویموشام ای با وفا قارداش

سکینه آز قالوبدور کثرت غمدن هلاک اولسون
 ائيله قان آغلوری چوخ قورخورام که زهره چاک اولسون
 سنيله بو شهادتده اونا بیر اشتراک اولسون
 دوباره داغ چکسون قلبیمه بو ماجرا قارداش
 اوزون کوی وفاده چکدون آل جاه و جلالوندن
 اَلونجه زینب مظلومه چخماز امثالوندن
 گوتورمز بیر زمان گوز شامه دین باش سیز عیالوندن
 کسوک باشون کیمی اولام بو جمعه رهنما قارداش
 اَلوبلار معجرین سانما که بی معجر قالوب زینب
 یوزه بو قائلو ساچلارین نقاب آسا سالوب زینب
 مدیر مکتب غمدن بئله سرمشق آلوب زینب
 غمیم آرتدوقجه بو قلبیم تاپار ذوق صفا قارداش
 حسینیم لطف قیل عاصینون ائيله دردینه چاره
 دل آچسون قویما غیره عجزیله یالوارسوون اغیاره
 اوزون آگاهسن دوشموش بو دوره امری دشواره
 اونسی بو ورطه درد محنتدن قیل رها قارداش

نوحه کوچ اهل بیت از قتلگاه

ای نعلشی قالان غریبان ای وای یارالی قارداش
بو جسمه باجون قربان ای وای یارالی قارداش

باخدوقچا سینه یانام گوزدن توکرم قانیاش
نه نوعی دوزوم بولم بو درده منی کلباش
بیربئله یارا آخر کیم وردی سینه قارداش
اولموش بدنون شان شان ای وای یارالی قارداش
قالموش گورورم جسمون گون اوز ره قوری یرده
یوخ بیر زادیم آخر من بو نعلشه چکوم پرده
باخدوقچه یانور کونلوم قلییم گلوری درده
غم باغیریمی ائیلوب قان ای وای یارالی قارداش
بو پیکر صد چاکون بیر حاله سالوب اعدا
بو ظلمی مسلمانانه کافر ائیلمز اصلا
آتلاز ایاقی آتدا یکسر داغلوب اعضا
خاکیله اولوب یکسان ای وای یارالی قارداش

بو گلشن جسمونده هر بیر یارا بیر گلدور
اوخلار پر آچوب گویا بو سینه ده سنبلدور
هر تک تکی اطفالون بو گلشنه بلبلدور
بُلبُلر ائدور افغان ای وای یارالی قارداش
اولمادی دین هرگز بیربئله یارا بسدی
قانه باتوب انصاری یوخ بیر کسی بی کسدی
بیرجه دیگوروم آخر بارماقوی کیم کسدی
ظلمونده ائدوب طغیان ای وای یارالی قارداش
قالموش قوری یرلرده غریبان بدنون قارداش
نه غسل وئرن واردور نه دفن ائده نون قارداش
بو خار و خس صحرا اولموش کفنون قارداش
یانام دیرم هر آن ای وای یارالی قارداش
بوخدور داخی بیر کیمسه درد دلیمی بولسون
مشگلدی منیم بیرده دنیاده یوزوم گلسون
سس وئر سسیمه آخر آز قالدی باجون اُلسون
غم ائتدی منی حیران ای وای یارالی قارداش

قارداش یارالی جسمون بیر نوعی سویوب دشمن
هر قدر صاقام یاتام دلدن ائدرم شیون
نه باشد اوار عمامه اگنونده نه پیراهن
بی جلد قالب قرآن ای وای یارالی قارداش
اوخ نیزه قلج زخمی وئرمیش سنه چوخ زحمت
قبره قویارام جسمون گر وئرسه عدو مهلت
نه دلدۀ دوزوم واردور نه الله حسین فرصت
نیلیوم من سرگردان ای وای یارالی قارداش
یاتام ته دلدن من باخدوقچه بو احواله
ورموم یوزیمه سیلی ائتموم نئجه من ناله
هانسی شل اولان اللر سالدی سنی بو حاله
ای پادشه عطشان ای وای یارالی قارداش
تا شمر شهید ائتدی قارداش سنی کام آلدی
اود وردی خیم یاندی شیون حرمه سالدی
صحرايه قاچان قاچدی اود ایچره قالان قالدی
اولدی حرمون تالان ای وای یارالی قارداش

بولم نه جری ائتدی بو فرقه گمراهی
سندنصورا آل آچدی سویدی حرم الهی
یکسر بالا قیزلارون عرشه اوجالوب آهی
اولموش هاموسی نالان ای وای یارالی قارداش
مئتدی بو درگهده عاصی چاغرور هو حق
صدقیله طلب ائیلوب ای شه دیوری صدق
سندن یتشن بیر دم، دم وئردی اونا مطلق
ائتدی بو سوزی عنوان ای وای یارالی قارداش

زبانحال رقیه خاتون در قتلگاه

سن سیز نئجه ائتمز باباجان ناله رقیه
دور گور دوشوب آز و قتده نحاله رقیه

کین اهلی بابا انجمن کینه قوروبلار
من ناله ایدنده باشیما قمچی وروبلا
آتلاز قباقندا قووب از بسکه یوروبلار
سن سیز نئجه ائتمز باباجان ناله رقیه
قویما بوقدر جور و جفادن اوسانوم من
پروانه کیمی شمع فراقونده یانوم من
آغوشوه آل چوللری قویما دولانوم من
سن سیز نئجه ائتمز باباجان ناله رقیه
میدانی بابا خسته وجودیله دولاندم
تاپدیم یارالی نعشوی دلدن یارالاندم
حلقوندن آخان قانویله منده بویاندیم
سن سیز نئجه ائتمز باباجان ناله رقیه

قربان کسین اللریوه من گونی قاره
سال قولاریوی بویونما آل بیرده کناره
قویما منی سندن آیرا شمر دوباره
سن سیز نئجه ائتمز باباجان ناله رقیه
لب تشنه کسوبلر سویانندا سرون آخر
باشدان باشا اوخدور یارالی پیکرون آخر
دلن گوروم آیا هانی بس اللرون آخر
سن سیز نئجه ائتمز باباجان ناله رقیه
گر قویسالا بو چولده سنیلن بابا قالام
گه اصغرمی گه سنی آغوشیمه آلام
بو قمچی دگن قولاریمی بویونوا سالام
سن سیز نئجه ائتمز باباجان ناله رقیه
چون سویگلیم من سنه ای سید ابرار
ناپشور منی یولاردا بابا ورمیه اشرار
آتلاز دوشنه سالماسون اشرار ستمکار
سن سیز نئجه ائتمز باباجان ناله رقیه

چخماز بی بیمون زحمتی هرگز نظریمدن
شام اهلی آلوب معجریمی گرچه سریمدن
آبریلما رام آسوده بابا عتمه لریمدن

سن سیز نئجه ائتمز باباجان ناله رقیه
نه دل آچیلار بیرده بو دنیاده نه گللم
من باشی بلالی بابا اوز حالیمی بولم
الدور مسهلر یولدا منی شامده ألم

سن سیز نئجه ائتمز باباجان ناله رقیه
گلدیم بابا سندن من ائدم پرسش احوال
سندنه منی ویرانه ده گل یادیه بیر سال
باس باغریوا جان اوسته سینیق کونلومی بیر آل

سن سیز نئجه ائتمز باباجان ناله رقیه
بیجا یره آخمور اوره کیم قانی گوزومدن
حالیم سنه معلوم اولی بیر کلمه سوزومدن
رنگیم گووروب بسکه دگوب سیلی یوزومدن

سن سیز نئجه ائتمز باباجان ناله رقیه

بیجا دگو گوزدن توکرم عارضه قانیاش
چوخ ظلم ائیلیوبدور منه بو زمره اوباش
بوگوندن ازل کاش آلیدم من گلباش

سن سیز نئجه ائتمز باباجان ناله رقیه
از بسکه وروب قمچی منه لشگر غدوان
اولموش بدنیم یاسمنی ای شه عطشان
دور بیرجه قولون بوینوما سال من سنه قربان

سن سیز نئجه ائتمز باباجان ناله رقیه
گل عارضه سهلیدی دگمیش بابا سیلی
قمچیدن اولوبدور بی بیمون قولاری نیلی
واردور بیزی دوگماقدا بو قومون نه دلیلی

سن سیز نئجه ائتمز باباجان ناله رقیه
سعدی زمان عاصیه حقدن نظر اولدی
علت اودی بو سوزده بوقدری اثر اولدی
واقعه بو اشعاره سبب رنجیر اولدی

سن سیز نئجه ائتمز باباجان ناله رقیه

اسکوده بو اشعاری ایدن وقته کتابت
ائیلردی دعا فرشی و اقبال شہامت
ویرانہ دہ ائتسونلہ بو اشعاری تلاوت
سن سیز نئجہ ائتمز باباجان نالہ رقیہ

مقدمہ رسیدن اہل بیت اطہار بقتلگاہ

جلال حضرت زینبہ ائیلیندہ خیال
جلالینہ پی آپارماق اولور بیر امر محال
مقام و عزت زینبہ عقل حیراندور
ہمین جلالینہ صدیقہ لفظی برہاندور
آناسی فاطمہ تک آدی محترم سایلور
حسین تشنہ لبانہ شریک غم سایلور
حسیندن صورازینب مروّج دیندی
اسارتی سبب عزّ دین و آئیندی
بو باغ دینہ حسین سو یرینہ قان وئردی
باجیسی زینبی اول باغہ باغبان وئردی

اگر چه خون حسینیلہ دین تاپوبدی رواج
حسیندن صورادین اولدی زینبہ محتاج
گر اولماسیدی خانم دین آدی دیلمزدی
باباسی حضرت یسین آدی دیلمزدی
دُوزوبدی زحمت بی انتہایہ دین اوستہ
طناب ظلمہ ایکی قولاری اولوب بستہ
خیال ائتمہ کہ بیر حفظ دینہ راغبدی
حسین عترتینہ تکبہ تک مواظبدی
مگر ائشیتیمہ موسن اولدی حضرت زینب
حیات سیّد سجّادہ قتلگہدہ سبب
او ساعتیکہ یتوب قتلگاہہ اہل حرم
بنات فاطمیہ تازہ لندی محنت و غم
تمامیسی دّوہ اوستہ مقید و مغلول
او وضع حالہ ائدردی نظارہ آل رسول
نہ نوعی گوردیلہ بولم شہیدلر بدنین
او حالده نظره آلدی ہر کس اوز اَلنین

کسیلدی تاب و توانا عیال زهرادن

گوتورمدی قدّمین بیر نفر او صحرادن

مخدراتین او غم اختیارینی آلدی

تمامیسی دّوه اوستن اوزین یره سالدی

بولایولا ساچنی وّا محمّدا گویان

قویوبلا قتلگه یوز تمام ناله کنان

هره سی اوزالنین تاپدی چکدی آغوشه

سپوب یوزینه سو اشگیله تا گله هوشه

تاپودی لیلی غم دیده اکبرین نعشین

چکوب کناره شبیه پیمبرین نعشین

رسیدن حضرت لیلا بسر نعش علی اکبر (ع)

دئدی اویان گوزون آج باخ منه جوانیم اوغول

قرار صبر دلیم ای عزیز جانیم اوغول

علی گوزوندن ایراق گور آنان نه حاله قالب

اوقدر قمچی وروبلا قولوم یوزوم قرالوب

نه قدر زحمتیوی چکدیم ای علی اکبر

بو فکريله که وئرن نخلة امید نمر

امید دل بوئیدی گل یته بوداغینه

الون الیمده گئدیدیوخ عروس اوطاقینه

او هامی زحمت و رنجیم اوگونه باشه گله

عروسویله ویریدیم اوغول سنی ال آله

گشچنکی غمریدن عالنده کام آلدیم علی

سنون طویوندا باشا قرمزی سالدیم علی

عجب مرادیمه یتدیم، غریبه کام آلدیم

مقابلنده سن آلدون باشا قرا سالدیم

او قاره که سن آئنده باشا سالندی علی
گلنده غارته دشمن اودا آئندی علی
بونيله بئله گنه چکمر ال بو اهل جفا
ورالاً باشیمه قمچی دینده وا ولدا
ایدیم نه چاره آلیم ائل قبیله دن اوزولوب
خصوص سن کیمی ای نوجوان جوانیم آلوب
عروس تاپدی او صحرا ده نعلش دامادی
اوجالده عرش برینه فغان و فریادی
گل مُرادینی مقصود اصل درک ائندی
دوشوب جنازه سی اوسته اوزینی ترک ائندی
یارالارین آپوپ ایگلردی بیر قیزل گل تک
گلوبدی شاخه گلده نوایه بلبل تک
دئدی عم اوغلی اگر چه خجالتم سندن
ولیک دوت منی معذور اینجمنه مندن
گلنده خیمه لره نعلشون اوسته آغلادیم
باشون یاراسینا قربان یاراوی باغلادیم

چکوب سس آغلایماقا مانع اولدی شرم و حیا
ایدنمَدیم من عم اوغلی آنان یاندا نوا
اولیدی معجریم ایندی یاراوی باغلاردیم
قوییدی دشمن اگر جان وئرنجه آغلاردیم
آلوبلا معجریمی تار اولوب گونوز گوزومه
بو قائلو زلفومی من حایل ائتموشم یوزومه
عم اوغلی جان دیمه زلفوم نیه باتوب قانه
او نسگیل عُقده سی آتش سالور دل و جانه
وُراندا خیمه لره اود بو فرقه گمراه
آلشدی خیمه لر اود دوتدی اودلانیوب خرگاه
بانار اود ایچره قالوب عترت رسول آنام
گوروب بو حالی فراره اجازه وئردی امام
او دَمده غارته ال فرقه شرار آچدی
تمام عورت اوشاق یوز قویوب چوله قاچدی
همان او شور قیامتده داد و شیونده
قاچانلاریله قاچاردیم عم اوغلی جان منده

نه گوردیم اوندا بیر آتلو گلور دایمجه منیم
گئدوب قرار دلیم دوشدی لرزیه بدنیم
دیزیمده قاچماقا گرچه یوخدی طاقت و تاب
بونیله بئله گنه ائیلدیم فراره شتاب
یائوردیم آتش محنتده دست و پا دئیدیم
نه ائیلییدیم او آتلیدی من پیادئیدیم
زبسکه جانیمی دوتموشدی بیم و خوف و هراس
یتورماقین ائیلدیم کعب نیزه دن احساس
گورن زمان بئله اوضاعی، هوشیدن گئتدیم
وزوب یخوب قوری توپراقلار اوسته ضعف ائتدیم
اوقدر گئچمدی گلدیم عم اوغلی جان هوشه
نه گوردوم عتم آلودور باشیمی آغوشه
باشیمی گوردوم آچوق زلفلریم پریشان دور
قولاقلاریمدان آخور قان یوزوم گوزوم قاندور
قولاقیمون یاراسندن بولرسن حالیمی سن
نه نوعیله چخادوب گوشواره می دشمن

چکوب جفائیله گوشواره می چخاتمیشدی
بوزوم گوزوم اودی بو نوعی قانه باتمیشدی
یاخاندان سن آله قان حنا دوزوب باخدیم
قولاقیمون قاننی منده زلفومه یاخدیم
عم اوغلی تا دئمسونله باشی قرالی منی
دئسونله تازه گلیندی باشی حنالی منی
آلی اورکده زبابون گوزونده اشک بصر
گزردی هر یانی سسلردی جان علی اصغر

زیانحال حضرت رباب به حضرت علی اصغر (ع)

دیردی هاردا سان ای ماه انوریم بالا وای
سولان جمالی سوسوزدان وای اصغیریم بالا وای
تا پام جنازه وی وئرمور بو اشک دیده آمان
توکور غذاریمه قانیاش بو گوزلریم بالا وای
دوشه اگر نظیریم گلستاندا غنچه گله
فغانیله دیرم غنچه تریم بالا وای

اوره کیمون اودی سونمور نقدر اووشدرورام
کوئل یانور گلوری جوشه غملریم بالا وای
سسیمه سس وئر اماندور اوغول کباب اولدوم
دولانماقا داخی گلمور بو دیزلریم بالا وای
آلیم اورکده گوزوم یاشی حالیم افسرده
غریبه غملیدی بو حال مضطربیم بالا وای
دوشنده یادیمه هر دم سوسوزدان آغلاماقون
یانور او حالته قلب مکتدربیم بالا وای
صاقا صولا گئدرم حسرتیله سرگردان
قالوبدی گورنجه قوینومدا اللریم بالا وای
اوشاق بویوک هاموسی حالیمه باخور آغلور
واریمدی بسکه اسفناک منظریم بالا وای
ز بسکه ائیلدی کلثومه فوج محنت هجوم
دولاندی تاپدی علمدار نعشین اول مغموم
گورنده نعشی اول دولاندی بیر باشنا
آچوبدی باشینی وئردی اجازه گوز یاشنا

باخوب نه گوردی نه باش وار نه قول بدنده قالب
یارالی جسمنی دشمن بیر اوزگه حاله سالوب
اوقدر یاره وروب قوم دون او بی یاره
وجود پاکنی صد پاره ائیلیوب یاره
تروکوب غذاره اورک قانین اشگینه قاتدی
بو دللریله هامی اهل بیتی آغلادتدی

زبانحال حضرت کلثوم به حضرت ابوالفضل (ع)

دور ای دوشن قد موزونی کربلا یرینه
دولان سو مشگنه قان لخته لخته ماء یرینه
سالوبلا قولاریوی سرنگون اولوب علمون
چاتوبدی باش باشا سیننده اوخ لوا یرینه
غم ائتمه یوخی یانوندا آنان ائده ناله
اوزوم سنون دوتارام یاسوی آنا یرینه
بورسمدور النین آقرباسی روز عزا
اوشاق بویوک هاموسی جمع اولار عزا یرینه

بولوله یوخدی هله آغلاماقا مانع اولان
 گلوبله آل عبا بو غم و بکاء یرینه
 سویوبلا بیزلری قارداش تاپولموری قاره
 سالوبلا مه یوزه گیسولرین قرا یرینه
 وجود اقدسوین یاره سی چخوب حدن
 قلج اوخ اوسته دگوب اوخ دگوب جدا یرینه
 نه بی مرو تمیش بو سپاه بی انصاف
 اوتانمیوب گنه یاره وروب یارا یرینه
 مناده سن کیمی قربان کسيلموب ایندییه دین
 سنیله فخر ائده جاق کربلا منا یرینه
 تصور ائتمه که چیخدیم کناره مطلبدن
 بو یازدیقم غمه وار بیر اشاره زینبدن
 کومکلیق اولماسا گر اوزلریندن اهل قلم
 محالدور ائده بیر نقطه نی کتابه رقم
 بو آستانه ده عاصی که کلبدن کم دور
 ولیک قییمتی واردور سگ معلوم دور

بو خانوادیه منسوب اولوبدی نسبتی وار
 اورکنده زینبه مخصوص بیر ارادت سی وار
 گر عمریمون گونی کام دلیمجه ائتسه وفا
 الیم دلیم قلمیم صورتی وئرر معنا
 همان او حالده که اهل بیت دل خسته
 ائدردی ناله هره بیر یارالی نعلش اوسته
 مخدرات که سرگرمی مصیبتله
 گزردی زینب او دشتی تمام حیرتله
 گئدردی که صولا که صاقه واله و حیران
 باخاردی هر طرفه متصل گوزی نگران
 چکردی آه دمام توکردی گوز یاشینی
 گزوب نفخص ائدردی یارالی قارداشینی

زبان حال جناب زینب (س) در موقع کوچ

دیردی هارداسان ای نور هر دو عینیم حسین
 باجوی غصّه هلاک ائندی ای شه حرمین
 هایانداسان دیگوروم باغرمی غم ائیلدی قان
 سسیمی آل یارالی وئر منه اوزوی نشان
 یورولموشام آنام اوغلی یوخومدی تاب و توان
 بو قدر قویما گزوم قتلگامی سرگردان
 ز بس پوزولموشودی حال زینب دلگیر
 شه ایستدی وئره بیر باجی حالینه تغیر
 یارالی جسمله باجی سسینه سس وئردی
 همان او قالب بی روحینه نفس وئردی
 آلوب همان سسی اول بنت پادشاه نجف
 سالوب گذارینی گودال قتلگاهه طرف
 همان یره گوروب آلات حرب و اوخ توکولوب
 دولوبدی داشیله از بسکه سنگ چوخ توکولوب

گئندمدی داخی اوردان کناره اول مُضطّر
 تعجب ائندی دوروب دقتیله سالدی نظر
 گوروب او نیزه قلج اوخ سینقی قانه باتوب
 او قان ایچنده یوزی اوسته بیر یارالی یاتوب
 گتوردی قارداشنون پیکرینی بیر نظره
 دوتوب وجودینی لرزه خانم اوتوردی یره
 داخی بولوردی که تأخیره قالمیوبدی محل
 او اوخ قلج سنیقین چکدی بیر کناره ازل
 مَشام جانه یتوب نور عینین عطری
 گتوردی زینبی حاله حُسینین عطری
 ایکی طرفدن حمایل ائدوبدی اللرینی
 چووردی ارخاسی اوسته یارالی پیکرینی
 توکوب غذارینه گوز یاشی چکدی دلدن آه
 تعجیله دئدی لا اله الا الله
 باخوب او پیکر صد پاره نون جراحاتینه
 تعجب ائیلهدی اهل جفا شقاوتینه

دئدی حسین بئله ظلم و بئله جفا اولماز
 بو یاره لر ئدی قارداش بئله یارا اولماز
 بولار نه زخم قلجدور نه نیزه و اوخدور
 بئله یارا آنام اوغلی نشان وئرن یوخدور
 بولار نه یاره سیدور جسموه وروب دشمن
 سنی بونوعی گورونجه حسین الیدیم من
 بو سهلدور که کسوبدور باشون قفادن عدو
 ائدوب مضایقه وئرموبدی بیر ایچم سنه سو
 باشون کسيلمافی گر قصد شمر کافریدی
 آلون گسن دیگوروم هانسی بیر ستمگریدی
 گوروبدی ایندیه دین کیم بو ظلمین آفاقین
 مگر کسله برادر شهید بارماقین
 نه بی مرؤتمیش بو سپاه کینه سیر
 تمام رختیوی قارداش سوپودیلار یکسر
 گئدوبدی غارته حئی او کهنه پیرهنون
 قالوبدی عور قوری توپراق اوسته گل بدنون

او کسکه ای شه عطشان سنی بو نوعی سوپوب
 گور عترتون آنام اوغلی سنون نه حاله قویوب
 ائيله سوپوبلا بیزی بو گروه کینه شعار
 که قالموبدی بو چولده خیامیدن آثار
 جلال و جاهیمزی ائیلیوبدویلر تاراج
 اولوبدی آل پیمبر کممکلیقا محتاج
 ورا، ورا آلنوبدور سکینه دن معجر
 سالوبدی گل یوزه گیسولرین او مه منظر
 یوخومدی وقت اوتوروب عرض حال ائدم سنه چوخ
 دوشوب یولا گئدیری کاروان مجالیم یوخ
 نه بیر دقیقه منه گوز یاشیم امان وئروری
 نه وار علاج نه مهلت بو ساربان وئروری
 نه اکبریم نه ابوالفضل وار نئدیم قارداش
 نه عون و قاسم و جعفر نئجه گئدیم قارداش

کوچ از قتلگاه

زبانحال حضرت زینب (س)

دور ای وئرن سو کنارینده تشنه جان یارالی
 باجوی سال یولا کوچ ائتدی کاروان یارالی

اذان وئروله مسافر دالنجه رسمدی بو
 بورسمه ائبله عمل وئرگیلن اذان یارالی
 نه حالیمی بولنیم وار نه دردیمه یتنیم
 ائدوبدی باغریمی غم لخته لخته قان یارالی
 گلنده اکبر و عباس پاسبانیمدی
 دیردیلر هاموسی سسلینده جان یارالی
 کومکلریم قریلوب عزتیم گئدوب الدن
 ائدوبدی بار مَحَن قَدیمی کمان یارالی
 دوتوبدی جانیمی وحشت ز بس آغردی سفر
 اولوب علاوه بیزه شمر پاسبان یارالی

منی فلک زده نی نطقه گل دانیشدیر بیر
 نه خواب نازیدی قوم اوسته بیر اویان یارالی
 حسین نیه دیموسن قوللارون ندن قرالوب
 سوروش مُصیبتیمی ائیلیوم بیان یارالی
 اوقدر قمچی دگوب قوللاریم اولوب یاره
 صاقالماز حشره کیمی یاره لر اینان یارالی
 یارالی نعشون اطرافی خلوت اولسیدی
 یارالاریمی وئردیم سنه نشان یارالی
 نه فایده که آلوب دوره می سپاه دنی
 دویونجا قوبمور ائدم ناله کوفیان یارالی
 سنان و خولی و زجرین الیندن اهل حرم
 تمامیمی گتوروبلر سنه امان یارالی
 یوخومدی بیر زادیم آله تالانموشام قارداش
 ائدوم بو جسموه من باری سایان یارالی
 نقدر وار نفسیم آغلارام سنه یاتام
 سیزیلدارام دیرم جان وئرنجه جان یارالی

فغانله دیوب اوخشاردی قارداشین زینب
توکردی سو کیمی رُخساره گوز یاشین زینب
باخوب یاناردی گهی اهل کینه کینه سنه
یارالی نعلشی گاهی باساردی سینه سنه
ائیله سیزیلدیوب اوخشاردی زینب نالان
گلوردی رفته آغلاردی لشگر عدوان
توکردی گوز یاشنی گل یوزه مثال سحاب
باخاردی گاهی او نعلشه ائدردی بئله خطاب

خطاب حضرت زینب (س) به نعلش برادرش

آتام علی اولا قربان او غصه لی آله
قناعت ائیلدی بیر پاره پاره پیره نه
آتام فدا اونا که جان وئرنده ایچمدی سو
او کهنه پیره نینه چخاتدی قوم عدو
اولا منیم او آتام بیر یارالیه قربان
که اولدی لشگری مغلوب خیمه سی تالان

آتام فدا اونا که دردی عالمی یاخدی
آلنده سو دئدی سمت فراهه چوخ باخدی
آتام فدا اونا که جان وئرنده قوم عنید
که قویمادی اونی اوز اهل عیالی ائیلیه دید
آتام علی او شهیدون اولیدی قربانی
حنوطی تربتی اولدی که غسلی اوز قانی
آتام فدا اونا که حقّه امتحان وئردی
سو ایچمدی سو کنارینده تشنه جان وئردی
آتام فدا اونا که بی حساب یاره سی وار
نه صاف یری نه جراحاتون شماره سی وار
فدا اولا او شهیده آتام علی، ولی
نه باشی وار بدننده و نه بیلکده آلی
آتام فدا اونا که رنگی گل کیمی سولدی
آلنده وئرمدیلر سو او تشنه ذبح اولدی

زبانحال حضرت زینب (س) به جدّه گرامیش

دونوب مدینه که عرض ائدردی یا جدّا
 باخوب حسینوه نه حاله گور سالوب اعدا
 همان حسین که سنون بیر عزیز جانویدی
 حسین منّی، همیشه بابا بیانویدی
 گل ایندی گور اوئی بیر امتون نه حاله سالوب
 نه پیکرینده لباسی نه باش بدنده قالوب
 اولوب گوزوندن ایراق، پاره پاره گل بدنی
 مروّت ائیلیموب هرگز اشقیای ذنی
 بو سهدور که کسوب بارماقین بو قوم لعین
 ائدوبله قطع بیلکدن بابا هر ایکی آلین
 ایما پیمبر رحمت رسول عالمیان
 حسین به باخ نئجه گور قاننه اولوب غلطان
 سویوبلا رختنی غریان قالوب قوری یرده
 یارالی نعلنه قانی بابا چکوب پرده

یانور بابا اوره کیم اهل کینه کینه سینه
 وروبلا دوت مین اوخی بیر یارالی سینه سینه
 ألونجه وار یری توکسم غذاره گوز یاشینی
 سوسوز کسوبله قفادن حسینون یاشینی

تسلی دادن حضرت زینب (س) به حضرت سجاد (ع)

ائیله سیز یلدیوب اوخشاردی زینب مضطر
 گلوردی رفته آغلاردی حالینه لشگر
 دوشوب او حالده سجّاده ناگهان نظری
 گوروب یوزونده هویدادی احتضار اثری
 جهاز سیز دوه اوسته او سیّد نالان
 باخور او حاله یانور آز قالور که وئرسون جان
 بولوب بوباره ده لازمدی اهتمام اولسون
 مَبَاد حُجّت حقّ غصه دن تمام اولسون
 یانقلی خاطرینه بو قضیه اود، وردی
 وداع ائیلدی قارداش جنازه سین دوردی

کسوب علاقه سینی قارداشندان حسرتیله

حضور سیّد سجاده گلدی سرعتیله

دئدی اوغول علی عمنّ اولا سنه قربان

نه غصّه دی سنی بو نوعیله ائدوب حیران

نییه بو حاله قالوبسان بو اضطراب ندور

بو اودلی آه ندور دلده التهاب ندور

بو نحوین که توکورسن عذاره اشک بَصْر

بو یور گوروم علی بس نیلسون مخدیره لر

اگر چه وار بری صبرون غم و ملال آلسون

سن آغلیاندا اولار بس نه حالته قالسون

تیکویدی گوز سنه بو بیر بیویک اوشاق عورت

تسلّی وئر اوزیوه اولما بئله بی طاقت

زبانحال حضرت سجاد (ع) به حضرت زینب (س)

بو یوردی عمّه سبب وار بو داد و شیونیمه

عَبَثْ دگول آخور اشگیم بو نوع دامنیمه

نه بو طناب و نه بوینومداکی بو سلسله دور

منی بو حاله سالان عمّه جان بو مسئله دور

بوگون ایونده کی غریبان بدنلری گوردوم

قوری یر اوسته قالان بی کفن لری گوردوم

که بوخدی غسل و کفن ائیلین بو اجساده

نئجه دوشوبله او نوعی قالوبلا صحرا ده

منای مهر و وفانون بولار فداریدور

طریق و مذهب و آئین رهنمالریدور

صلوتی قائم ایدن حافظان قرآندور

بولار تمامیمی ای عمّه جان مسلمان دور

ائدوب ائلرینی دفن فرقه گمراه

قوری یر اوسته قالوب جسم اولیاء الله

امام فکرینی لازم ببولوب ائده مشغول
دئدی اوغول بو قدر اولما دلفگار و ملول

راجع به حدیث ام ایمن

حدیث معتبریم واردی ام ایمندن
اونادا جدیم اوزی ذکر ائدوب اثشیت مندن
دئدی بویوردی منه بیر گونی رسول الله
گل ائیلیوم سنی من بیر قضیه دن آگاه
حسینی اولی بیرگون شرار اهل نفاق
عراقه دعوت ایدلر اونی به رسم قوناق
زیسکه نامه یازالار ایدله چوخ اصرار
عراقه گتماقا آخر بالام قالار ناچار
عیالنی گوتوروب عاقبت او شاه زمن
مین حسرتیله حسینیم اولار جلای وطن
اوزین صحابه لرین کربلا دیارینده
سوسوز شهید ایدلر سووین کنارینده

یارالی نعلری نه چه گون قالار یرده
اولاری اهل قرا، دفن ایدلر آخرده
بو قبرلر اولاجاق شیعه زیارتگاه
مقام تربیتی غبطه ائیلر عرش إلاه
طواف ایدله آتان شاه مشرقین قبرین
باسالاً شیعه لر آغوشنه حسین قبرین
نوگله گوز یاشی آغللاً های هائیلن
ایدله نوحه بولب تشنیه نوائیلن
همیشه شیعه لر اشک بصر یوزه باغلار
مُدام حسینی سوونلر حسین دیر آغلار
گلوله نالیه اوغلی اُن آنالار تک
اولار مزاری هامی صاف قلب، قلبه محک
او کس لرونکه اولار قارداشیم اخلصی
خدا گنچر گنهندن ولو اول عاصی

راجع بشام غریبان گزیر بحالات رباب

اولان قارداش غمنده سرو نک قدی کمان زینب
 گنچن جاه و جلالندن قویان دین اوسته جان زینب
 حسینندن صورا جان و دلیلله باغ زهرایه
 گنجه گوندوز یانان قلبیله اولدی باغبان زینب
 نئجه که قارداشی صبر ائتدی دین اوسته بلایایه
 ره حقه اونون نک وئردی حقه امتحان زینب
 دیمه اُلدی حسین، خرگاهی یکسر اود دوتوپ یاندی
 سو بولدی عترتی اولدی اسیر شامیان زینب
 قبول ائتمیشدی قولاری طناب ظلمه باغلانسون
 آتاسی مرتضیٰ نک قولدا گورسون ریسمان زینب
 اوزی قول باغلولوقدا دین حقیق عزتین گوردی
 رضا اولدی وئروب دینه حیات جاودان زینب
 آسوب باد خزان دشت بلاده روز عاشورا
 سولوب گلزار پیغمبر قالب بی گلستان زینب

سارالموش گللری اوز باشنه یغدی او مظلومه
 مثال عنذلیب اولدی او جمعه نغمه خوان زینب
 بآمر ابن سعد دون قورولدی بیر یانان خیمه
 کنار نهر علقمده گنجه ائتدی مکان زینب
 خانم بولدی سحرور کوفه ده بیر اوزگه هنگامه
 گنجه کوفیه قارداش باشین ائتدی روان زینب
 قالان بیر جمع سرگردان پریشان آشیان بر باد
 اویانموش خیمه ده وئردی اولاره آشیان زینب
 هره بیر گوشه ده توپراقلار اوسته بوینی چگننده
 او وضع حاله باقدوقجه چکردی الامان زینب
 حسینه دوتدی بیر شام غریبان چوخ حقیرانه
 الیندن عزتی گئتموش او قارداشسیر قالان زینب
 بالا قیزلار یورولموش خسته یوز نیلی آباق مجروح
 تمامی سس وئوردی آغلیاندا ناتوان زینب
 وئروب بیریر تسلی خوردا قیزلاری ائدوب آرام
 اوزی اولدی او جمع بی پناهه پاسبان زینب

اوزی بیر سمتیده باش غم دیزنده فکره پیچیده
 چکردی آهی آه اوستن او خرگاهی یانان زینب
 گونوز از بس یورولموشدی وجودی خسته اولموشدی
 گئدوب هوشه او حاليله ياتوب بیر آز زمان زینب
 نه گوردی فاطمه آغ ساچلاری آله ائدر شیون
 دیور هر دم نه یاتماقدور گوزون آچ بیر اویان زینب
 حسینیم یوخسا تاپشورموب سنه بو خوردا اطفالی
 نه یاتماق وقتیدور ای قلبی غمدن داغلانان زینب
 اویاندی هوليله دوردی آیاقه حالی افسرده
 قرانلوق خیمهده وئردی یتیم اطفاله سان زینب
 رُباب آدلو حسینون بیر قیزی گوردی خانم یوخدور
 خَیمدن چیخدی دیشره سرپرست بانوان زینب
 گوزی یاشلی قویوب یوز قتلگاهه ساچلاری آله
 توکردی خون دل رخساره ائیلردی فغان زینب
 گلوردی شیونه هر دمده سسلردی او تن خسته
 قیزیم سس وئر اماندور اولدی آخر باغریقان زینب

اوجالدى ناگهان قارداش صداسی قتلگاه ایچره
 که ای محنت شریکیم آز بو صحرانی دولان زینب
 یارالی سینم اوستونده بالام آخر گئدوب هوشه
 گل ای قارداش یولوندا جان دلدن جانفشان زینب
 بالام اولموب رضا باجی قلام بو چولده من یالقوز
 گلوب بو نصف شب اولدی منيله همزبان زینب
 خیال ائتمه که گوردی ساریان ظلمون بو بیچاره
 گلن وقته بالام گئتموشدی آخر ساریان زینب
 يتوب گوردی بالاشه سینهسی اوسته گئدوب هوشه
 آلوب آغوشنه گئتدی خیامه مهربان زینب
 گوروب اهل خرمدن قالمیوب بیرکس داخی بیدار
 یوزون گوی سمتینه دوتدی او دم ناله کنان زینب
 الینده قانلو ساچلاری فسرده حال و دل محزون
 ائدردی دردینی گویا بو نوعيله بیان زینب
 مخاطب آفتابی ائتدی بُرج عصمتین مهري
 دل تاریک شبدہ باشلادی بیر داستان زینب

خطاب ائیلردی ای گون گل سحر سن آشکار اولما
 طلوعوندن اوتان باشی آچوقدرو موگنان زینب
 صباحمده منیم ای گون بولورسن نه قیامت وار
 نهان بیر درد وار راضی دگول اولسون عیان زینب
 ألوب قارداشلاریم آلدن گئئبدور عزت و جاهم
 اولوب ایندی اسیر خولی و شمر و سنان زینب
 چکله کوفیه ای گون منی بی سائر و معجر
 نئجه گئتسون او شهره کیم گوروب چوخ عز و شأن زینب
 خانملوق ائتموشم من کوفه ویرانده بش ایل
 گئردی اگننه دائم لباس پرنیان زینب
 گئدر نه نوعی ایندی باش آچوق ارذل لباسیله
 دوزر آیا بو حاله دخت میر مؤمنان زینب
 سن عاصی دامن صدیقه صغرانی دوت بالوار
 آدون تا یازدیرا بلکه حسینه نوحه خوان زینب
 رضای حضرت زینب رضای حی یکتادور
 اولار الله رضا وئرسه سنه اودان امان زینب

راجع به (تنور خولی) زیانحال صدیقه کبری (س)

باشندا شور عشق الله اولان بیر باش بئله یاتماز
 خصوصاً بیر باشیکه واردی قلبنده گله یاتماز
 قالان باشسیر عیالی ظلموله قید و سلاسلده
 قولون آچدیرماسا زنجیریدن سر سلسله یاتماز
 دلیل کاروان عشق اولان نوک جدالرده
 یورولماز یتیمینجه قافله سرمترله یاتماز
 لب دریاده عطشان باش وئرن کوی محبتده
 عیالین چکمه گرداب غمدن ساحله یاتماز
 بیرینی میهمانون میزبانی ائتمسه راحت
 اوزی آسوده اولماز نازیله هرگز بئله یاتماز
 اوزاق یولدان آنان ای نور دیده دیدیه گلیمیش
 دل شبده اوغول مشتاق اولان درد دله یاتماز
 خطرناک اولکده دشمن ایچنده اهل بیتندن
 اولوب غافل بو نوعيله امیر قافله یاتماز

گلوب شور اوسته زینب، نی کیمی دلدن نوا ائیلر
 بالا قیزلار قولوندا وار نه قدری سلسله یاتماز
 شکسته دل قرانلق خیمه ده جور مخالفدن
 گل اوزلی قیزلارون بلبل کیمی گلمیش دله یاتماز
 رُبایون ناله سی قویماز سکینه خواب ائده بیر آز
 رقیه داد ائدر اولموش آیاقی آبله یاتماز
 حجازی ترک ایدن دشت عراق ایچره اولان محصور
 او پای ناقة لیلا اگر دوشسه گیلّه، یاتماز
 بو مکتبه هله ناقصدی تحصیلاتی عاصینون
 دولونجه نخل تحصیلاتی کامل حاصله یاتماز

تنور خولی، زیان حال سرور مظلوم به حضرت زهرا (س)

آنجان مشرف ائدوب عجب بو گنجه بو منزله گلمیسن
 نیه قویموسان بئلیوه آلون ندور علتی بئله گلمیسن

سنه زحمت اولدی بو گلماقون منی ائیلدون ولی سرفراز
 سنی گوردوم آتدی خجالتیم ائیلینمدیم سنی پیشواز
 کوئل آلقاق ائیلماقون سنون منه وئردی عالی بیر امتیاز
 اوزیوی شکسته دوتوب اودور بئله پست محفله گلمیسن

بولوسن واریمدی جراح حاتم یارالار سز یلدیری ناخوشام
 سنی گورماقیله گئدوب غمیم آنا قلدن مین ائله خوشام
 سنه من نه خدمت ائدیم نئدیم تالیوبدی دشمن آلی بوشام
 بوقدر اوزاق بولی اوغلووی یقین ائتماقا صله گلمیسن

دیگوروم نه حالده دور باجیم نجه دور بو چرخله سازیشی
 او یتیمه قیزلاریم هاردادور نجه دور اولاره نوازیشی
 سویولاندا خوردا اوشاقلاریم هارا یتدی زینبیمون ایشی
 دیگوروم علیمی گورمسن آنا بند سلسله گلمیسن

نیه یوز گوزون بلشوب قانا دیگوروم آنا نه گلوب سنه
 ره قتلگاهه دوشوب یولون اودی گلمیسن بئله شیونه
 الیمی کسنده او بی حیا نقدر جفا ائیلدی مَنه
 ائیلین زمانده ساربان منیله مُجادله گلمیسن

آغاران ساچوندا او قان ندور نیه ساچلارون بویانوب قانا
 ندور علتی بئله آغلوسان مَنه دردیی قیل عیان آنا
 هانی زینبیم گلوب اوخشی سنه آغلیا منده یانا
 آنا آغلاماقه بویور گوروم مَنه هانسی نسگله گلمیسن

اوزوم آگهم بئله یاتماقیم دگولی طریق ره ادب
 ولی سن اوزون بولوسن منیم بئله یاتماقیدا ندور سبب
 یورولوب چوخ انجوشم بوگون کسلوب باشیم آنا تشنه لب
 بولوسن واریمدی شکایتیم سنه ائتماقا گله گلمیسن

بو کول اوسته یاتماقا دلخوشام آناجان اوز حالیمه یانمورام
 ایکی گوزلریمه دولوبدی کول یوخ الیم سیلم گوز آچانمورام
 بئله بولمه ایسی کول اوسته من سنه ناز ائدوب بیر اویانمورام
 دیمه دیندیرور سنی فاطمه نیه بس حُسن دله گلمیسن

نه عجب حسینی نصف شب بئله وقته یادیه سالموسان
 باشوا دوروم دولانوم سنون باشیمی کناریوه آلموسان
 دیگوروم نیه بوکولوب بئلون نیه بس بوگونره قالموسان
 بیر آلون قابرقاوا قویموسان بر آلون آنا بئله گلمیسن

هامونون جهانیده عاصیا بئله آستانه ده وار گوزی
خوش اولا او کیمسه نون حالینه اونی انتخاب ائده شه اوزی
سنه لطف و مرحمت ائیلیوب شه اوزی یازاندا همین سوزی
آناجان مشرف ائدوب عجب بو گئجه بو منزله گلمیسن

جواب از حضرت زهرا(س)

باشوون سراغینی آلموشام من اوغول بو منزله گلموشم
سنون الماقون بئلیمی بوکوب اودور علتی بئله گلموشم

بولوسن نقدری بو چوللری باشوون دالنجه دولانموشام
یارالی جنازه وی گورموشم اودی قلبدن بئله یانموشام
بو همان او قانندی که ساربان آلیوی گسنده بویانموشام
داخی قتلگهده دورانمادیم باش آچوق بو محفله گلموشم

نقدر جهان وار اوغول گرک سنه من گئجه گونوز آغلیام
باشیمی آچام ساچمی یولام بو یانقلی قلبیمی داغلیام
سن ائنده گوزلریوی حسین منه ممکن اولمادی باغلیام
اوغول ایستماقلقا معذرت من همان او نسگله گلموشم

بولورم گسنده باشووی شمر سنی خنجر آندا چوخ اینجدوب
او جفا سالوب سنی نطقدن اوقدر وروب یارا قان گئدوب
ائیلیوب همان یری بحر خون بدنون اوغول قانا غرق ائدوب
یارالی وجودون او بحریدن چکوب ایندی ساحله گلموشم

گوروب ایندی فاطمه جدینی گوزی یاشلی باشی آچوق گلور
آلینی قویوب بئلینه علی گلوری گهی، گهی دنجلور
حسینم حسین دیور آغلوری یوزه گوز یاشین سوکیمی آلور
ائده جاق دئدیم گنه پنج تن اولی که مباحله گلموشم

اویسانان خیامده زینبون سنه بیر بساط عزا قوروب
ولی نه چراغ و نه فرشی وار اوزی شمع آهینی یاندوروب
بالالار سیزیلدییسی بو گئجه بو یانقلی قلبیمه اود وروب
یانوری وجودیم آلولا شور اودی نی کیمی دله گلموشم

بولوسن یاناندا قاپوم اوغول نقدر جفایه دایانموشام
یتشوبدی صدمه وجودیمه شرر مُصیبته یانموشام
هم اوغول قابرقالاریم سینوب همی سینهدن یارالانموشام
اودور علتی که اوغول حسین آلمی قویوب بئله گلموشم

بولورم ألوب علی اکبرون ستمیله قلبی شکسته سن
ستم عدودن اوسانموسان غم و درد و رنجیله خسته سن
دور اماندی سینمه گل اوغول بئله یاتما ایسی گول اوسته سن
من اوزومده خسته وجودیله بولوسن بو منزله گلموشم

نولی قانلو گوزلرون آج گیلن ائيله بیر مُشاهده حالیمی
دانش آل اورکده کی دردیمی گور اوغول بو صورت آلمی
بوخ الون دیم که منیمده سن سیل اوزومدن اشک ملالیمی
نه دیوم بو مطبخ خولیه من اوغول نه حاليله گلموشم

دیوری حسین نه ایتم دیوم سنه نوکرم بئله دم وروم
هله عاصیم بئله بایده نه جسارتیله قدم وروم
دگی صرف نحوه مسئله او بیانه من نه قلم وروم
یتروروب کتاب مطولی باشا من رسائله گلموشم

زبان حال علیا مکرّمه خطاب بسر

امام مظلوم در کوفه

نیزه ده یارالی باشون بنزری هلاله قارداش
 مه اوزونده نقشه گول خوش سالوبدی هاله قارداش
 ای مه سپهر ایمان اولموسان گول اوسته مهمان
 باشلادون ازله تکبیر باشیمی گونوز اوجاتدون
 نولدی بس گنچن گنجه سن زینبی گوزوندن آتدون
 باشیمه گول اولسون آخر هاردا گوللر اوسته یاتدون
 کیم ائدوب بئله اهانت وجه ذولجلاله قارداش
 من دئدیم که باشویله دل تاپار گنجه تسلی
 بولمدیم تنور ایچنده نور حق ائدوب تجلی
 لمعات نور رویون طور ائدوب همان محلی
 آرنی دلیمده ائتدیم صبح اولونجه ناله قارداش

شأنوه دگولدی لایق اول مکان نامناسب
 فاطمه گلوب یارالی باشوه اولوب مصاحب
 منده اولموشام برادر اهل بیتوه مواظب
 چکموشم گنجه کشیک من عترت و عیاله قارداش
 یانموشام یانان چادرده صبحه تک یانان دلیل
 وئرموشم تسلی دل، اهل بیه مین دلیل
 بسکه خاطریم دولوبدور درد و غمله نسلگیله
 وئرموشم اودور اجازه گوزده اشک آله قارداش
 منجنیق فرقتونده جانیمی بیر عمر سیخدون
 صبریمون حصارینی سن شوق وصلویله یخدون
 زینبون گلور ائشتدون ایندی پیشوازه چخدون
 تسلّیتدن اوتری آخر باشلادون مقاله قارداش
 یا شقیقه قلب زینب ای سرور جان زهرا
 سن دانیش دلون فداسی ای شه حجاز و بطحا
 باری بو باخلانلار ائتسون قانلو باشوه تماشا
 باخماسونلا ظلم الیه کشف اولان جماله قارداش

من دیمم جدا باشندا نطقه گل منی دانیشدیر
 یاگوز آج بو جمعه گور داد و شیونی، دانیشدیر
 نه صفیه نه رقیه نه سکینه نی دانیشدیر
 بو صغیره فاطمه گور بیر قالب نحاله قارداش
 بوخدی معجری باشندا آغلوری خجالتیندن
 حایل ائیلیوبدی ینگین مه جماله عفتیندن
 هی ورولاً ساربانلار ال گوتورمور عصمتیندن
 ذکر یازبین سالوبدور دلدۀ اتصاله قارداش
 دمبدم اولور مصور لوح سینه ده بو مطلب
 ائیلیوب بش ایل خانملوق بوردا عزتیه زینب
 ایندی اهل کوفه ائیلور اوزگه آدیله مخاطب
 دونمسون نشجه سرشگیم چشمۀ زلاله قارداش
 گرچه ظاهراً اسیرم من بو قومه مبتلایم
 لیک وار رضای جانان بئله ذلته رضایم
 فاطمه عزیز ی زینب دخت شاه لافتایم
 دوشمسون بو اهل کوفه اوزگه بیر خیاله قارداش

شاه، شاهدور حسینیم هر لباس ایچنده اولسا
 گشته شوکتی الیندن ظاهر عزتی پوزولسا
 باشینی سالوب آشاقه گر باجون ساجینی یولسا
 حقّی وار سنی گورنده دوزمه سون بو حاله قارداش
 قان اولوبدی بسکه باغیریم بئله حال پر اسفدن
 ائیلوری بیزه شماتت اهل کوفه هر طرفدن
 کاش آتام علی گلیدی بیرجه کوفیه نجفدن
 بیر باخیدی عترتنده بو غم و ملاله قارداش
 ممکن اولمادی دوزوم من صبره هر قدر چالشدیم
 ظلم کوفیانی گوردوم قلبدن یانوب آلدیم
 عاقبت کسلدی صبریم اختیار سیز دانیشدیم
 بسکه یاندی دل جفای قوم بد خصاله قارداش
 صاف اولوبدی قلب عاصی قلبدن اولوبدی بیغش
 سوز تاپوب عیار کامل یاندیور بسان آتش
 لیک آرزوی قبرون خاطرین ائدوب مشوش
 بیر برات اربعین قیل سن بو ایل حواله قارداش

زبانحال علیا مکرمه خطاب بسر امام در کوفه

قویوب زینبی قارداش حیران باشون
اوخور نیزه باشند قرآن باشون

تجلاً ائدر مهر رخشان باشون

باتوبدور گوله گرچه مرآت حق
گنه گوسترور خلقه آیات حق
بونا حقلره ائیلر اثبات حق

ورا باطله خط بطلان باشون

بودور راه و رسم ذنی روزگار
کوله بیرگون آیینه محتاج اولار
نه مرآت وجه خداوندگار

نه آئینه وجه رحمان باشون

برادر دونن بسکه رنجوریدون
گئجه عترتوننده مهجوریدون
کول اوستونده یاتماقا مجبوریدون

که خستیدی بی حد و پایان باشون

رذیل اولسا هر قدر بیر میزبان
قوناقه کول اوستونده ورمز مکان
آمان خولی میزبانان آمان

که ائتمیش کول اوستونده مهمان باشون

واریمدور جدا قدریجه فاصله
یتشمور الیم اولما تنگ حوصله
کولی توپراقی گل یوزوندن سیله

گورنم بئله قانه غلطان باشون

سسون آرتورور قوت دل منه
وئرور نخل ائیدیم حاصل منه
دوروب نیزه اوسته مقابل منه

ائدوب آیه کهنی عنوان باشون

ائدوب نیزه باشین باشون نخل طور
سالور لَمعه لَمعه بیابانه نور
اونور آرتورور دلده شور اوسته شور

قویوب موسی عشقی حیران باشون

گوزوندن غُذاره که قانیاش آخور
منی یاندورور شعله غم باخور
گوزون حسرتیله منه چوخ باخور

آلور مندن اطفالینی سان باشون

حسین آرز قالور بحر دردییم داشا
هدف شیشه روحیم اولموش داشا
بوقدری جفا بس دگول بیر باشا

گورور جور و ظلم فراوان باشون

سینه ای هلال سپهر وفا
که دنیاچه وار سنده صلح و صفا
ندن ائیلور اشرار کوفه جفا

خسوفه دوشوب ماه تابان باشون

بولوردوم ازل ای شقیق فوآد
سنی آلدورر بیر گون اهل عناد
ولی بولمدیم خارجیدن مُراد

اولار مظهر دین و ایمان باشون

دیلم زینب احوالینی بیر سوروش
و یا دلده آمالینی بیر سوروش
قیزون فاطمه حالینی بیر سوروش

او طفلین ائدوب باغیرینی قان باشون

باخار نیزده باشوه دیده تر
اولار شور لطفونله شوریده سر
بو اتمیده ائیلر جدایه نظر

اونی دیندیره بلکه بیر آن باشون

جداده آلاں صُوت قرآنوی
بولر پایئه قرب رحمانوی
توکنلر سو اوسته سوسوز قانونی

ائدوب رشک لعل بدخشان باشون

آله آلماز عاصی جهاندا قلم
اگر ائتمسه غم کتابین رقم
بو اتمیده ای کان جود و کرم

اولا شافع اهل عصیان باشون

احوال راه شام

ناقه‌دن دوشدوم اماندور عثمه‌جان
قالموشام چولده دایان دور عثمه‌جان

چول آراسی من پیاده یول اوزاق
عثمه من بالقوز اوزوم خوردا اوشاق
گئتمه بیر لحظه دایان ساخلا ایاق

ناقه‌دن دوشدوم اماندور عثمه‌جان

عثمه‌جان من نابلد چول خوفناک
ایندی اولام قورخودان آخر هلاک
بیر سسیمه سس وئر اولدوم زهره چاک

ناقه‌دن دوشدوم اماندور عثمه‌جان

عثمه اُلسم بو بیاباندا اگر
کیم تاپار چولدن منی کیم دفن ائدر
وئر عموم عباسه حالیمدن خبر

ناقه‌دن دوشدوم اماندور عثمه‌جان

سسلیوم عثمه کیمی امدادیمه
وار کیمیم آیا یتشسون دادیمه
بیرجه باخ بو ناله و فریادیمه

ناقه‌دن دوشدوم اماندور عثمه‌جان

گئلماقا قالموب دیزیمده اختیار
عثمه‌جان ایسی هوا یول کوهسار
ائسلیوم بولمم نه قدری آه و زار

ناقه‌دن دوشدوم اماندور عثمه‌جان

چوخ تعجب‌دور گئدیرسن عثمه سن
بولموسن بس قالموشام چوللرده من
وئرموسن آخر سسیمه سس نَدن

ناقه‌دن دوشدوم اماندور عثمه‌جان

تاپشوروب عثمه سنه آخر بابام
اولما راضی من بیاباندا قلام
وئر خبر بیرجه دایاتسون اهل شام

ناقه‌دن دوشدوم اماندور عثمه‌جان

من دچار اولدوم عجب محنتلره
بئله وقته دوشدوم عثمه چوللره
وای منه گور قالموشام نه گونلره

ناقه‌دن دوشدوم اماندور عثمه‌جان

قیل توقف گشتمه عمه بیر دایان
صاق صولا قاجماقدان اولدوم باغریقان
قورخورام آخر وئرم چوللرده جان

ناقه‌دن دوشدوم اماندور عمه‌جان

عمه‌جان قاجماق سالوب دلدن منی
حالیمه قلیون یانار گورسن منی
گل اوزون آخر آپار چولدن منی

ناقه‌دن دوشدوم اماندور عمه‌جان

گشتماقای عمه ائتمه چوخ شتاب
سسله‌ماقدان آخر اولدوم دلکباب
یادگار اکبرم وئر بیر جواب

ناقه‌دن دوشدوم اماندور عمه‌جان

سری وار عاصی سوزونده وار اثر
ائیلیوب سوز صاحبی مطلق نظر
بو سوزی یاز آغلا هر شام و سحر

ناقه‌دن دوشدوم اماندور عمه‌جان

زبانحال جناب لیلا خطاب به علی اکبر در راه شام

او قاره زلفون اوزوندن گوتور کناره علی

ائدیم دویونجا تماشا او گل عذاره علی

باشون چداده الیم یتموری آنان اُلسون

یارالی باشوی بیرجه آلم کناره علی

گلوب تکلمه دیندیر منی فلک زده‌نی

اولا تسلی دل، تا بر بی قراره علی

چوخ ایستم که او غول گزدم غم عشقون

سالور ولیک گوزوم باشی آشکاره علی

سنان شمر ورار قمچی آغلیاندا منه

اودور سبب که یواش گلم آه و زاره علی

نه حقّی وار منی شمر و سنان اسیر ائیلیوب

بو نوعیله سالالار دشت و کوهساره علی

بئله بولوله اسیرم بو قوم اعدایه

بلی اسیرم او زلفونده بیرجه تاره علی

محبّتون منی وادار ائدوب علی دوزرم
جفا و ظلم فراوان و بی شماره علی
ائدوبدی چهره خورشیدی دود آهیم تار
آنان ائدوبدی قرباخت او زلف قاره علی
خمیده قاشلاریون طاقی قبله گاهمدور
نه چوخ شباهتی وار راست ذوالفقاره علی
گوزوم ایشقلقی قلبیم صفاسی آج گوزبوی
بو حال زاریمه بیرائتکلن نظاره علی
گر ایسته سن بوله سن حالیمی نه حالده دور
نظاره ائتگله بو چشم اشگباره علی
ایم یتشمور اوزوندن سلیم یولون توزونی
نئجه گوروم که باتوب گل یوزون غباره علی
سموم ظلموله جان گلشنیم خزان اولدی
چتین دونه بو خزان بیرده نو بهاره علی
نقدر دیندیرم دینمسن ندور سببی
جواب وئرموسن آخر بو دلفگاره علی

گرک الم قوتولام محنت فراقوندان
مریض عشق اولانا یوخدی اوزگه چاره علی
غم زمانه دن عاصی ز بس گلوب تنگه
رضا اولوب ألومه أف بو روزگاره علی
روادی گور بیرنون سن کیمی آفاسی اول
دوشه زمانده بو نوعيله فشاره علی

التجا به حضرت ولی عصر عج گریز بشام

الهی ظلم دولدوردی جهانی
اماندور تئز یتور صاحب زمانی

ز بس متروک اولوب دین و شریعت
اولوب بو دوره غالب نوره ظلمت
اوزون اوز دینوه ائیله حمایت
خلاص ائیله بو غمدن شیعیانی

گنبدوب قرآن قالب اسلامدن آد
بو امر شرعی ائتمز بیر نفر یاد
ائدر حق اهلینه ناحق ابراد

ائدلر مئتم قرآنیانی
دوتوبدور عالم امکانی محنت
بو درده یوخدی بیزده صبر و طاقت
قویوبلار دینده کین اهلی بدعت

بستور یارب اوزون نور هدانی
ایا عصرون امامی هاردا سان گل
بو دینه یوخدی حامی هاردا سان گل
گل آل بو انتقامی هاردا سان گل

عیان قیل صولت شیر خدانی
گلینجه روز و شب قان آغلاروخ بیز
صبح و شام هرآن آغلاروخ بیز
نقدری جاندا وار جان آغلاروخ بیز

غذاره باغلاروخ اشک روانی

یری وار ائیلیاخ بیز آه و ناله
باتاخ حشره کیمی درد و ملاله
سالاندا کربلا ظلمین خیاله

یقین قان آغلدار پیر و جوانی
آخوب کرب و بلا دشتنده قانلار
بویاندی قاننه نوریس جوانلار
الن اودی، اسیر اولدی قالانلار

ستمه سولدی زهرا گلستانی
غزالان حرم دوشدی کمنده
قضا بند ائیدی قولارین رسنده
گلوب فریاده بو حالی گورنده

اوجالدی گوگره آه و فغانی
بالا قیزلار تماماً دست بسته
جگر داغلی سوسوز آج دل شکسته
چکوب سس آغلیاندا ناقه اوسته

وراردی لنگه اهل کاروانی

گلوردی غیظه شمر شوم و کافر
گلنده شیونه آل پیغمبر
کسوک باشلار ائدردی ناله یکسر

وُراندا اهل بیت مصطفانی
سینق محملر ایچره یانایانه
اوشاقلار یالوارودی ساربانه
دگنده باشلاریندان تازیانه

چکوب آه آغلادوردی قدسیانی
اولاندا شامه وارد آل حیدر
برهنه ناقه اوستونده مکدر
حنا یاخیمیشدیلار شام اهلی یکسر

گینمیشدی لباس ارغوانی
تماماً مرد و زن آله دَف و ساز
اوگون آل للهی ائتمیشدی پیشواز
اوخوردی رقصیله هر بیر خوش آواز

گورنده مضطرب آل عبابی

صدای ساز و نی آواز کفدن
دوتولموشدی قولاقلار تار و دفدن
شماتت ائیلینلر هر طرفدن

دیردی طعنه ایلن ناسزانی
یتوب از بس جفا بیمار امامه
دونوبدور گوندوزی شام ایچره شامه
آتوبلار اودلی نی یاندی عمامه

شرار ظلموله اودلانندی جانی
امامون اللری باغلیدی مُحکم
آلشدی یاندی عمامه همان دم
او حالی ائیله قلبونده مُجسم

بوقدری ظلمه گور بیر کس دایانی
رضا وئردی قضای کبریا به
تحمل ائیلدی هر بیر بلایه
یتوب بیر یرده صبری انتهایه

کسیلیدی طاقتی گشتدی توانی

عنان اختیاری گشتدی الدن
چکوب بیر آه آتشبار دلدن
بویوردی دوغمیدی کاش ازلدن

آنام تا گور مییدیم بو زمانی
اولوب مسکن عیال بو ترابه
نچه آی شامده گنج خرابه
گئدوبلر عاقبت بزم شرابه

گوروبلر شامده هر بیر جفانی
او بیغمیر که عرشه ائتدی معراج
قالوردی عترتی ویرانده آج
رقیه صبرین ائتدی غصه تاراج

چخاردی عرشه آه و الامانی
اوقدری غم چکوب حالی پوزولدی
یشتدی جانہ قلبی غمله دولدی
سارالدی گل کیمی رخساری سولدی

بهارینده یتوب فصل خزانسی

توانسی طاقتی گشتشمدی باده
گلوردی روز و شب فریاد و داده
وئروب جان آج سوسوز ویرانسراده

خرابه گوشه سی اولدی مکانی
ز بس ورموشدولا شامون یولوندا
واریدی قمچی آثاری قولوندا
آلنده گوردیلر صاق وصولوندا

طناب ظلمدن واردور نشانی
رسن سالمیشدی از بسکه فشاره
سراسر قولارین ائتمیشدی یاره
قویاندا جسمنی زینب مزاره

آخاردی اشک چشم خونفشانی
یاناردی حالینه اولاد حیدر
وراردی باشه آغلاردی حرملر
خرابه گوشه سی اولموشدی محشر

گوتورموشدی نوا ویرانسرانی

خانملار آچدیلار باش قبری اوسته

یولاردی هر یتن ساج قبری اوسته

توکوبلر بسکه قانیاش قبری اوسته

سالوبلا لرزیه ارض و سمانی

دایان عاصی بو غم یتمز تمامه

شراریندن دوتوب اود یاندی خامه

صله ایسته حسیندن بو کلامه

او شاهه واسطه قیل بو بالانی

دوشوبدور باشووه شوق زیارت

دینه یوخ منده آخر استطاعت

اوزون ای معدن فضل و کرامت

حواله قیل سنی عباس جانی

ورود آل الله بشام

یا فاطمه دور قبریدن گل شامده غوغایه باخ

قولاری باغلی زینب و کلثومی گور لیلایه باخ

تقریرینه عاجزدی دل وادور نئجه بیر ازدحام

تزنین اولوبدور کوچه لر بازار باغلانموش تمام

بایرام دوتوب جشن ائیلوری شام اهلی یکسر خاص و عام

کسمیش تماشاچی یولی گل شورش عظمایه باخ

بیر سمتیده بازنده لر دورموش یول اوسته صف بصف

بیر یاندا سازنده دوروب الله نی و طنبور و دف

دگمیش جماعت بیریره شهری دوتوب آواز کف

عربان دوه اوستونده بیر آل شه بطحایه باخ

دروازه ساعا تیده لنگه دوشو بدور قافله
آخر یزید دونیدن رخصت وروده یوخ هله
گونلر ایونده زینبون محتاج اولوب بیر حایله
بی پرده محمل ایچره اول معصومه والایه باخ

خوردا اوشاقلار آج سوسوز یورقون پریشان دل غمین
نی تک سیزیلدور آغلاشور عرشه چخوب داد و انین
عربان دوه اوسته باخور بو حاله فخرالساجدین
دلدن یانور قانیاش توکور رخسار مه سیمایه باخ

آل للهین شام ائیلیوب شامون جفاسی گوندوزین
بولمور آنا حفظ ائیلسون خوردا بالاسین یا اوزین
دوشسون بالاسی آزالور ایستور آنا دوتسون یوزین
گل چارسوی شامده بو حال غم افزایه باخ

اوز محرمین بو حالیه گورجک او حالته امام
گئتدی توان و طاقتی سلب اولدی قلوبدن دوام
سویلوب ازل گوندن منی هئچ دوغمیدی کاش آنام
گور اهل شامون ظلمونی صبر حق یکتایه باخ

ایکاش ائیدی اهل کین بو جور و ظلمه اکتفا
ال چکمدی آزاریدن اقا او قوم بی حیا
هر ظلم که الدن گلور ائتدی اوگون اهل جفا
اولادیوه یا فاطمه اشرار ائدن ایذایه باخ

گه سنگ دلر بامدن ائیلور عیالون سنگسار
گاهی دیولر ناسزا اول فرقه بی ننگ و عار
گاهی توکولر اودلی نی محملر اوسته اهل نار
آل اُمیه ظلمونی گور گردش دنیایه باخ

بیمار امامون قولاری باغلی بویوندا سلسله
 باشد اعمامه اود دوتوب آهی دونوبدور مشعله
 خاموش ائدنمور آتش ظلمی، دوزور گلمور دله
 گور ایش هاردا منجر اولوب بیر جرئت اعدایه باخ

آلمیش اله مقتولینون باشنی قاتل نیزه ده
 هر محله بیر قاتلو باش اولموش مقابل نیزه ده
 اولسون نظام تامله تا شهره داخل نیزه ده
 محملر ایچره اوج ائدن فریاد وایلایه باخ

اولموش سبب بو انتظام آل آلهین گوز یاشینه
 اوخشار یانار اوغلون آنا آغلار باجی قارداشینه
 مشغول ائدوب اوغلون حسین جمعیته اوز یاشینه
 خلقی تماشادن قویوب رأس شه بطحایه باخ

بیر نحویله قرآن اوخور هر بیر گورن حیران قالوب
 شهر دمشقه ناطق قرآن سسی غوغا سالوب
 نور خدای لم یزل نوری هامی گوزدن آلوب
 نامحرمان شامده سن چشم نابینایه باخ

بزم عزاده عاصیا یان آغلا هر شام و سحر
 گوز یاشلی قوی گورسون سنی زهرا ائدن وقته نظر
 بیر دزدور چوخ پربها گوزدن آخان بواشگ تر
 بو دژه اصلی مشتری سن حضرت زهرایه باخ

احوالات خرابه شام

بی جا دگول اشگیله دولوب گوزلریم عمّه
آخر آلورم هاردادی بس اکبریم عمّه

بیر عمریدی زلفوم کیمی آشفته دی حالیم
بیر کیمسنه بولمور ندور اندوه و ملالیم
وار بو سر شوریده ده مین فکر و خیالم
سری اودی قوینومدا قالب اللریم عمّه
عمّه بولوسن بو صغر سینمیله من
صبر ائیلدیم هر قدر جفا ائیلدی دشمن
ویرانه او گوندنکه اولوبدور منه مسکن
گوزدن یوزه دائم آخار اشگ نریم عمّه
چکدیم بو آز عمروده ز بس رنج و مشقت
دوندردی هلاله قدیمی بار مصیبت
آخر گتوروب جانہ منی طعن و شماتت
یاندی منیم احوالیمه دشمنلریم عمّه

هر رنگ غمه من خم محنتده بویاندیم
جسمیم دوتوب اود آتش درد و غمه یاندیم
بو فکريله هر قدر بلا گلدی دایاندیم
السم من اگر قبره قویار اکبریم عمّه
ویرانه ده حسرتله من ایندی وئوروم جان
گوز تیکموشم آخر یولونا واله و حیران
گلمور نیه جانیم، او گلن یولارا قربان
بو حالیمی بولمور او ملک منظریم عمّه
بولسم گلوری عمّه سوروتم یوزوم اوسته
یر وئرم علی اکبریمه من گوزوم اوسته
ثابت قدم سن که بولورسن سوزوم اوسته
جان بذل ائدردم مقدمینه یاوریم عمّه
وار سری دونوب اشگیله ای عمّه بو گوزلر
بو آخر عمروده گوزوم اکبری گوزلر
قازداش باجیسن عمّه بو وقته بئله گوزلر
سالور منی بیر یاده او مه پیکریم عمّه

بیر بلبلم آیریلمو شام حسرتله گلمدن
ظلمیله فلک عزتیمی آلدی الیمدن
دوشمز علی اکبر آدی بیر لحظه دلیمدن

دلده آدی هر لحظه اولوب ازیریم عمّه

دور عمّه اماندور منی زاره ائيله چاره
گل جان وئوررم جسمیمی قوی بیرجه مزاره
اوزگه کفن آخردگی لازم من زاره

بسدور کفن آخر منه اوز معجریم عمّه

عاصی که سالوبدور باشنا شوق زیارت
هر بیر دلیلله یالواروری اولموری قسمت
من ایسترم حقندن اونی تا قویمیا حسرت

ائیلوبدی منی واسطه اول نوکریم عمّه

زبانحال رقیه خاتون خطاب بجناب زینب در خرابه

من او بلبلم که جفائيله پوزولوبدی گلشنیم عمّه جان

نقدر ساقام گرک اوج ائده گوگه داد و شیونیم عمّه جان

دیوسن منه قیزیم آغلاما نیه بس اوزون بئله آغلوسان
باخوسان خرابه نشینلر یوزه سیل اشگوی باغلوسان
دم آتشیپنيله دمبدم او یانقلولی قلبوی داغلوسان
بویور اشگ آلیله دولماسون نئجه بس بو دامنیم عمّه جان

نئجه آغلاماز او عقیفه قیز که عذاره زلفی نقاب اولا
بو صغیر سئيله عمّه جان ایکی قولاریندا طناب اولا
بولوسن نئجه من عزیزیدیم بئله روزگاری خراب اولا
گئدوب عزتیم بو خرابه یر اولوب ایندی مسکنیم عمّه جان

من اگر آلم بو خرابه ده هانی اکبریم دوتا یاسمی
فلکون گورم یوزی گولمه سون نثجه بر هم ائتدی اساسمی
گلوری او کسکه خرابیه گوروری بو کهنه لباسمی
هاموسی شمات ائدور گلور دوتور اود دلیم منیم عمه جان

ائیله کهربای غم و آلم سارادوبدی عارضی آلمی
یوزیمه نظر ائیلین بولر منیم انتهای ملالیمی
بودور حسرتیم که بابام گلوب بوله بیرجه صورت حالیمی
نثجه شام شومده شام اولوب گوره روز روشنیم عمه جان

منیم عمه بیر ائیله ساعتی گنجه گوندوز آختاروری گوزوم
که اجل گلوب منی قورتارا بوزمانه دن کسبله یوزوم
سن اوزون بو بارده مُنصف اول بئله بیر جفایه نثجه دوزوم
ؤرا شمر سلسله بوینوما اولا طوق آهینیم عمه جان

دگی بی سبب گوزومون یاشین توکورم بئله رخ زرده من
داخی جانه گلموشم عمه جان یاتا بولمورم قوری یرده من
گنه بیر به بیر دیمورم سنه چکورم ملالیمه پرده من
بوقدر که آلم اولور همین بو خرابه مدفنیم عمه جان

اگر آلمیوبدی آتام منیم باشون ندور بس او قاره سی
نیه وا آخا دیوب آغلوسان ندور آهون او شراره سی
اورکون اوغوشدوروسان بئله اورکونده واردی نه یاره سی
نیه واضحین دیموسن گنه پوزولوبدی گلشنیم عمه جان

منی زاری بیر بئله مدتی بابام عمه یادینه سالمیوب
دیمیوب خرابه ده دور قیزیم ندی سَرّی قیدیمه قالمیوب
اگر آلمیوب نیه گلمیوب اوره گیمده دردیمی آلمیوب
نثجه سخت دلدی اوزی بولور منی زاره دشمنیم عمه جان

بولوسن نه نحويله عمریمون باشا وئرموشم گئجه گوندوزون
بو خیال و فکریله بیرگورم بابامی، دیم من اورک سوزین
ألورم نه خوشدی بو وقتیده گله باشیم اوسته گورم یوزین
اولا آخرین نفسیم منیم آتا قُربی مأمینیم عَمّه جان

یریدور بو نوحیه عاصیا سن حسیندن ایستیه سن صله
بو خانم بالاسنا آند، وئر او صله یشتشمه گل دله
اوزونون توجهی وار یقین که بو سوز مؤثر اولور دله
من او بلبلم که جفائیله پوزولوبدی گلشنیم عَمّه جان

زبانحال رقیه خاتون در خرابه

قان اولوب ویرانه ده باغیریم مصیبتدن بابا
باخشی گلدون گل منی قورتار بو ذلتنن بابا

کیم بولور بو مدتی من نه مصیبت چکموشم
خاطریم درده گلوب از بسکه ذلت چکموشم
دوزموشم هر بیر غمه رنج ریاضت چکموشم
مقصدیم گلیمیش اله کامل ریاضتدن بابا
کثرت غمدن اولوبدور گوندوزوم آخر گئجه
صبح و شامی شامده عمریم گئچوب بولم نئجه
سن گرکدور تتر گلیدون قالموسان گرچه گئجه
ائتمرم اقا شکایت درد فرقتدن بابا
غفلتی اولدی نچون بو گلماقون ای شهریار
پیشوازوندن سنون دنیاچه اولدوم شرمسار
من گرک بو گلماقه بیر نقد جان ائیلوم نثار
قورتولام تا اینکه بلکه بو خجالتدن بابا

درد هجران منی بیر عمر سالدی مشگله
شوق وصلون چکدی آخر بو خرابه منزله
یاخشی گلدون نصف شیده کوئلومی گندون اله

اشگمی پاک ائیلدون معاده صورتدن بابا

شرح وئرم چکموشم من بو سفرده گر نلر
قورخورام آخر یتشون قلبوه مندن کدر
سیلی زجر و سناندان وار غذاریمده اثر

هی وروبلاز آغلیاندا من عداوتدن بابا

پا پیاده گلماقیمدان ائتمرم هرگز گله
سهلدور اولموش نچه یردن ایاقیم آبله
نازیانه ضرب قمچی یا فشار سلسله

بیر اسیره چوخ دگول اهل شقاوتدن بابا

کنج ویرانه اسیرون شأنه مرسوم اولوب
آج سوسوز قالماق یتیمه لازم و ملزوم اولوب
شامه دین یولدا دوگولماقیم سنه معلوم اولوب

آیریلما ممکن دگول معلول علندن بابا

منجنیق غم پریشان کوئلیمی از بس سیخوب
سری وار بو نوعيله نالم بابا عرشه چخوب
نساقه اوستن ساربانیم بسکه یوللاردا یخوب

ایندیده قورتولمیوب جانیم اوز زحمتدن بابا

من بابا آسوده لبق فکرین باشمدان آتموشام
روز و شب خون جگر بو گوز یاشما قاتموشام
آج سوسوز ویرانده توپراقلاز اوسته یاتموشام

گل یوزوم گور بیر نجه دوشموش طراوتدن بابا

ایستردیم چکدقیم جور و جفایه سان وئروم
یا پریشان کوئلمین حالین سنه اعلان وئروم
لیک ایستردیم یوزوم باری یوزونده جان وئروم

حمدلله ایسندی قورتولدوم او حسرتدن بابا

قسید ظلمیله بابا بال وپریمدن بستهام
طاققیم قالموب داخی رنجور راهم خستهام
غمریمون ساعتلی باشه یتوب جان اوستهام

قال منی باری گوتور خاک مذلتدن بابا

نه دیوم سن سیز بابا شامه دونوبدور گوندوزوم
 مین بئله ظلمه گنه صبر ائیلرم یوخدور سوزوم
 نیلیوم اما شماتت چکماقا قالموب دوزوم
 گلموشم تنگه داخی طعن و شماتدن بابا
 یوخ الون باری دیم لطفیله بیر چک باشیمه
 آج بو قائلو گوزلرون ائیله نظر گوز باشیمه
 اذن وئر عتم خیر وئرسون علی قارداشیمه
 کام آلم آخر نفس اول ماه طلعتدن بابا
 ایندیکه بو نصف شبده ائتموسن رنجه قدم
 باشیم اوسته گلمیسن ای شهریار محتشم
 گل بیزی آخر دولاندور باشووه قیل دفع غم
 هم منی هم عاصینی قورتار آسارتدن بابا

زبانحال علیا مکرّمه در سر قبر امام مظلوم روزاربعین

بیر اربعین دوزموشم حسین رنج و زحمت اشقیابه من
 نصیبیم اولدی زیارتون یتموشم عجب مُدّعا به من
 حسین دیوب چوخ دولانموشام
 محنت فراقونده یانموشام
 اوزون بولورسن بو مُدّتی چوخ اولوب حسین رنج وزحمتیم
 ائدوب تحمّل مصیبتّه درد الیندن اولموب شکایتیم
 ائدر منیم شرح حالیمی باشداکی بو کاری جراحتم
 اولوب رضا هر بلایه دل وئرموشم ازلدن قضایه من
 بیر عمریدور من حسین دیوب آتش فراقونده یانموشام
 گئجه گونوز دست بسته من باشوین دالنجا دولانموشام
 قسم بو قبر مُطهره من داخی بو جانندان اوسانموشام
 تمام اولوب صبر و طاقتیم دوزموشم زبسکه بلایه من

وجودیمی چوخ سیخوب منیم ای خلیل حق منجنیق غم
توکوب یوزه قانلو گوز یاشین اولموشام بلائیلہ ہم قدم
اولوبدی قان کوئلمون ابوی قدیمی ائدوب بار غصہ خم
مراحل عشقی طئی ائدوب حال ضعیفیلہ پایہ پایہ من

نه ظلملر گورموشم حسین صبر ائدوب گنه اثتمرم گله
چکدی مجلسه زار و مضطرب اشقیا منی گلمدیم دله
وئرندہ جان بیر قیزون ولی ننگلی اثر ائیلدی دله
آلوب گوزی یاشلی آج سوسوز دوزموشم بئله هر جفایه من

نه عرض ائدوم من یزیدیدن محضرونده واضحدی مسئله
عیالوی چکدی مجلسه پا برهنه قولآردا سلسله
ساخلییوب ایاق اوسته بیزلری غیظله آلوب خیزران آله
باخوب گهی یانموشام سنه گاه حال اهل ولایه من

تمام اولان چون دگول غمیم عمریم اولساگر یوزمین ایل دیم
گنجہ گونوز شرح حال ائدم خدمتونده من متصل دیم
بو خوش دگول بزم رازیده دل آچوب سنه درد دل دیم
دوزوب اورکدن بلالره باخموشام رضای خدایه من

واریمدی بی حد تشکریم درک ائیلدیم بو سعادت
اوقدری من قالدیم المدم ناپدیم عاقبت بئله ساعت
دگول عبث فیضه یتماقیم صبریمون اولوب مُزد أجرنی
طواف قبر شریفوی وئرمم هامی ماسوايه من

بویور گلوب تازه کدخدا خوش صفا ائده نوعروسنه
بیر عمریدور گوز یاشی توکوب شوقمندیدی پای بوسنه
گلوب باشا فرقت عالمی نایتوب عروس آرزو سنه
گتورموشم نوعروسنی کیم بولور نثجه کربلايه من

هانی علی اکبریم حسین تا ائده آناسینی پیشواز
غریب دور دل شکسته دور ائیلسون او نالانی سرفراز
بیاندا یوخ نافه سین دوتان کیم ائدر اونی عازم حجاز
باخوب اونا یانام آغلارام گلموشم اودور آه و وایه من

اویان گوز آج گور نه نوعیله گوز یاشی توکر عارضه رباب
آلی اورکده سیزیلدیری آختارور بالاسین او دل کباب
علی علی مسلور آغلوری گلموری سسی وئرمی جواب
نشجه تسلی وئروم حسین بولمورم او درد آشنایه من

بیر عمریدور که بلا اوخی اودلاتان یانان سینه سین دلوب
دوزوبدی بی حد مشقته قورتولوب حسین ایندی دینجلوب
آختارور بالاسین او دل کباب سینه سینه گویا که سود گلوب
اصغریوی وئر بیر قوجاقیمه تا وئروم بالاسین آنایه من

نظاره قیل گور سکینه نون داد و شیون و آه و زارینی
عمومو مسلور آختارور حسرتیله سقا مزارینی
نشان وئره سیلی یرلرین تا ایاقنون هم قابارینی
نشجه وئروم قبری نی نشان نه دیوم او بخت قریبه من

ألونجه واردور یری منیم عرشه چخساگر داد و شیونیم
ائدیم نه چاره دیننرم وار اورکده چوخ نسکلیم منیم
خزان اولوب ظلموله حسین بو بلالی صحرا ده گلشنیم
گلوم سولوب بلبلیم آلوب دوشموشم غم و ابتلایه من

زمانه ده بیرده گلنرم بول داخی من آسوده یاتمارام
سنون سوسوز الماقووی من بیر دقیقه یاددان چخاتمارام
یارالی باشون بلا سینی بو بلالی باشمدن آتمارام
قراگیوب رسمدور گلم روز و شب فغان و نوایه من

عاصیا یتوب عُمرُون آخِرِه جِسمِ ناتوانون اولوب علیل
گُلور دِمادم قولا قیوَه نالَه جِرس بانگِ الرّحیل
الوندَه یوخ زادِ راحلَه باری سالِ حسینَه اوزون دخیل
گُنجَه گونوزِ عرضِ ائیلَه شها مستمندمِ عالی عطایَه من

زبانحال حضرت سجاد خطاب بجناب زینب

در روز اربعین

خبر وئر عَمّه جان آلِ عَبايَه

بِتشدوقِ سرزمینِ کربلايَه

بو یور بو کاروانِ غم، دایانسون

توکوبِ گوزِ یاشی چون زمزمِ دایانسون

بو إحرامه اولان محرمِ دایانسون

هامی مشغولِ اولاسعی و صفایه

بو یر بیتِ خدادنِ مُحترمدور

حقیقتدَه بو یر خَقّه حَرمدور

آدی کرب و بَلا وادیِ غمدور

مَنایِ عشقدورِ اهلِ ولایَه

کسلیشِ عَمّه بوردا نِچّه قربان

او قربانلارِ اولوب مقبولِ جانان

ائیلَه قربانِ گورنمزِ چشمِ دُوران

نقدریِ گوی یر اوسته سالسا سایه

بو یرده نورِ وجهِ رَبِّ اَعلی

ائِدویدورِ موسیِ عشقه تجلّی

ولا اهلینَه بو یردورِ مُصلّی

بِترِ اهلِ محبّتِ مُدعايَه

خبر وئرِ عترتِ حَبَلِ المَتنَه

نزولِ ائتسونِ هامی بو سرزمینَه

گُلوبِ جَدیمِ پیمرِ اربَعینَه

اوزی سرخیلدورِ اهلِ عزایَه

من عمه ائتمرم هرگز فراموش
 که اولدوخ بیز بو یرده محنته توش
 آنالار اوغلونی ائتدی کفن پوش
 یولا سالدی سوسوز کوه مینایه
 بو یرده عمه سو تک آخدی قانلار
 بویاندی قاننه نورس جوانلار
 ائبله بوش قالدی گلدن گلستانلار
 باخوب بلبلیری گلدی نوایه
 بویور لیلای زار و دل شکسته
 اولان درد و غم هجريله خسته
 قراسین سالسون اکبر قبری اوسته
 دوشنسون شوريله پائین پایه
 ربابون ساکت ائبله آه و زارین
 دینه باشه یئتوردی انتظارین
 اگر ایستور علی اصغر مزارین
 قولاق وئرسون صدای لای لایه

وئروب اوخ یاره سی هر چند زحمت
 نهچه گون چکدی آزار و اذیت
 باتوب آغوش شهده ایندی راحت
 یئتوبدور آرزوده منتهايه
 خبر وئر عمه جان قاسم آناسی
 اولان بیر عمر غمغر آشناسی
 یئتوبدور آخره رنج و عناسی
 دویونجا آغلاسون اول مهلقایه
 اوزونده خوردا قیزلاردا خرمده
 کنار قبر شاه مُحشَّمده
 نوکون گوز یاشی بو عالی خرمده
 سبیل اشگ ائدون تشنه فدایه
 سن اوخشا آل طاهای آغلاسونلار
 یوزه اشگ مُصیبت باغلاسونلار
 شرار آهله دل داغلاسونلار
 یاناخ یکسر بو محبوب خدایه

نظر قیل عتہ جان گُلتوم زارہ
نئجہ گور بیر توکور قانیاش عذارہ
ائدور قبر ابوالفضلہ نظارہ

بـانور دلدن جـفای اشقیایہ

خیال ائیلور نئجہ بو سرو قامت
یاتوب بیر خوردا قبرین ایچرہ راحت
اونون حالین بو قبر ائیلر حکایت

نقدری توش اولوب جسمی یارایہ

مرض بیر مُدتی اولدی نصیبیم
دوشاخہ اولدی بوینومدا حبیبیم
دوا ائتدی بو درده اوز طیبیم

بتوردی لطفولہ خاک شفایہ

اوزون عاصی سالوبدور بو کمندہ
واریدی چشم اُمید عتہ سندہ
اونی قویما دوشہ بوقدر بندہ

نیازی واردی احسانہ عطایہ

زبانحال جناب زینب وداع از قبر

حضرت حسین علیہ السلام

آنام اوغلی دور یولا سال باجون ائیلیوبدی عزم وطن گذر
گوتوروب نشانه بو کونگون گوزی یاشلی دلده مُحَن گذر

منہ بَسدی مایۂ درد و غم نقدر صاقام مُحَنون سنون
وُرار اود بو جانیمہ روز و شب آنام اوغلی پیرهنون سنون
باخارام بو کونینگہ آغلارام اولی یاد او گل بدنون سنون
دیمہ خاطریمدن او یارہ لر کہ وُروب شرار زَمَن گذر

گر آنام مزاری منیم حُسن اولا بـیردہ دہردہ قسمتیم
دوشرم بو کونینگہ قبرینہ اونـا آشکار اولی محنتیم
بو یانان اورکدہ علاوہ وار منیم اوزگہ درد و مُصیبیتیم
نہ بو گوز یاشیم آزالور منیم نہ اورکدہ کی او مُحَن گذر

نتجه بو سوزی اونا کشف ائدیم که بلا چولنده گروه کین
 یستوروبله قتله سوسوز سنی سویوب هم لباسیوی مشرکین
 قویوب اوچ گون اوچ گنجه پیکرون یارالی قوم اوسته عدوی دین
 بوقدر مُصیبت و درد و غم گور آخا بو دلدن علن گئدر

چکورم خجالت ائدم سنه هامی شرح حالیمی من بیان
 نچه نُکته وار اوره گیمده من گرک ائیلیم آناما عیان
 بیری قمچی یرلیریدور حسین گئدرم وئرم اونا من نشان
 دیمه جان وئرنجه آخا منیم بو قولومدا زخم رَسَن گئدر

بولوسَن گلنده حسین منیم واریدی نه جاه و جلالیم
 یخلوب ایویم قریلوب ائلیم داغلوب او عزّت و شوکتیم
 آغاروب ساجیم گووروب قولوم بوکولوب جفائيله قامتیم
 اودی گوز یاشیم بئله متّصل یوزیمه چو سیل دمن گئدر

نقدر شگنجه و غم یتوب دوزوب هر بلایه دایانموشام
 او گوزل باشون دوشوب آردیجا هامی رهگذاری دولانموشام
 بالاوین خرابه ده اَلماقی پوزوب حال زاریمی یانموشام
 اونون هجر دردی بو قلبدن مگر ای یارالی بدن گئدر

گئدرم مدینه ده من سنه گنجه گوندوز اوخشارام آغلارام
 بو یتیمه قیزلاری باشمه یغارام سیزبلدارام آغلارام
 گیزم قرا دوتارام عزا نقدِ حُسن و ارام آغلارام
 کَسله گوزوم یاشی خوندل یوزه چون عقیق یمن گئدر

یانورام شرار مُصیبت باخورام او لیلی مضطره
 ائيله شور و شیونله حسین دوشنوبدی مرقد اکبره
 اورکنده کی غم و غصّه سین دیوری شبیه پیمبره
 نتجه بیرده یربه بولمورم ائيله بیر جوانی اَلن گئدر

اورک ایستوری دوزه یانمیا شرر ملال سکینه
قویوب اوز عمو سی مزارینه دیوری او مهره خزینه
دور ایاقه آل علمون اله یتور اهل بیتی مدینه
گوزی یاشلی باشی قرالی لار ائیلیوبدی عزم وطن گئدر
بولوسن بیر عمریدی یا حسین ائدر عاصی روز و شب آرزو
اوپه آستان مقدسون قویا یوز که کسب ائده آبرو
ائده گرد و خاک مزاریوی بو سرشگ چشمه شستشو
او غباری سیله، گوزوم یاشی بو غبار قلب حسن گئدر

در وفات حضرت صادق (ع)

آغلا فان آغلا گوزوم عالم بوگون مغموم اولوب
صادق آل محمد ظلموله مسموم اولوب
غملنوب بوگونه عالم
سنده آغلا ساخلا ماتم
جنت ایچره باش آچوبدور مصطفی و مرتضی
وای اوغول وای سسلوب ائیلر نوا خیرالنساء
جای بهجت روضه رضوان اولوب ماتم سرا
انبیاء و اولیا بو غصه دن مهموم اولوب
بو شهون گر چکدوقی مختلری تقریر اولو
قورخورام بو آه آشباریم عالم گیر اولو
گر یازا مین اهل دل ممکن دگول تحریر اولو
شرح حالنده او سوز که مقتله مرقوم اولوب

چوخ جفا ائتدی اوز عصرینده بو شاهه اهل کین
 چکمدی ظلم و ستمدن ال گروه مشرکین
 عاقبت ناچار اولوب بیر عمری اولوب خانه نشین
 گون بگون خلقه ولی حقیقی معلوم اولوب
 اهل حقّه راه حقه اولدی بیر نوعی سراج
 حکم دین احکام شرع مصطفی تاپدی رواج
 اولدی منصورون گوزونده روز روشن لیل داج
 اوز هوای نفس شومین حکمینه محکوم اولوب
 دوشدی بو فکره که سوندورسون او نور مطلق
 بیرنجه تدبیر ائدوب قتلنده اول شوم و شقی
 زهريله مسموم ائدوب آخر امام بیر حق
 یاندی اکبادی حیاتندن او شه محروم اولوب
 گر چه مقتول اولدی زهريله بو شاه ممتحن
 وئردی اوز اوغلی ولیکن غسلنی ائتدی کفن
 قویدی قبره بئله دور شرع خدای ذوالمین
 دفن فوری امریدور شرعاً بئله مرسوم اولوب

آه یا صاحب زمان افسوس یابن العسکری
 دفن اولونمادی ندن جدون حسینون پیکری
 گون قباقلنده قالوب اوچ گون وجود اطهری
 گور حسین تک کیم بو عالمده بئله مظلوم اولوب
 دفنون آلسان خبر علت اگر تاخیرینه
 وار نچه سزی که عاجزدی قلم تحریرینه
 کوفه ده سجادی گور باخ بوینونون زنجیرینه
 نیلسون بیمار اسیر اشقیای شوم اولوب
 گلدی اوچ گوندن صورا اوغلی او فخرالساجدین
 شاه عطشان نعشینی دفن ائیلدی زار و غمین
 بیر کفن ائتدی کفن سیز شاهه اول هادی دین
 نه کفن گور جدیوه اکفاندن محتوم اولوب
 بیر حصبکه اونا غارتگران بی حیا
 خیمه سین تاراج ائدنده ائتمه میشدی اعتنا
 اولدی اول جسمه کفن کیم ذات حقدور خونبها
 حقّ اوزی بیربئله مظلومیته مغموم اولوب

عاصیا چوخ سفله پروردور بو چرخ کجمدار
محترم اشخاصی دائم ذلته ائیلر دچار
بو دنی دنیانون اولما اهلینه امیدوار
گورموسن مهر و وفا بو خلقدن معدوم اولوب

در شهادت حضرت موسی ابن جعفر (ع)

ای دل بنال ماتم بسط پیمبر است
روز وفات حضرت موسی بن جعفر است
صاحب عزا علی و مصیبت زده بتول
جبریل سرزنان و ملاک به ششدر است

یارب بولورم باشه یتشوب باشمده اولان تقدیر آلورم
جان اوسته ولی چوخ اینجیدوری بوینومداکی بو زنجیر آلورم
توپراقدایوزوم، یولاردا گوزوم مسموم اوزوم، دلگیر آلورم

آگاهم اوزوم اولده خدا من بی کسه نه فرمان یازیلوب
پیمان آلتوب امضاء اولونوب تا قتلمه بیر عنوان یازیلوب
بیر عمر منه بو غربت آرا زنجیر جفا زندان یازیلوب
تسلیم ائیلیوب هر بیر ستمه اولده اولان تحریر آلورم

ایستردیم اوزوم بیر مدّتیدی سندن بئله بیر خلوتگه راز
تا اولمیا بیر مشغول ائده نیم آسوده ائدم من راز و نیاز
جان اوسته دگول بیجا یره بو فریاد و فغان بو سوز و گداز
آگه سن اوزون سندن ستمی ائیلوبدی منی دلگیر ألورم

هر نوعی بلا یوز وئردی منه لا سویلمدیم وار منده رضا
دوزدوم اوقدر بو حبسه من انجامه یتوب تا امر قضا
جانیم آریوب قدیم بوکولوب از بسکه سیخوب بو تنگ فضا
یوخ باری وئرن هارونه خبر وئرسون یریمه تغیر ألورم

معصومه هانی بو صون نفسم قول بوینوما بیر شوريله سالا
گلسیدی رضاگورسیدیم اوزون ممکندی کوئل دردی آزالا
بو حسرتيله قویماز لاخدا بیرآن بو غریب آسوده قالا
قتلیمدن اوتور ائیلوله گنه هرآنده مین تدبیر ألورم

بیر سن بولوسن نه ظلمه دوزوب صبر ائیلموشم بو جسده من
وضعیتیمنی زندان دگشوب تغیر وئروب اندوه و محن
ممکن دگی بو گر باخسا بیری تشخیص وئره زنداندا بدن
تشخیص وئر بیر دست لباس یا اینکه قوری تصویر ألورم

اولاد غمی هر چند منیم صبر دلیمی قلیمدن آلوب
هجر آتشنه دلدن یانورام بیر غمیری اود بو جانه سالوب
اوغلوم نیه بس گلمدی خدا حسرتله گوزوم یولاردا قالوب
آخر بولوری من جان به لبم ائیلوبدی ندن تاخیر ألورم

مظلوملرون ای مُنقمی هارون منی چوخ مظلوم ائیلیوب
ایللردی منه زنجیر ورُوب زندانه سالوب مغموم ائیلیوب
آخرده خدا رحم ائیلیموب جبريله منی مسموم ائیلیوب
فوراً ائیلیوب اکبادیمه بو زهرین اثری تاثیر ألورم

عالمسن اوزون یارب بولوسن بوزهریده وار نقدری اثر
بو سهلیدی کیم اود دوتدی دلیم یاندی اوره گیم دوغراندی جگر
گر باخسا بیری رنگ رُخمه مطلق گوره جاق واضحدی خبر
دل دوتموری من تا شرح ائیلوم حالیم ائدوری تقریر آلورم

یاد اولدی گنه قلییمده خدا میدان بلا شاهنش دین
قان دجله سنه یخمشدی عدو یالقوز یارالی محزون و حزین
گل پیکرینه وردوقجا یارا ائیلردی خطاب ای لشگر کین
جان اوسته قویون آسوده قالوم ورمون بوقدر شمشیر آلورم

انصاف ائیلون آز یاره ورون بسدور بوقدر پیکر یاراسی
من تشنه لبی جانان آپاروب داش نیزه قلج خنجر یاراسی
کافیدی منه عباس آلومی اصغر محنی اکبر یاراسی
ظاهرده قیروب بند دلیمی اوچ شعبه اولان بیر تیر آلورم

آخدوقجا قانیم یره گوروسوز یرده توکولور یا حق یازیلور
عشقیمده گورور ثابت قدمم بو عشقه دیور صدق یازیلور
تفصیل وئورور حق کلمه سینه حق لفظی یره مطلق یازیلور
تا واردی جهان حقیقیمی بو قان ائده جاق تفسیر آلورم

عاصی بو شهون یازدون غمنی سوز دلیله آغلار گوزیله
واضحدی بو سوز قویماز سنی شه حشره گله سن قاره یوزیله
همت ائیله سن اجرون آلاسان هر ایکی جهان بیر بو سوزیله
یارب بولورم باشه یتشوب باشمده اولان تقدیر آلورم

در شهادت امام رضا (ع)

گل اوغول طوسه یتوب موسم هجران آلورم
منده جدیم کیمی غربتده وئروب جان آلورم

منی مسموم ائیلدی ظلمیله مأمونی دنی
وطنه ائیلدی حسرت بو ستم پیشه منی
گل بو حالیمده باشیم اوسته گوروم بیرجه سنی
سنی گورسم اولی جان وئرماقیم آسان آلورم
قید محنتله بو ظالم منی محبوس ائیلدی
روز و شب ناله جانکاهله مأنوس ائیلدی
عاقبت اوز وطنیمدن منی مایوس ائیلدی
غم فرقتده اوغول باغیریم اولوب قان آلورم

لبلریم ائیله بو زهرین اثریندن یانوری
گوئیا بیر یانار اودا بدنیم اودلانوری
پاره پاره اولوب آخر جگریم دوغرانوری
گل بو وقتیمده منیم حالیمه باخ یان آلورم
من کیمی اولمادی بیر کس بو جهان ایچره غریب
قوم و قارداشدا اوزاق محنت و اندوه قریب
دردیمه یوخ یتیم واردی نه بیر یار و حبیب
کیمه آخر ائدیم اوز دردیمنی اعلان آلورم
دونرم صاق صولا تک گورم اوغول اوز اوزیمی
یوخدی معصومه گلوب باغلاسون آخر گوزیمی
گل اوغول جان وئروم قبله دوندر یوزیمی
باشیم اوستونده تلاوت ائیله قرآن آلورم
بسکه بو زهر جفاده ای اوغول واردور اثر
لبلریم سهلدور آخر دوتوب اود یاندی جگر
وئروم جان اوزیوی تثر یتور ای نور بصر
گنج غربتده نئجه گور منی نالان آلورم

انتظارم سَنه آخرِ نَقدر وارِ نفسیم
 بثلّه و قَتیمده سَنی گورماقا چو خدور هوسیم
 دیماقا دردیمی یو خدور ای اوغول بیرجه کسیم
 گرچه مقصودیم اولوب محضر جانان اُلورم
 یادیمه دوشدی مَنیم کرب و بلا ده شه دین
 غیظه دوره سین آلموشدی اونون لشگر کین
 یاره ویردوقجا دیردی شه محزون و حزین
 بو قدر ورمیون ای لشگر عدوان اُلورم
 دیمورم رحم ائدون ای قوم، من عالی نَسَبم
 جان زهرا دگولم، بثلّه بولون بیر عَرَبم
 بیر ایچیم سو وئرون اوچ گوندی بوگون تشنه لبم
 صاحب آب فراتم ولی عطشان اُلورم
 ظلموله دوغرادوز ای لشگر کین اکبریمی
 اوخلادوز اللریم اوستونده سوسوز اصغریمی
 کومگیم قالمادی اُلدوردوز هامی یاوریمی
 یو خدی بحر غمه بیر ساحل و پایان اُلورم

قانه دوندرمسوز ای قوم بوگون گوز یاشیمی
 آلمسوز الدن ابوالفضل کیمی قارداشیمی
 مَنه بیر شربه وئرون سو کسون آخر باشیمی
 گورمسوز منده اولوب قانیمه غلطان اُلورم
 عاصیا گوز یاشوی ائیلّه بو ماتمه سبیل
 سال اوزون سن بو جگر گوشه زهرا یه دخیل
 بو سوزی ذکر قیل آغلا تاپاسن اجر جَزیل
 گل اوغول طوسه، یتوب موسم هجران اُلورم

زبانحال حضرت رضا (ع)

قویمیوب بو زهرکینه قلبده دوزوم الهی
اوغلومی بتور اماندور یولدادور گوزوم الهی

بیر نفر یانیمدا یوخدور من غریبی یاده سالسون
باشیمی کناره آلسون درد و محنتیم آزالسون
قویما بئله وقتده سن حسرتیم اورکده قالسون
اوغلوما دیماقه دلده واردی چوخ سوزوم الهی
نه یانیمدا واردی باجیم بیر نفر نه محرمیم وار
غربت ایچره باغری قائم دلده دردمد غمیم وار
یوخدی بیر نفر که بولسون ای خدا نه عالمیم وار
ظلمدن دونوبدی آخر شامه گوندوزوم الهی
خوشدی باشیم اوسته ایندی مهربان باجیم اولیدی
حالیمه باخوب یانیدی ابر تک گوزی دولیدی
گوزلریمی باغلییدی باش آچیدی ساج یولیدی
قالمییدی حسرتیله یرده تا یوزوم الهی

دوشموشم بیر عمریدور من ائل قبیله دن کناره
عاقبت وروبدی مأمون اودلی قلبیمه شراره
صون نفسده اولما راضی گوز یاشیم آخا عذاره
بو قدر مَلاَله هانسی محنته دوزوم الهی
بسکه چوخ اثر ائدوبدور زهر کین یانور بو جانیم
نه بو حاله واردی طاقت درد هجره نه توانیم
گوزلریم قالوبدی یولدا گلمدی خدا جوانیم
قان اولان کوئلده آخر قالمیوب دوزوم الهی
ای خدا آدیم رضادور راضیم هامی قضایه
من بیر عمریدور بولورسن دوشموشم غم و بلایه
هر قدر جفا یتیشسه ائتمرم سنه گلایه
مین بئله بلایه دلدن راضیم اوزوم الهی
اللریم اورک باشندا گوزلریمده اشک حسرت
قویمیوب بو زهر کینه منده صبر و تاب و طاقت
بو منیم غم و ملالیم ای خدا بو درد غربت
نه روا بو حسرتیله جانندان آل اوزوم الهی

عاصیا زیارت ایسته یالوار عجزله خدایه
یا ائده بو شاهه زایر یا شهید کربلایه
اوردا بو سوزی مکرر ذکر ائداخ گلاخ نوایه
قویمبوب بو زهر کینه قلبده دوزوم الهی

نوحه در وفات حضرت جواد

ای گوزوم توک اشگ چشمون گل فغان و داده آغلا
معدن سخا وجوده حضرت جواده آغلا
آغلا ای گوزوم قان آغلا
گل فغانه سینه داغلا
فاطمه بوگون ائدوبدور مجلس عزّا اقامه
باش آچوب سزیدلار آغلار بو جوان آلن امامه
سیل تک سرشگ چشمه سنده وئر گوزوم ادامه
ایندیکه آناسی آغلور سنده بو عزاده آغلا

ائیله دلدّه بیر تصوّر حالینی بو شهریارین
گور نئجه مشقتله قورتاروبدی روزگارین
سولدوروب خزان جفاسی باغ عمرینون بهارین
سال او سرورین ملال و غمنلرینی یاده آغلا
عمر ائدوبدی خمس عشرین بیر جهاندا وار روایت
بو آز عمریده چکوبدور چوخ بلا و چوخ مصیبت
خاطر شریفی تاہموب غصّه دن بیر آن فراغت
محنتی زیاد امامه ای گوزوم زیاده آغلا
معتصم ز بسکه دلدّه باغلاموشدی بغض و کینه
قویمادی قصور و نقصان جورده بو شاه دینه
قتلینی امامون ائتدی واگذار محرمینه
یوخ نشان وئرن او ظلمی عالم فناده آغلا
سهلدور بیر عمر اولوبدور درد و غربتله مغموم
اولمبوب جهاندا بیر کس بیرئله غریب و مظلوم
اوز عیالنون الینده عاقبت اولوبدی مسموم
سلب اولوب توانی، تابین غم وئروبدی باده آغلا

نه دلیمده واردی یارا نه قلمده حال تحریر
کشف ائدم او ماجراسین یا ائدم او ستمی تحریر
بوقدر که باشه یتدی عاقبت او امر تقدیر

باطن عالمینده آغلار جدی مصطفاده آغلا

بسکه ائیلدی سرایت زهر کین او تاجداره
دمبدم یانوب آلشدی دوتدی جانینی شراره
گشتدی آلدن اختیاری دوشدی حال احتضاره

یاده سال کوئل او حالی گل فغان و داده آغلا

باد ظلمیله جمالی گل کیمی سولوب سارالدی
زهر کین عطشله با هم اختیارین آلدن آلدی
جان وئرنجه ایستدی سو، سو آدی دلنده قالدی

جان وئروب تک ایوده آخر، یان بو ابتلاده آغلا

حالینی خیال ائدنده دل گُور ملال و درده
اوج گون اوج گنجه او شاهون نعشینی قویوبلا یرده
گون باخوب او جسمه یاندی اوز شعاعین ائتدی پرده

جدینه اولوبدی وارث دهر غمفزاده آغلا

جدیوه آلن زماندا وئرمدیله بیر ایچیم سو
کسدی باشینی قفادن تشنه لب او شمر بدخو
قویدولار یارالی نعشین یرده فرقه جفاجو

قوم کینیه نظر قیل کینه و عناده آغلا

معنصم اگر چه ائتدی بو شه عیان جفاسین
ظلموله یتوردی قتله سویمادی ولی لباسین
یاده سال گیلن حسینون ای گوزوم او ماجراسین

سویماقا یارالی نعشین ائتدیلر اراده آغلا

عاصیا او نوحه خوان که بو سوزه اولوبدی بانی
حقّی واردی سنده دائم قیل دعا او نوحه خوانی
باعث بو مطلع اولدی سن یازاندا بو بیانی

ای گوزوم توک اشک چشمون گل فغان و داده آغلا

احوال جناب مسلم (ع)

مسلم بو کوفه ایچره بی کسم بلالیم من
آز ورون من غریبی یالقوزام یارالیم من
بی کسم بلالیم من

ورموسوز ز بسکه یاره یاره لر سالوب نفسدن
قان آخوب بو مرغ روحیم آز قالور چخا قفسدن
قالمیوب داخی توانیم آیریلور صدا جرسدن

آز ورون من غریبی یالقوزام یارالیم من
من بو شهر ایچنده آخر بیر نفر غریب و زارم
نسبتیم پیمره وار مسلمم اگر چه خوارم
آیری دوشموشم وطندن ائل قبیله دن کنارم

آز ورون من غریبی یالقوزام یارالیم من
سوزش عطش سالوبدور اودلی قلبیمه شراره
سربسر یانور وجودیم نیلیوم یوخ الده چاره
چوخدی جسمون یاراسی ورمیون داخی دوباره

آز ورون من غریبی یالقوزام یارالیم من

گوئیا سیزون ایچوزده یوخدی بیر نفر مسلمان
رحم ائده من غریبه باری ای گروه عدوان
بیر ایچیم وئره منه سو قویمییه وئرم سوسوز جان

آز ورون من غریبی یالقوزام یارالیم من
گرچه من آتام عقيله بو جهاندا نور عینم
لیک واردور افتخاریم فدیة سر حُسنیم
یوخدی باکیم الماقیمدان مست جام نشأتینم

آز ورون من غریبی یالقوزام یارالیم من
قان آخوب گئدوب توانیم بسکه ورموسوز جراحت
سوزش عطش علاوه قویمیوبدی منده طاقت
من کمکسیره تاپولمور بیر نفر ائده حمایت

آز ورون من غریبی یالقوزام یارالیم من
سالک طریق عشقم اهل عشقه من دلیل
اولین قتیل راه آل عترت خلیل
مرشدیم عموم علیدور منده مسلم عقلم

آز ورون من غریبی یالقوزام یارالیم من

سبز دگولسوز اول ائتدوز من غریبزاده بیعت
نقض عهده نولدی علت ای گروه پست فطرت
توکماقا قانیمی ایندی ائتموسوز تمام شرکت

آز ورون من غریبی یالقوزام یارالیم من
ائتمیوب منی پریشان ای جماعت اوز خیالیم
وار بو قان اولان اورکده اوزگه غصّه و ملالیم
نامه یازموشام حُسینه واردی اوندان انفعالیم

آز ورون من غریبی یالقوزام یارالیم من
ائیلیون قبول مندن باری سبز بو التماسی
مسلمون یازون حُسینه وار باشندان به بلاسی
یا حسین بو شهره گلمه یوخدی اهلینون وفاسی

آز ورون من غریبی یالقوزام یارالیم من
مُسلمه ائده توسل هر نه درده مبتلا وار
آدینا فدا آدیندا استجابت دعا وار
عاصیا یقین بو سوز وار تا بو عالم فنا وار
آز ورون من غریبی یالقوزام یارالیم من

سینه زن جناب مسلم علیه السلام

ای جماعت کوفه رحم ائدون یالقوزام یارام چوخدی ورمیون
مسلم غریم کومکسیم پیکریم دولی اوخدی ورمیون
یالقوزام یارام چوخدی ورمیون

دادیمه یتن یوخدی ورمیون

سبز دگولسوز ای کوفیان منه بیعت ائیلدوز اتفاقیله
نولدی بیعتی سند یروب بوگون آچدوزال تماماً نفاقیله
کیم بو نوعی رفتار ائدوب گورون بیر غریب و بی کس قوناقیله

ای جماعت کوفه رحم ائدون یالقوزام یارام چوخدی ورمیون
احترام ائده لر بو رسمدور بیر نفر اگر میهمان اول
خاصه که مسلمان اول اوزی غربت ایچره هم باغریقان اول
بیر یارالی انصافدور گورون بیرثله خدنگه نشان اول
ای جماعت کوفه رحم ائدون یالقوزام یارام چوخدی ورمیون

رحم ائدر بو عالمده رسمدور اولسا گبر و کافر یارالییه
 کافر اولسادا رحم ائدون دیوب شرعیده پیمبر یارالییه
 کسیم گوروب مسلمان اولان وُرا اوخ قلعج مکرر یارالییه
 ای جماعت کوفه رحم ائدون یالقوزام یارام چوخدی ورمیون
 اَلماقِیما چوخ خوشدلَم اوزوم یوخدی باکیم ای فرقه عدو
 قان آخوب سالوب دلدن اولموشام باده شهادتله روبرو
 بیر نفر مسلمان هانی وئره من یارالییه بیرجه شربه سو
 ای جماعت کوفه رحم ائدون یالقوزام یارام چوخدی ورمیون
 من قلعج وُراندا بو کوفه ده حیف اولا علی اکبر اولمادی
 آل هاشمون نوجوانلاری خاصّه مظهر حیدر اولمادی
 فاطمه عزیزی آقام حسین حجت حق داور اولمادی
 ای جماعت کوفه رحم ائدون یالقوزام یارام چوخدی ورمیون
 مُسلم مبرهندی سیزله نسبتیم منیم وار پیمبره
 مرتضیٰ علی عمّ دور منّه وارثم شجاعته حیدره
 قولاریمی آچساز مُقابلم مین بوقدر خونریز لشگره
 ای جماعت کوفه رحم ائدون یالقوزام یارام چوخدی ورمیون

هرقدر آلوزدن گلور ورون ای جماعت کوفه یوخ سوزوم
 قُرب حَقیده سُرخ رو ائدر قانیله بویانسا اگر یوزوم
 بی سبب دگول یولارا باخور حسرتیله بو قان دولان گوزوم
 ای جماعت کوفه رحم ائدون یالقوزام یارام چوخدی ورمیون
 ورمسوز بوقدر اوخ قلعج منّه ای سپاه کین پرور جهول
 یوخ سوزوم اگر مین بئله یارا ورساز ائیلرم جانیه لبول
 من حسینه بیر نامه یازموشام ائیلیوب او نامه منی ملول
 ای جماعت کوفه رحم ائدون یالقوزام یارام چوخدی ورمیون
 گورموسوز وجودیمده اوخ اوخا ای جماعت کینه بند اولوب
 تیغ ظمیلله دیشلریم سینوب آغزیم منیم لخته قان دولوب
 سوزش عطشدن یانور دلیم یوخدی طاقتیم هارضم سولوب
 ای جماعت کوفه رحم ائدون یالقوزام یارام چوخدی ورمیون
 حالی مُسلمون چوخ شبیه دور شاه کربلا ماجراسینه
 اوندا که یخلمیشدی آج سوسوز کربلا ده الله مناسینه
 خشک اولان دلیله دیدی چوخ شام و کوفه نون اشقیاسینه
 ای جماعت کوفه رحم ائدون یالقوزام یارام چوخدی ورمیون

محسن شہیری، قلی، سنہ عاصیا اولوبلار گوزل دلیل
 بو سوزہ حسینی شریکدور ایتسه نہ عطا مُسلم عقیل
 آفریده نون متزلینده تا سالموسان اوزون مسلمہ دخیل
 ای جماعت کوفہ رحم ائدون یالقوزام یارام چوخدی ورمیون

پایان

تمام شد جلد اول

چاپ اول ۱۳۳۳

چاپ دوم ۱۳۷۷

انشاءالله جلد دوم و سوم مرحوم حسن عاصی بزودی
 منتشر خواهد شد.

التماس دعا

یوسف عاصی زاده

«آثم»